

నమో తస్య భగవతో అరహతో సమ్మాసమ్బుద్ధస్య.

విసుద్ధిమగ్గ నిదానకథా

విసుద్ధిమగ్గో నామాయం గన్తో పిటకత్తయసారభూతో సకలలోకే పటిపత్తిదీపకగన్ధానం అగ్గో హోతి సేట్టో పముఖో పామోక్తో ఉత్తమో పవరో చాతి విజ్ఞాహి పసత్తో. తత్థ హి సగ్గీతిత్తయారూళ్ళస్స తేపిటకబుద్ధవచనస్స అత్థం సంఖిపిత్యా సిక్ఖత్తయసంఘహితం బ్రహ్మచరియం పరిపుణ్ణం పకాసితం సువిసదత్తా. ఏవం పసత్తస్సేతస్స విసుద్ధిమగ్గస్స నిదానకథాయపి భవితబ్బమేవ. తస్మాదాని తమ్పకాసనత్థమిదం పఞ్చాకమ్మం వుచ్చతి -

“సో పనేస విసుద్ధిమగ్గో కేన కతో, కదా కతో, కత్థ కతో, కస్మా కతో, కిమత్థం కతో, కిం నిస్సాయ కతో, కేన పకారేన కతో, కిస్స సకలలోకే పత్థటో”తి.

తత్థ కేన కతోతి ఆచరియబుద్ధఘోసత్థేరవరేన తేపిటకసంఘహట్టకథాకారేన కతో.

కదా కతోతి అన్తాకం భగవతో సమ్మాసమ్బుద్ధస్స సకలలోకనాథస్స పరినిబ్బుతికాలతో పచ్ఛా దసమే వస్ససతకే (F23 -బుద్ధవస్సే) కతో.

కత్థ కతోతి సీహళదీపే అనురాధపురే మహావిహారే కతో.

కస్మా కతోతి విసుద్ధికామానం సాధుజనానం తదధిగముపాయం సమ్మాపటిపత్తినయం ఇహపేతుకామతాసజ్ఞాతేన అత్తనో అజ్ఞాసయేన సఞ్చోదితత్తా, సజ్ఞపాలత్థేరేన చ అజ్ఞేసితత్తా కతో.

ఏత్థ పన రత్త్యా ఆచరియబుద్ధఘోసత్థేరస్స ఉప్పత్తి కథేతబ్బా, సా చ మహావంసే (చూళవంసోతిపి వోహరితే దుతియభాగే) సత్తతింసమపరిచ్ఛేదే పన్నరసాధికద్విసతగాథాతో (32, 202) పట్టాయ బాత్తింసాయ గాథాహి పకాసితాయేవ. కథం? -

మహావంస-బుద్ధఘోసకథా

202.బోధిమణ్ణసమీపమ్మి, జాతో బ్రాహ్మణమాణవో;

విజ్ఞా-సిప్ప-కలా-వేదీ, తీసు వేదేసు పారగూ.

203.సమ్మా విజ్ఞాతసమయో, సబ్బవాదవిసారదో;

వాదత్థీ జమ్మదీపమ్మి, ఆహిణ్ణన్తో పవాదికో.

204.విహారమేక'మాగమ్మ, రత్తిం పాతజ్జాలీమతం;

పరివత్తేతి సమ్ముణ్ణ-పదం సుపరిమణ్ణలం.

౨౧౮.తత్తేకో రేవతో నామ, మహాధేరో విజానియ;
“మహాపఞ్ఞో అయం సత్తో, దమేతుం వట్టతీ”తి, సో.

౨౧౯.“కో ను గద్రభరావేన, విరవన్తో”తి అబ్రవి;
“గద్రభానం రవే అత్తం, కిం జానాసీ”తి ఆహ తం.

౨౨౦.“అహం జానే”తి వుత్తో సో, ఓతారేసి సకం మతం;
పుట్టం పుట్టం వియాకాసి, విరద్ధమ్మి చ దస్సయి.

౨౨౧.“తేన హి త్వం సకం వాద-మోతారేహి”తి చోదితో;
పాళి‘మాహా’భిధమ్మస్స, అత్థ‘మస్స న సో’ధిగా.

౨౨౨.ఆహ“కస్సేస మన్తో”తి, “బుద్ధమన్తో”తి సో’బ్రవి;
“దేహి మేతం”తి వుత్తే హి, “గణ్ఠా పబ్బజ్జ తం”ఇతి.

౨౨౩.మన్తట్టి పబ్బజిత్వా సో, ఉగ్గణ్ఠి పిటకత్తయం;
ఏకాయనో అయం మగ్గో, ఇతి పచ్ఛా త‘మగ్గహి.

౨౨౪.బుద్ధస్స వియ గమ్మీర-ఘోసత్తా నం వియాకరుం;
బుద్ధఘోసోతి ఘోసో హి, బుద్ధో వియ మహీతలే.

౨౨౫.తత్త జాణోదయం [జాణోదయం నామపకరణం ఇదాని కుహిజ్ఞేపి న దిస్సతి]; నామ, కత్వా పకరణం తదా;
ధమ్మసఙ్గణియాకాసి, కచ్చం సో అట్ఠసాలినిం [ఇదాని దిస్సమానా పన అట్ఠసాలినీ సీహళదీపికాయేవ; న
జమ్బుదీపికా; పరతో (౧౪-౧౫ పిట్టేసు) ఏస ఆవిభవిస్సతి].

౨౨౬.పరిత్తటకథఞ్చవ [పరిత్తటకథన్తి పిటకత్తయస్స సఙ్ఘేపతో అత్థవణ్ణనాభూతా ఖుద్దకట్టకథాతి అధిప్పీతా భవేసు],
కాతుం ఆరభి బుద్ధిమా;
తం దిస్సా రేవతో థేరో, ఇదం వచనమబ్రవి.

౨౨౭.“పాళిమత్తం ఇధానీతం, నత్తి అట్టకథా ఇధ [ఏత్థ సగీభిత్తయారూఱ్హా మోగ్గలిపుత్తతిస్సత్తేరస్స సన్తికా ఉగ్గహితా
సిస్సానుసిస్సపరమ్పరాతతా మూలట్టకథా కస్మా జమ్బుదీపే సబ్బసో అన్తరహితాతి విమంసితబ్బం];
తథాచరియవాదా చ, భిన్నరూపా న విజ్ఞరే.

౨౨౮.సీహళట్టకథా సుద్ధా, మహిన్దేన మతీమతా;
సఙ్గీతిత్తయమారూఱ్హం, సమ్మాసమ్మద్ధదేసితం.

౨౨౯.సారిపుత్తాదిగీతఞ్చ, కథామగ్గం సమ్మేక్షియ;

కతా సీహళభాసాయ, సీహళేసు పవత్రతి.

౨౩౦.తం తత్త గన్త్యా సుత్వా త్వం, మాగధానం నిరుత్తియా;
పరివత్తేహి, సా హోతి, సబ్బలోకహితావహా”.

౨౩౧.ఏవం పుత్తే పసన్నో నో, నిక్ఖమిత్వా తతో ఇమం;
దీపం ఆగా ఇమస్సేవ [ఇదస్సేవాతి ఇమస్సేవ మహానామరఙ్గో కాలే ౯౫౩-౯౭౫ బుద్ధవస్సే; అయిఇచ్చ
వస్సపరిచ్ఛేదో సీహళరాజవంసం నిస్సాయ దస్సితో; యురోపియవిచక్ఖణానం పన మతేన ౯౪౧-౯౬౪ బుద్ధవస్సే
ఇతి వేదితబ్బో; ఏవముపరిపి;], రఙ్గో కాలే మహామతి.

౨౩౨.మహావిహారం సమ్మత్తో, విహారం సబ్బసాధునం;
మహాపధానఘరం గన్త్యా, సజ్జపాలస్స సన్తికా.

౨౩౩.సీహళటకథం సుత్వా, ధేరవాదఇచ్చ సబ్బసో;
“ధమ్మస్సామిస్స ఏసోవ, అధిప్పాయో”తి నిచ్చియ.

౨౩౪.తత్త సజ్ఞం సమానేత్వా, “కాతుం అటకథం మమ;
పోత్తకే దేధ సబ్బే”తి, ఆహ, వీమంసితుం స తం.

౨౩౫.సజ్ఞో గాథాద్వయం తస్సా’దాసి “సామత్తియం తవ;
ఏత్త దస్సేహి, తం దిస్వా, సబ్బే దేమాతి పోత్తకే” [౨౩౪-౫ గాథాసు అయమత్తయోజనా- “తత్త మహావిహారే
సంఘం మహానేత్వా సంఘం సన్నిపాతం కారేత్వా ఆచరియపుబ్బద్ధఘాసో ఏవమాహ ‘అటకథం కాతుం సబ్బే
పాళి-అటకథా-పోత్తకే మమ దేధా’తి; నో సంఘా తం వీమంసితుం సంయుత్తనికాయతో ‘అన్తోజటా’తిఆదికం చ
‘సీలే పతిట్టాయ’తిఆదికం చాతి గాథాద్వయం తస్స అదాసి ‘ఏత్త తవ సామత్తియం ఇాణప్పభావం దస్సేతి; తం
దిస్వా సబ్బే పోత్తకే దేమా’తివత్వా”తి; ఇమినా పన అయమత్తా దస్సితో హోతి “ఆచరియ బుద్ధఘాసో
విసుద్ధిమగ్గం కరోన్తో తదేవ గాథాద్వయం ఓలోకేత్వా, కిఇప్పి అజ్ఞాం పోత్తకం అనోలోకేత్వా అకాసీ”తి; తస్స
పనత్థస్స యుత్తాయుత్తవిచారణా పరతో (౩౯-౪౯-పిట్టేసు) ఆగమిస్సతి].

౨౩౬.పిటకత్తయ’మేత్తేవ, సద్ధిం అటకథాయ నో;
విసుద్ధిమగ్గం నామా’కా, సజ్ఞహేత్వా సమాసతో.

౨౩౭.తతో సజ్ఞం సమూహేత్వా, సమ్మద్ధమతకోవిదం;
మహాబోధిసమీపమ్మి, నో తం వాచేతు మారభి.

౨౩౮.దేవతా తస్స నేపుజ్ఞాం, పకాసేతుం మహాజనే;

ధాదేసుం పోత్తకం సోపి, ద్వత్తిక్ష్ణత్తుమ్మి తం అకా [౨౩౮ గాథాయ అయమత్తో- “దేవతా తస్య బుద్ధఘోసస్య నేపుణ్ణం నిపుణ్ణాప్పసావం మహాజనస్య పకాసేతుం తేన లిఖితం విసుద్ధిమగ్గపోత్తకం ధాదేసుం పటిచ్చాదేత్వా అపస్సియభావం పాపేత్వా రపేసుం; సోపి బుద్ధఘోసో దుతియమ్మి తం లిఖి, తమ్మి దేవతా ఛదేసుం; తతియమ్మి లిఖీ”తి; తేన వుత్తం “ద్వత్తిక్ష్ణత్తుమ్మి తం అకా”తి; ఇదమేవ మహావంసవచనం నిస్సాయ విత్తారేత్వా కథితాయ బుద్ధఘోసుప్పత్తియా నామ కథాల ఏకరత్తేనేవ విసుద్ధిమగ్గస్య తిక్ష్ణత్తుమ్మి లిఖిత్వా నిట్టాపితభావో పకాసితో; ఈదిసీ పన కథా బహూనం విష్ణుయజననీపి పరిక్ష్ణకానం సంసయజననీ హోతి; తస్మా ఇమిస్సాపి విచారణా పరతో (౪౭-౮-పిట్టేసు) దస్సియిస్సతి].

౨౩౯. వాచేతుం తతియే వారే, పోత్తకే సముదాహటే;
పోత్తకద్వయ’మణ్ణమ్మి, సణ్ణపేసుం తహిం మరూ.

౨౪౦. వాచయింసు తదా భిక్షూ, పోత్తకత్తయ’మేకతో;
గన్థతో అత్తతో వాపి, పుబ్బాపరవసేన వా.

౨౪౧. ధేరవాదేహి పాళీహి, పదేహి బృణ్ణనేహి వా;
అణ్ణాథత్తమహూ నేవ, పోత్తకేసుపి తేసుపి.

౨౪౨. అథ ఉగ్గోసయా సజ్ఞో, తుట్టహట్టో విసేసతో;
నిస్సంసయం’స మేత్తేయ్యా, ఇతి వత్వా పునపునం.

౨౪౩. సద్ధిం అట్టకథాయా’దా, పోత్తకే పిటకత్తయే;
గన్థాకరే వసంతో సో, విహారే దూరసజ్జరే.

౨౪౪. పరివత్తేసి సబ్బాపి, సీహళట్టకథా తదా;
సబ్బేసుం మూలభాసాయ, మాగధాయ నిరుత్తియా.

౨౪౫. సత్తానం సబ్బభాసానం, సా అహోసి హితావహా;
ధేరియాచరియా సబ్బే, పాళిం వియ త’మగ్గహుం.

౨౪౬. అథ కత్తబ్బకిచ్చేసు, గతేసు పరినిట్టితిం;
వన్దితుం సో మహాబోధిం, జమ్బుదీపం ఉపాగమీ”తి [సో మహాబోధి వన్దితుం జమ్బుదీపం ఉపాగమీతి ఇదం వచనం పురిమవచనేహి అసంసృతం వియ హోతి; పుబ్బే హి “ఆచరియబుద్ధఘోసో బోధిమణ్ణసమీపే జాతో”తి చ, “సీహళదీపం గత్వా సీహళట్టకథాయో మాగధభాసాయ పరివత్తేహితి తస్మాచరియేన రేవతత్థేరేన వుత్తో”తి చ వుత్తం; తస్మా ఇధాపి ఆచరియబుద్ధఘోసస్య పవత్తి తదనురూపా “తా భాసాపరివత్తితట్టకథాయో ఆదాయ సాసనుజ్ఞోతనత్తం జమ్బుదీపం ఉపాగమీ”తి ఏవమాదినా సాసనుజ్ఞోతనమూలికా ఏవ భవితుం అరహతి, న పన మహాబోధివన్దనమూలికాతి].

అయిళ్ళా పన మహావంసకథా ౧౯౫౦ - ఖరిస్తవస్సే హాబదమహావిజ్ఞాలయముద్దణయన్తే రోమక్ష్తరేన ముద్దితస్స
విసుద్ధిమగ్గపోత్థకస్స పురేచారికకథాయం “అనేకానేత్థ అత్థి విచారేతబ్బానీ”తి వత్వా ధమ్మానన్దకోసమ్మీనామకేన విచక్షణేన
విచారితా. తమేత్థ యుత్తాయుత్తవిచిననాయ దస్సేత్వా అనువిచారణమ్మిస్స కరిస్సామ.

జాతిదేసవిచారణ

౧. తత్త హి తేన ధమ్మానన్దేన “బుద్ధఘోసో బోధిమణ్ణసమ్మేపే (బుద్ధగయాయం) జాతోతి న యుత్తమేత”ని వత్వా తంసాధనత్థాయ చత్తారి బృతిరేకకారణాని దస్సితాని. కథం?

(క) “బుద్ధఘోసేన పకాసితేసు తంకాలికవత్తూసు ఏకమ్మి తం నత్తి, యం మగధేసు ఉప్పన్న”ని పఠమం కారణం దస్సితం. తదకారణమేవ. ఆచరియబుద్ధఘోసత్థేరో హి సజ్జహట్టకథాయో కరోన్తో పోరాణట్టకథాయోయేవ సంఖిపిత్వా, భాసాపరివత్తనమత్తేన చ విసేసేత్వా అకాసి, న పన యం వా తం వా అత్తనో దిట్టసుతం దస్సిత్వా. వుత్తజ్ఞోతం ఆచరియేన -

“సంవణ్ణనం తిజ్ఞా సమారభన్తో,
తస్సా మహాఅట్టకథం సరీరం;
కత్వా మహాపచ్చరియం తథేవ,
కురున్ధినామాదిసు విస్సుతాసు.

వినిచ్చయో అట్టకథాసు వుత్తో,
యో యుత్తమత్థం అపరిచ్చజన్తో;
అథోపి అన్తోగధధేరవాదం,

సంవణ్ణనం సమ్మ సమారభిస్స”ని [\[పారా. అట్ట. ౧.గన్ధారమ్మకథా\]](#) చ.

“తతో చ భాసంతరమేవ హిత్వా,
విత్థారమగ్గజ్ఞా సమాసయిత్వా;
వినిచ్చయం సబ్బమసేసయిత్వా,
తన్తిక్కమం కిజ్జే అవోక్కమిత్వా.

సుత్తన్తికానం వచనానమత్థం,
సుత్తానురూపం పరిదీపయన్తీ;
యస్మా అయం హేస్సతి వణ్ణనాపి,

సక్కచ్చ తస్మా అనుసిక్ఖితబ్బా”తి [\[పారా. అట్ట. ౧.గన్ధారమ్మకథా\]](#) చ.

యథేవ చ ఆచరియబుద్ధఘోసేన అత్తనో అట్టకథాసు తంకాలికాని మాగధికాని వత్తూని న పకాసితాని, తథేవ సీహళికానిపి దక్షిణఇన్దియరట్టికానిపి. న హి తత్త వసభరాజకాలతో (౬౦౯-౬౦౩ -బుద్ధవస్స) పచ్చా ఉప్పన్నవత్తూని దిట్టాని రపేత్వా మహాసేనరాజవత్తుం [\[పారా. అట్ట. ౨.౨౩౬-౨౩౭\]](#), ఆచరియో చ తతో తిసతమత్తవస్సేహి పచ్చాతరే మహానామరజ్ఞో కాలే (౯౦౩-౯౭౦-బు-వ) సీహళదీపముపాగతో. తస్మా అట్టకథాసు తంకాలికమాగధికవత్తూనం అప్పకాసనమత్తేన న సక్కా తక్కత్తా న మాగధికోతి ఇాతున్తి.

[ఖ) పునపి తేన “సబ్బేసుపి బుద్ధమోసగన్దేసు ఉత్తరశ్చంద్రియదేసాయత్తం పచ్చక్షతో దిట్టస్స వియ పకాసనం నట్టి”తి దుతియం కారణం దస్సితం. తస్సపి అకారణభావో పురిమవచనేనేవ వేదితబ్బో. అపిచ సారత్థప్పకాసినియా నామ సంయుత్తట్టకథాయం, సుమజ్జలవిలాసినియా నామ దీఘనికాయట్టకథాయశ్చ వుత్తసంవణ్ణనాయపి వేదితబ్బో. తత్థ హి -

“యథేవ హి కలమ్మనదీతీరతో రాజమాతువిహారద్వారేన ధూపారామం గన్తబ్బం హోతి, ఏవం హిరజ్జవతికాయ నామ నదియా పారిమతీరతో సాలవనం ఉయ్యానం. యథా అనురాధపురస్స ధూపారామో, ఏవం తం కుసినారాయ హోతి. ధూపారామతో దక్షిణద్వారేన నగరం పవిసనమగ్గో పాచీనముఖో గన్త్యా ఉత్తరేన నివత్తతి, ఏవం ఉయ్యానతో సాలపన్తి పాచీనముఖా గన్త్యా ఉత్తరేన నివత్తా. తస్మా తం ఉపవత్తనన్తి వుచ్చత్తి”తి [సం. ని. అట్ట. ౧.౧.౧౮౬; దీ. ని. అట్ట. ౨.౧౯౮] -

పచ్చక్షతో దిట్టస్స వియ పకాసనమ్మి దిస్సతేవ. తమ్మి పన పోరాణట్టకథాహి భాసాపరివత్తనమత్తమేవాతి గహేతబ్బం, తాదిసాయ అత్తసంవణ్ణనాయ మహామహిన్దత్తేరకాలతోయేవ పభుతి వుత్తాయ ఏవ భవితబ్బత్తాతి.

[గ) పునపి తేన “ఉణ్ణస్సాతి అగ్గిసన్తాపస్స, తస్స వనదాహాదీసు సమ్మవో వేదితబ్బో”తి విసుద్ధిమగ్గే (౧, ౩౦-పిట్టి) వుత్తసంవణ్ణనం పకాసేత్వా “తస్సా పనస్స అవహాసనీయభావో పాకటోయేవా”తి చ హీళేత్వా “ఇన్ద్రియరట్టి పన ఉత్తరదేసేసు గిమ్మకాలే వత్తచ్ఛాదనరహితా మానుసకాయచ్చవి సూరియసన్తాపేన ఏకంసతో దయ్యతి, తం న జానన్తి దక్షిణశ్చంద్రియదేసికా”తి తతియం కారణం దళ్లతరభావేన దస్సితం. తత్థ పన యది “సూరియసన్తాపేన ఏకంసతో దయ్యతి”తి ఏతం ఉజ్జకతో సూరియరస్మిసన్తాపేనేవ దడ్డభావం సన్ధాయ వుచ్చేయ్య, ఏవం సతి డంసమకసవాతాతపసరీసపసమ్మస్సానన్తి పదే ఆతపసద్దేన సమానత్తత్తా న యుత్తమేవ. యది పన సూరియసన్తాపసజ్ఞాతేన ఉణ్ణఉతునా దడ్డభావం సన్ధాయ వుచ్చేయ్య, ఏవం సతి ఉత్తరశ్చంద్రియదేసేసు, అజ్ఞాత్త చ తాదిసేసు అతిఉణ్ణట్టానేసు సూరియసన్తాపసజ్ఞాతస్స ఉణ్ణఉతునో పటిఘాతాయ చీవరం సేనాసనశ్చ పటిసేవీయతీతి అయమత్తో న న యుత్తో. తథా హి వుత్తం వినయట్టకథాయం (౩, ౨౮)

“సీతం ఉణ్ణన్తి ఉతువిసభాగవసేన వుత్త”న్తి.

సా పన విసుద్ధిమగ్గే పదత్తసంవణ్ణనా పోరాణసుత్తన్తట్టకథాహి ఆగతా భవేయ్య. తథా హి వుత్తం పపశ్చసూదనియా నామ మజ్ఞిమనికాయట్టకథాయ సబ్బాసవసుత్తవణ్ణనాయం (౧, ౨౮) “ఉణ్ణన్తి చేత్త అగ్గిసన్తాపోవ వేదితబ్బో, సూరియసన్తాపవసేన పనేతం వత్తు వుత్త”న్తి. ఏత్త చ సచాయమత్తో ఆచరియేన అత్తనో మతివసేన వుత్తో అస్స, తస్స వత్తుస్స పోరాణట్టకథాయం వుత్తభావశ్చ తస్సా అత్తసంవణ్ణనాయ అత్తనో మతిభావశ్చ యుత్తభావశ్చ పకాసేయ్య. ఆచరియో హి యత్త యత్త పోరాణట్టకథాసు అవుత్తత్తం విసేసేత్వా దస్సేతి, తత్త తత్త తాదిసం శౌపకవచనమ్మి పకాసేతియేవ, యథా సుమజ్జలవిలాసినియం (౧, ౭౨) “ఏత్త ఆణత్తియనిస్సగ్గియథావరాపి పయోగా యుజ్జన్తి, అట్టకథాసు పన అనాగతత్తా వీమంసిత్వా గహేతబ్బా”తి వచనం, యథా చ పపశ్చసూదనియం (౧, ౩౦) “అవిచారితమేతం పోరాణేహి, అయం పన అత్తనో మతీ”తి వచనం. న చేత్త కిశ్చపి శౌపకవచనం పకాసితం. తస్మా “యదేతం ‘ఉణ్ణస్సాతి అగ్గిసన్తాపస్సా’తి చ, ‘ఉణ్ణన్తి చేత్త అగ్గిసన్తాపోవ వేదితబ్బో’తి చ వచనం, ఏతం పోరాణసుత్తన్తట్టకథావచన”న్తి వేదితబ్బన్తి.

(ఘ) పునపి తేన “పపశ్చసూదనియా నామ మజ్జిమనికాయట్టకథాయం గోపాలకసుత్తం సంవణ్ణేన్తో [మ. ని. అట్ట. ౧.౩౫౦] బుద్ధఘోసో ‘మగధవిదేహరత్తానం అన్తరే గజ్ఞాయ నదియా మజ్జే వాలుకత్తలదీపకా అట్టి’తి సద్దహతి మజ్జో. బుద్ధఘోసేన పన దిట్టగజ్ఞా సీహళదీపే మహావేలిగజ్ఞాయేవ, న పన ఇన్దియరత్తికానం సేట్టసమ్మతా మహాగజ్ఞాతి పాకటోయేవాయమట్టి”తి చతుత్తం కారణం దస్సితం. తం పన ఇదాని మహాగజ్ఞాయ మజ్జే తస్మిం రానే తాదిసం దీపకం అదిస్సా “పుట్టేపి ఏవమేవ భవేయ్యా”తి ఏకంసతో గహేత్వా వుత్తవచనమత్తమేవ. నదియో పన సబ్బదాపి తేనేవాకారేన తిట్టన్తితి న సక్కా గహేతున్తి పాకటోయేవాయమట్టి. తస్మా యథా పుట్టే తస్స గోపాలస్స కాలే తస్మిం రానే మజ్జే గజ్ఞాయ తాదిసా దీపకా సంవిజ్ఞమానా అహీసుం, తథేవ పోరాణట్టకథాసు ఏస అట్టో సంవణ్ణితో, తదేవ చ వచనం ఆచరియేన భాసాపరివత్తనం కత్వా పకాసితన్తి ఏవమేవ గహేతబ్బం. తస్మా తమ్పి అకారణమేవాతి.

బ్రాహ్మణకులవిచారణ

౨. అథ “బ్రాహ్మణమాణవో”తి పదమ్ని తేన ఏవం విచారితం -

(క) “బుద్ధమోసో ‘బ్రాహ్మణకులజాతో’తి న సక్యా గహేతుం. కస్మా వేదకాలతో పట్టాయ యావజ్జతనా సబ్బేపి బ్రాహ్మణా

బ్రాహ్మణోస్య ముఖమాసీది, బాహూ రాజన్య? కత?;

ఊరూ తదస్య యద వగ్య?, పద్భ్యాం గూర్దో అజాయతా”తి [ఇరువేద, ౧౦-మణ్డల, ౯౦; తథా అథవ ౬ వేద ౧౯, ౬, ౬].

ఇమం పురిససుత్తం నామ మన్తం జానంతి సద్దహియా.

అయం పనస్సా అత్తో - ‘బ్రాహ్మణో అస్స (బ్రహ్మణో) ముఖం ఆసి. బాహూ రాజన్యో కతో, ఖత్తియా అస్స బాహూతి వుత్తం హోతి. యో వేసోస్స, సో అస్స ఊరూ. సుద్ధో అస్స పాదేహి అజాయా’తి.

బుద్ధమోసో పన ‘పణ్ణితబ్రాహ్మణో’తి ఇతోపి తం గాథం న అజ్ఞాసి. తథా హి తేన బన్ధుపాదాపచ్ఛాతి పదస్స అత్థవణ్ణనాయం ‘తేసం కిర అయం లద్ధి - బ్రాహ్మణా బ్రహ్మణో ముఖతో నిక్ఖంతా, ఖత్తియా ఉరతో, వేసా నాభితో, సుద్ధా జాణుతో, సమణా పిట్టిపాదతో’తి [దీ. ని. అట్ట. ౧.౨౬౩; మ. ని. అట్ట. ౧.౧౦౮] తిస్సా వేదగాథాయ అసమానత్తో వణ్ణితో”తి.

అయం పనేత్థ అనువిచారణా - యది చ తంకాలికానమ్ని బ్రాహ్మణానం లద్ధి తథేవ భవేయ్య యథా ఏతిస్సం గాథాయం వుత్తా, సా చత్థవణ్ణనా ఆచరియస్స మతిమత్తా. ఏవం సతి సా విచారణా యుత్తా భవేయ్య. ఏతిస్సం పన గాథాయం “బ్రాహ్మణోస్య ముఖమాసీది”తి పరమపాదేన “బ్రాహ్మణా బ్రహ్మణో ముఖతో జాతా”తి అత్తో ఉజ్జకతో న లబ్బతి. బుద్ధకాలే పన బ్రాహ్మణానం లద్ధి “బ్రాహ్మణా బ్రహ్మణో ముఖతో జాతా”తి ఏవమేవ అహోసీతి పాకటోయేవాయమత్తో. తథా హి దీఘనికాయే పాథికవగ్గే అగ్గజ్ఞాసుత్తే (౩, ౬౭) -

“దిస్సన్తి ఖో పన వాసేట్ట బ్రాహ్మణానం బ్రాహ్మణీయో ఉతునియోపి గబ్బినియోపి విజాయమానాపి పాయమానాపి. తే చ బ్రాహ్మణాం యోనిజావ సమానా ఏవమాహంసు - బ్రాహ్మణోవ సేట్తో వణ్ణో, హీనా అజ్ఞో వణ్ణా. బ్రాహ్మణోవ సుక్కో వణ్ణో, కణ్ణా అజ్ఞో వణ్ణా. బ్రాహ్మణావ సుజ్ఞన్తి, నో అబ్రాహ్మణా. బ్రాహ్మణావ బ్రహ్మణో పుత్తా ఓరసా ముఖతో జాతా బ్రహ్మజా బ్రహ్మనిమ్మితా బ్రహ్మదాయాదాతి. తే బ్రహ్మనజ్జేవ అబ్బాచిక్ఖన్తి, ముసా చ భాసన్తి, బహుజ్ఞా అపుజ్ఞాం పసవన్తీ”తి -

భగవతా మహాకారుణికేన వాసేట్టభారద్వాజానం బ్రాహ్మణమాణవకానం భాసితం, తేహి చ తం అభినన్దితం. తే పన ద్వేపి మాణవకా జాతివసేన పరిసుద్ధబ్రాహ్మణా చేవ హోన్తి తిణ్ణమ్ని వేదానం పారగునో చ. తస్మా “బ్రాహ్మణా బ్రహ్మణో ముఖతో నిక్ఖంతా”తి వచనస్స తంకాలికానం బ్రాహ్మణానం లద్ధివసేన పుత్తభావో పాకటోయేవ. యథా చేతం, ఏవం “ఖత్తియా ఉరతో, వేసా నాభితో, సుద్ధా జాణుతో, సమణా పిట్టిపాదతో”తి వచనమ్ని “తంకాలికబ్రాహ్మణానం లద్ధిజ్ఞాహి

పోరాణట్టకథాచరియేహి వుత్త”ని సద్దహిత్యా ఆచరియబుద్ధఘోసేన తం సబ్బం పోరాణట్టకథాతో భాసాపరివత్తనమత్తేన విసేసేత్వా పకాసితం భవేయ్య. తస్మా తాయపి వేదగాథాయ ఆచరియస్స అబ్రాహ్మణభావసాధనం అనుపపన్నమేవాతి.

(ఖ) పునపి తేన ఆచరియబుద్ధఘోసత్థేరస్స అబ్రాహ్మణభావసాధనత్తం దుతియమ్పి కారణం ఏవమాహటం -

“బ్రాహ్మణగన్ధేసు గబ్బఘాతవాచకం భూనహాతి పదం పాళియం భూనహు (భూనహనో) ఇతి దిస్సతి. మాగణ్ఠీయసుత్తే భరియాయ మేధునసంవాసాభావేన ఉప్పజ్జనారహగబ్బస్స నాసకత్తం సన్ధాయ మాగణ్ఠీయో పరిబ్బాజకో భగవంతం ‘భూనహు (భూనహనో) సమణో గోతమో’తి [మ. ని. ౨.౨౦౭ ఆదయో] ఆహ. తం బుద్ధఘోసో న జానాతీతి పాకటీయేవ తదత్తసంవణ్ణనాయ. తత్త హి తేన భూనహునోతి (భూనహనస్సా) పదం ‘హతవడ్డినో మరియాదకారకస్సా’తి [మ. ని. అట్ట. ౨.౨౦౭] వణ్ణిత”ని.

తమ్పి అయుత్తమేవ. న హి మాగణ్ఠీయేన పోట్టబ్బారమ్మణాపరిభోగమత్తమేవ సన్ధాయ భూనహుభావో వుత్తో, అథ ఖో ఛన్నమ్పి లోకామిసారమ్మణానం అపరిభోగం సన్ధాయ వుత్తో. తస్మిన్ఞ్ఞో సుత్తే -

“చక్ఖం ఖో మాగణ్ఠీయ రూపారామం రూపరతం రూపసమ్ముదితం, తం తథాగతస్స దంతం గుత్తం రక్ఖితం సంవుతం, తస్స చ సంవరాయ ధమ్మం దేసేతి, ఇదం ను తే ఏతం మాగణ్ఠీయ సన్ధాయ భాసితం ‘భూనహు సమణో గోతమో’తి. ఏతదేవ ఖో పన మే భో గోతమ సన్ధాయ భాసితం ‘భూనహు సమణో గోతమో’తి. తం కిస్స హేతు, ఏవఞ్ఞో నో సుత్తే ఓచరతీతి...పే... మనో ఖో మాగణ్ఠీయ ధమ్మారామో ధమ్మరతో ధమ్మసమ్ముదితో, సో తథాగతస్స దంతో గుత్తో రక్ఖితో సంవుతో, తస్స చ సంవరాయ ధమ్మం దేసేతి, ఇదం ను తే ఏతం మాగణ్ఠీయ సన్ధాయ భాసితం ‘భూనహు సమణో గోతమో’తి. ఏతదేవ ఖో పన మే భో గోతమ సన్ధాయ భాసితం ‘భూనహు సమణో గోతమో’తి. తం కిస్స హేతు, ఏవఞ్ఞో నో సుత్తే ఓచరతీ”తి [మ. ని. ౨.౨౦౭ ఆదయో].

ఏవం భగవతో చ అనుయోగో మాగణ్ఠీయస్స చ పటిఞ్ఞా ఆగతా.

ఏత్త హి మేధునప్పటిసేవనవసేన పోట్టబ్బారమ్మణాపరిభోగహేతు ఏవ గబ్బపతిట్టానం సమ్భవతీతి తదపరిభోగమేవ సన్ధాయ “భూనహూ”తి వత్తుం అరహతి, తదఞ్ఞోసం పన పఞ్చన్నం రూపాదిఆరమ్మణానం, తత్థాపి విసేసతో ధమ్మారమ్మణస్స సుద్ధమనోవిఞ్ఞాణేన పరిభోగహేతు నత్తి కిఞ్చి గబ్బపతిట్టానన్తి తేసం అపరిభోగం సన్ధాయ భూనహూతి వత్తుం న అరహతియేవ, మాగణ్ఠీయేన పన సబ్బానిపి తాని సన్ధాయ వుత్తభావో పటిఞ్ఞాతో, కారణఞ్చస్స దస్సితం “ఏవఞ్ఞో నో సుత్తే ఓచరతీ”తి. తస్మా కిఞ్చాపి దాని బ్రాహ్మణగన్ధేసు భూనహు- (భూనహా) సద్దో గబ్బఘాతనత్తే దిస్సతి, మాగణ్ఠీయసుత్తే పసేనో అత్తో న యుజ్జతీతి ఆచరియేన “హతవడ్డి మరియాదకారకో”తి అయమేవత్తో పోరాణట్టకథాయ భాసాపరివత్తనవసేన పకాసితోతి వేదితబ్బో.

(గ) పునపి తేన “ఇదమ్మన బుద్ధఘోసస్స అబ్రాహ్మణభావసాధకం పచ్చిమకారణం, సో హి విసుద్ధిమగ్గే సీలనిద్దేస (౧, ౩౧) బ్రాహ్మణానం పరిహాసం కరోన్తో ‘ఏవం ఇమినా పిణ్డపాతపటిసేవనేన పురాణఞ్చ జిఘచ్ఛావేదనం పటిహజ్ఞామి, నవఞ్చ వేదనం అపరిమితభోజనపచ్చయం ఆహరహత్థక అలంసాటక తత్రవట్టక కాకమాసక భుత్తవమితకబ్రాహ్మణానం

అణ్ణతరో వియ న ఉప్పాదేస్సామీతి పటిసేవతీ'తి ఆహ. ఇదం పన ఏకస్స భిన్నబ్రాహ్మణలద్ధికస్సాపి వచనం సియాతి తదేవ
దళ్ళకారణం కత్వా న సక్కా 'బుద్ధఘోసో అబ్రాహ్మణో'తి వత్తు"న్తి తతియం కారణం వుత్తం. తం పన
అతిసంవేజనీయవచనమేవ. న హేతం ఆచరియేన బ్రాహ్మణానం పరిహాసం కాతుకామేన వుత్తం, న చ తం పరిహాసవచనేన
సంయోజేతబ్బట్ఠానం, అణ్ణదఢ్ఠు యథాభూతమత్థం దస్సేత్వా సబ్రహ్మచారీనం ఓవాదానుసాసనిదానవసేన వత్తబ్బట్ఠానం,
తథాయేవ చ ఆచరియేన వుత్తం. తథా హి యే లోకే పరదత్తూపజీవినో సమణా వా బ్రాహ్మణా వా అణ్ణో వాపి చ పుగ్గలా, తే
పచ్చవేక్షణజ్ఞాణరహితా అసంవరే రితా కదాచి అతిపణీతం రసం పహూతం లద్ధా అపరిమితమ్పి భుజ్జోయుగం, విసేసతో పన
బ్రాహ్మణా లోకీకవత్తువసేన చ, జాతకాదిసాసనికవత్తువసేన చ తాదిసా అహేసున్తి పాకటా. ఇమస్మిణ్ణో లోకే
వస్ససతసహస్సేహి వా వస్సకోటీహి వా అపరిచ్ఛిన్నద్ధానే కో సక్కా వత్తుం "నేదిసా భూతపుబ్బా"తి. తస్మా తాదిసేహి
వియ న అపరిమితభోజనేహి భవితబ్బన్తి ఓవాదానుసాసనిదానవసేనేవ వుత్తం. తదేవం అత్తసంహితమ్పి సమానం
అయోనిసోమనసికరోతో అనత్తమేవ జాతం, యథా సభరియస్స మాగణ్ఠీయబ్రాహ్మణస్స అనాగామిమగ్గఫలత్థాయపి దేసితా
గాథా [ధ. ప. అట్ట. ౧.సామావతీవత్తు] తేసం ధీతుయా అనత్థాయ సంవత్తతీతి సంవేగోయేవేత్త బ్రూహేతబ్బోతి.

పతజ్ఞాలివాదవిచారణ

౩. అథ తేన “పాతజ్ఞాలిమతం పరివర్తేతి”తి వచనమ్ని ఏవం విచారితం.

(క) “బుద్ధఘోసో పతజ్ఞాలిస్స వా అజ్ఞోసం వా ఉత్తరఇంద్రియరట్టికానం వాదం అప్పకమేవ అజ్ఞాసి. పతజ్ఞాలివాదేసు హి అణిమా లఘిమాతి ఇదమేవ ద్వయం దస్సేసి [విసుద్ధి. ౧.౧౪౪] తతుత్తరి యోగసుత్తం అజానన్తో, పతజ్ఞాలివాదస్స చ తులేత్వా దీపనా తస్స గన్ఠేసు న దిస్సతి, పతజ్ఞాలినా కతపకరణజ్ఞా పతజ్ఞాలీతి నామమత్తమ్ని చ తత్త దీపితం నత్తి. విసుద్ధిమగ్గే పన పజ్ఞాభూమినిద్దేసే ‘పకతివాదీనం పకతి వియా’తి [విసుద్ధి. ౨.౨౮౪] పకతివాద (సంఖ్యావాద) నామమత్తం పకాసితం, తత్తేవ చ ‘పటిజ్ఞా హేతుతిఆదీసు హి లోకే వచనావయవో హేతుతి వుచ్చతీతి [విసుద్ధి. ౨.౨౯౨] ఉదాహరితం, తేన జాయతి ‘బుద్ధఘోసో ఇంద్రియతక్కనయదీపకే జాయగన్ఠస్మిం కిజ్జి మూలభాగమత్తం అపరిపుణ్ణం జానాతీతి”.

తం పన సబ్బమ్ని కేవలం ఆచరియస్స అబ్బాచిక్ఖణమత్తమేవ. అతిగమ్భీరస్స హి అతిగరుకాతబ్బస్స సుపరిసుద్ధస్స పిటకత్తయస్స అత్తసంవణ్ణనం కరోన్ఠేన సుపరిసుద్ధోయేవ పాళినయో చ అట్టకథానయో చ పోరాణధేరవాదా చాతి ఈదిసాయేవ అత్థా పకాసేతబ్బా, యం వా పన అత్తసంవణ్ణనాయ ఉపకారకం సద్ధవినిచ్చయపటిసంయుత్తం లోకియగన్ఠవచనం, తదేవ చ యథారహం పకాసేతబ్బం, న పన అనుపకారానిపి తంతంగన్ఠతక్కత్తునామాని చ, తేహి వుత్తవచనాని చ బహూని, న చ తేసం అప్పకాసనేన “న తే అట్టకథాచరియో జానాతీ”తి వత్తబ్బో. యది హి యం యం లోకియగన్ఠం అత్తనా జానాతి, తం సబ్బం అనుపకారమ్ని అత్తనో అట్టకథాయమానేత్వా పకాసేయ్య, అతివిత్థారా చ సా భవేయ్య అపరిసుద్ధా చ అసమ్మానితా చ సాసనికవిజ్ఞాహేతి ఆచరియేన పతజ్ఞాలివాదాదయో న విత్థారేన పకాసితాతి జాతబ్బం, అజ్ఞాదత్థు యేహి యేహి లోకియగన్ఠేహి కిజ్జి కిజ్జి ఆచరియేన ఆనేత్వా పకాసితం, తే తే చ గన్ఠా, అజ్ఞోపి చ తాదిసా ఆచరియేన జాతాత్వేవ జానితబ్బా విజ్ఞాహి, యథా సముద్ధస్స ఏకదేసం దిస్సా సబ్బోపి సముద్ధో ఏదిసోతి జాయతి. ఆచరియో పన యత్త యత్త వేదపటిసంయుత్తవచనాని ఆగతాని, తత్త తత్త వేదగన్ఠేహిపి కిజ్జి కిజ్జి ఆనేత్వా పకాసేసియేవ. తథా హి ఆచరియేన సుమజ్జలవిలాసినియం నామ దీఘనికాయట్టకథాయం -

“తిణ్ణం వేదానన్తి ఇరువేదయజువేదసామవేదాన”న్తి [దీ. ని. అట్ట. ౧.౨౨౬] చ,

“ఇతిహాసపజ్ఞామానన్తి అథబ్బణవేదం చతుత్తం కత్వా ఇతిహ ఆస ఇతిహ ఆసాతి ఈదిసవచనపటిసంయుత్తో పురాణకథాసజ్ఞాతో ఇతిహాసో పజ్ఞామో ఏతేసన్తి ఇతిహాసపజ్ఞామా, తేసం ఇతిహాసపజ్ఞామానం వేదాన”న్తి [దీ. ని. అట్ట. ౧.౨౨౬] చ,

“యిట్టం వుచ్చతి మహాయాగో”తి [దీ. ని. అట్ట. ౧.౧౭౦-౧౭౨] చ,

“అగ్గిహోమన్తి ఏవరూపేన దారునా ఏవం హుతే ఇదం నామ హోతీతి అగ్గిజుహనం. దబ్బిహోమాదీనిపి అగ్గిహోమానేవ, ఏవరూపాయ దబ్బియా ఈదిసేహి కణాదీహి హుతే ఇదం నామ హోతీతి ఏవం పవత్తివసేన పన

విసుం వుత్తానీ”తి [దీ. ని. అట్ట. ౧.౨౧] చ,

“సాసపాదీని పన ముఖేన గహేత్వా అగ్నిమ్ని పక్తిపనం, విజ్జం పరిజప్పిత్యా జుహానం వా ముఖహోమ”న్తి [దీ. ని. అట్ట. ౧.౨౧] చ -

ఏవమాదినా వేదపటిసంయుత్తవచనాని వేదగన్ధానురూపతో వణ్ణితాని. తాని చ పోరాణట్టకథాతో భాసాపరివత్తనవసేన వుత్తానిపి భవేయ్యం, వేదగన్ధేసు పన అకోవిదేన యాథావతో భాసాపరివత్తనం కాతుమ్పి న సుకరమేవ, తస్మా ఆచరియస్స వేదగన్ధేసు కోవిదభావోపి పాకటోయేవ. ఏవం వేదగన్ధేసు చ తదజ్ఞలోకియగన్ధేసు చ సుకోవిదస్సేవ సమానస్స తేసం విత్థారతో అప్పకాసనం యథావుత్తకారణేనేవాతి వేదితబ్బం.

అపి చ ఆచరియో అత్తనో గన్ధారమ్భయేవ -

“తతో చ భాసంతరమేవ హిత్వా,

విత్థారమగ్గశ్చ సమాసయిత్వా;

వినిచ్చయం సబ్బమసేసయిత్వా...పే....

యస్మా అయం హేస్సతి వణ్ణనాపీ”తి [పారా. అట్ట. ౧.గన్ధారమ్భకథా] చ.

“అపనేత్వాన తతోహం, సీహళభాసం మనోరమం భాసం;

తన్తినయానుచ్చవికం, ఆరోపేత్వా విగతదోసం.

సమయం అవిలోమేన్తో, ధేరానం ధేరవంసపదీపానం;

సునిపుణవినిచ్చయానం, మహావిహారే నివాసినం;

హిత్వా పునప్పునాగత-మత్తం అత్తం పకాసయిస్సామీ”తి [దీ. ని. అట్ట. ౧.గన్ధారమ్భకథా] చ-

ఏవం పోరాణట్టకథానం భాసాపరివత్తనసంఖిపనవసేనేవ విసేసేత్వా అభినవట్టకథాయో కరిస్సామీతి పటిజ్ఞం కత్వా యథాపటిజ్ఞాతమేవ అకాసి, న అత్తనో జాణప్పభావేన విసేసేత్వాతిపి వేదితబ్బం. తస్మా అట్టకథాసు పతజ్జాలివాదాదీనం విత్థారతో అప్పకాసనమారబ్ధ “బుద్ధఘోసో పతజ్జాలివాదాదీని పరిపుణ్ణం న జానాతీ”తి వచనం కేవలం ఆచరియస్స అబ్బాచిక్ఖణమత్తమేవాతి.

కబ్బసత్తవిచారణ

౪. పునపి సో ఏవమాహ “కిశ్చాపి బుద్ధఘోసో రామాయణమహాభారతసభాతానం మహాకబ్బసత్తానం సుకుసలో
వియ న దిస్సతి, తథాపి తాని దస్సేసి. కథం? అక్ఖానన్తి భారతయుజ్జనాదికం, తం యస్మిం రానే కథీయతి, తత్త గన్తుమ్పి
న వట్టతీతి [దీ. ని. అట్ట. ౧.౧౩] చ, తస్స (సమ్మపలాపస్స) ద్వే సమ్భారా
భారతయుద్ధసీతాహరణాదినిరత్తకకథాపురేక్షారతా తథాయాపికథాకథనశ్చాతి [దీ. ని. అట్ట. ౧.౮] చ దస్సేసి”తి.

తం పన పురిమవచనతోపి అహేతుకతరం కేవలం అనాదరీకరణమత్తమేవ. అతిగమ్భీరత్తస్స హి అతిగరుకరణీయస్స
పిటకత్తయస్స అత్తసంవణ్ణనాయం నిరత్తకస్స సమ్మపలాపసముదాయభూతస్స కబ్బసత్తస్స విత్థారతో పకాసనేన కిం
సియా పయోజనం, అజ్ఞాదత్తు సాయేవస్స అసమ్మానితా, అనాదరియా చ విజ్ఞాహీతి.

బాహుసచ్చగుణమక్ష్తనం

౩. పునపి ధమ్మానన్దో ఆచరియస్స బాహుసచ్చగుణం మక్ఖేతుకామో ఏవమాహ - “తస్స (బుద్ధఘోసస్స) సమయన్తరకోవిదసజ్ఞాతం బాహుసచ్చం న తతో ఉత్తరితరం హోతి, యం ఆధునికానం గన్ధన్తరకోవిదానం సీహళికభిక్షూనం యం వా ఏకాదసమే ఖరిస్తవస్ససతకే (౧౦౦౧-౧౧౦౦) ఉప్పన్నానం దక్షిణఇన్దియరట్టికానం అనురుద్ధ-ధమ్మపాలాదీనం భిక్షూన”న్తి.

తం పన సబ్బధాపి అయుత్తవచనమేవ. యది హి ఆధునికా వా సీహళికభిక్షూ, పోరాణా వా ఆచరియఅనురుద్ధ-ధమ్మపాలత్థేరాదయో సమయన్తరబాహుసచ్చవసేన ఆచరియబుద్ధఘోసేన సమానా వా ఉత్తరితరా వా భవేయ్యం, తే ఆచరియబుద్ధఘోసత్థేరస్స అట్టకథాహి అనారద్ధచిత్తా హుత్వా తతో సున్దరతరా పరిపుణ్ణతరా చ అభినవట్టకథాయో కరేయ్యం, న పన తే తథా కరోన్తి, న కేవలం న కరోన్తియేవ, అథ ఖో తేసం ఏకోపి న ఏవం వదతి “అహం బుద్ధఘోసేన బాహుసచ్చవసేన సమసమోతి వా ఉత్తరితరో”తి వా, అజ్ఞాదత్థు తే ఆచరియస్స అట్టకథాయోయేవ సంవణ్ణేన్తి చ ఉపత్థమ్మేన్తి చ, ఆచరియట్టానే చ రపేన్తి. తేనేతం జాయతి సబ్బధాపి అయుత్తవచనన్తి.

మహాయానికనయవిచారణ

౬. పున నో తావత్తకేనాపి అసన్తుట్టో ఆచరియం అవమజ్ఞాన్తో ఏవమాహ - “మహాయాననికాయస్స పధానాచరియభూతానం అస్స ఘోస-నాగజ్జనానం నయం వా, నామమత్తమ్మి వా తేసం న జానాతి మజ్జో బుద్ధఘోసో”తి. తం పన అతివియ అధమ్మికం నిరత్తకజ్చ నిగ్గహవచనమత్తమేవ. న హి నికాయన్తరికానం వాదనయానం అత్తనో అట్టకథాయం అప్పకాసనేన నో తే న జానాతీతి సక్కా వత్తుం. నను ఆచరియేన ఆగమట్టకథాసు గన్ధారమ్భేయేవ -

“సమయం అవిలోమేన్తో, థేరానం థేరవంసపదీపానం;
సునిపుణవినిచ్చయానం, మహావిహారే నివాసిన”న్తి చ,

ఇథాపి విసుద్ధిమగ్గే -

“మహావిహారవాసీనం, దేసనానయనిస్సితం;
విసుద్ధిమగ్గం భాసిస్స”న్తి [విసుద్ధి. ౧.౨] చ,

“తస్సా అత్తసంవణ్ణనం కరోన్తేన విభజ్జవాదిమణ్డలం ఓతరిత్వా ఆచరియే అనబ్బాచిక్ఖన్తేన సకసమయం అవోక్కమన్తేన పరసమయం అనాయూహన్తేన సుత్తం అప్పటిబాహన్తేన వినయం అనులోమేన్తేన మహాపదేసే ఓలోకేన్తేన ధమ్మం దీపేన్తేన అత్తం సజ్ఘోహన్తేన తమేవత్తం పునరావత్తేత్వా అపరేహిపి పరియాయన్తరేహి నిద్దిసన్తేన చ యస్మా అత్తసంవణ్ణనా కాతబ్బా హోతీ”తి [విసుద్ధి. ౨.౧౮౧] చ,

“సాసనం పనిదం నానా-దేసనానయమణ్డీతం;
పుట్టాచరియమగ్గో చ, అబ్బోచ్చిన్నో పవత్తతి;
యస్మా తస్మా తదుభయం, సన్నిస్సాయత్థవణ్ణనం;
ఆరభిస్సామి ఏతస్సా”తి [విసుద్ధి. ౨.౧౮౧] చ,

పటిజ్ఞాం కత్వా యథాపటిజ్ఞాతప్పకారేనేవ అట్టకథాయో కత్తా. ఏవమేతాసం కరణే కారణమ్పేత్త పకాసేతబ్బం, తస్మా దాని తమ్పకాసనత్తం సమ్మాసమ్మద్ధస్స పరినిబ్బుతికాలతో పట్టాయ యావ ఆచరియబుద్ధఘోసస్స కాలో, తావ సాసనప్పవత్తిక్కమమ్మి వక్ఖామ.

సాసనప్పవత్తిక్కమో

భగవతో హి పరినిబ్బుతికాలతో పచ్చా వస్ససతబ్బంతరే బుద్ధసాసనే కోచిపి వాదభేదో నామ నత్తి. వస్ససతకాలే పన దుతియసగ్గీతికారేహి ధేరేహి నిక్కడ్డితా వజ్జిపుత్తకా భిక్షూ పక్ఖం లభిత్వా ధమ్మిజ్ఞా వినయజ్ఞా అజ్ఞాథా కత్వా మహాసగ్గీతినామేన విసుం సగ్గీతిమకంసు. తదా సగ్గీతిద్వయారూళ్ళపురాణధమ్మవినయమేవ సమ్మటిచ్చన్తానం ధేరానం గణో ధేరవాదోతి చ తదజ్ఞోసం మహాసజ్జీకోతి చ వోహరీయన్తి.

పున మహాసజ్జీకతో (౧) గోకులికో (౨) ఏకబ్యోహరికోతి ద్వే ఆచరియగణా ఉప్పన్నా. పున గోకులికతో (౩) పజ్జత్తివాదో (౪) బాహులికో (బహుస్సుతికో)తి ద్వే ఉప్పన్నా. పున బాహులికతోపి (౫) చేతియవాదిగణో ఉప్పన్నోతి ఏతే పజ్జ మూలభూతేన మహాసజ్జీకేన సహ ఛ పాటియేక్కా ఆచరియగణా అహీసుం.

విసుద్ధత్థేరవాదతోపి (౧) మహిసాసకో (౨) వజ్జిపుత్తకోతి ద్వే ఆచరియగణా ఉప్పన్నా. పున మహిసాసకతో (౩) సబ్బత్తివాదో (౪) ధమ్మగుత్తికోతి ద్వే ఉప్పన్నా. పున సబ్బత్తివాదతోపి (౫) కస్సపియో, తతోపి (౬) సజ్జన్తికో, తతోపి (౭) సుత్తవాదీతి తయో ఉప్పన్నా. వజ్జిపుత్తకతోపి (౮) ధమ్మోత్తిరియో (౯) భద్దయానికో (౧౦) ఛన్నాగారికో (౧౧) సమ్మితియోతి చత్తారో ఉప్పన్నాతి తే ఏకాదస మూలభూతేన విసుద్ధత్థేరవాదేన సహ ద్వాదస ఆచరియగణా అహీసుం. ఇతి ఇమే చ ద్వాదస పురిమా చ ఛాతి అట్టారస ఆచరియగణా దుతియతతియసగ్గీతీనం అన్తరే జాతా అహీసుం.

తేసు మూలభూతో ధేరవాదగణోయేవ పోరాణధమ్మవినయగరుకో హుత్వా అనూనమనధికం కేవలపరిపుణ్ణం పరిసుద్ధం పోరాణికం ధమ్మవినయం ధారేసి. ఇతరే పన సత్తరస భిన్నగణా పోరాణికం ధమ్మవినయం అజ్ఞాథా అకంసు. తేన తేసం ధమ్మవినయో కత్తచి ఊనో కత్తచి అధికో హుత్వా అపరిపుణ్ణో చేవ అహోసి అపరిసుద్ధో చ. తేన వుత్తం దీపవంసే పజ్జమపరిచ్చేదే -

౩౦. “నిక్కడ్డితా పాపభిక్షూ, ధేరేహి వజ్జిపుత్తకా;

అజ్ఞాం పక్ఖం లభిత్వాన, అధమ్మవాదీ బహూ జనా.

౩౧. దససహస్సా సమాగన్త్యా, అకంసు ధమ్మసజ్గహం;

తస్మాయం ధమ్మసగ్గీతి, మహాసగ్గీతీతి వుచ్చతి.

౩౨. మహాసగ్గీతికా భిక్షూ, విలోమం అకంసు సాసనే;

భిన్దిత్వా మూలసజ్గహం, అజ్ఞాం అకంసు సజ్గహం.

౩౩. అజ్ఞాత్ర సజ్గహితం సుత్తం, అజ్ఞాత్ర అకరింసు తే;

అత్తం ధమ్మిజ్ఞా భిన్దింసు, వినయే నికాయేసు చ పజ్జను...పే....

౪౯. అత్తం ధమ్మిజ్ఞా భిన్దింసు, ఏకదేసజ్ఞా సజ్గహం;

గన్ధిజ్ఞ ఏకదేశజ్ఞో, ఛద్వైత్వా అజ్ఞాం అకంసు తే.

౨౦. నామం లిజ్ఞం పరిక్ష్వారం, ఆకప్పకరణీయాని చ;
పకతిభావం జహిత్యా, తజ్ఞా అజ్ఞాం అకంసు తే.

౨౧. సత్తరస భిన్నవాదా, ఏకవాదో అభిన్నకో;
సబ్దేవత్తారస హోన్తి, భిన్నవాదేన తే సహ.

౨౨. నిగ్రోధోవ మహారుక్ష్ణో, థేర వాదానముత్తమో;
అనూనం అనధికజ్ఞా, కేవలం జినసాసనం;
కణ్ఠకా వియ రుక్ష్ణమ్ని, నిబ్బత్తా వాదసేసకా.

౨౩. పరమే వస్సుసతే నత్తి, దుతియే వస్సుసతన్తరే;
భిన్నా సత్తరస వాదా, ఉప్పన్నా జినసాసనే"తి [కథా. అట్ట. నిదానకథా].

అసోకరజ్ఞో చ కాలే పరిహీనలాభసక్కారా అజ్ఞాతిత్థియా లాభసక్కారం పత్తయమానా భిక్షూసు పబ్బజిత్వా సకాని సకాని దిట్టిగతాని దీపేన్తి “అయం ధమ్మో, అయం వినయో, ఇదం సత్థసాసన”న్తి. భిక్షూనం సన్తికే పబ్బజ్జం అలభమానాపి సయమేవ కేసే చిన్దిత్వా కాసాయాని వత్థాని అచ్ఛాదేత్వా విహరేసు విచరన్తా ఉపోసథకమ్మాదికరణకాలే సజ్జమజ్జం పవిసన్తి, తే భిక్షుసజ్జేన ధమ్మేన వినయేన సత్థసాసనేన నిగ్గయమానాపి ధమ్మవినయానులోమాయ పటిపత్తియా అసణ్ణహన్తా అనేకరూపం సాసనస్స అబ్బుదజ్ఞా మలజ్ఞా కణ్ఠకజ్ఞా సముత్థాపేన్తి. కేచి అగ్గిం పరిచరన్తి, కేచి పజ్ఞాతపే తపన్తి, కేచి ఆదిచ్ఛం అనుపరివత్తన్తి, కేచి ధమ్మజ్ఞా వినయజ్ఞా వోభిన్దిస్సామాతి తథా తథా పగ్గణ్ణన్తి. తదా భిక్షుసజ్జో న తేహి సద్ధిం ఉపోసథం వా పవారణం వా అకాసి, అసోకారామే సత్త వస్సాని ఉపోసథో ఉపచ్ఛిజ్జి [కథా. అట్ట. నిదానకథా; పారా. అట్ట. ౧.తతియసజ్జేతికథా].

ఇమజ్ఞా పన పవత్తిం ఉపాదాయ ఏవమ్మి సక్కా గహేతుం “సత్తరసన్నం భిన్నవాదగణానం ధమ్మవినయస్స పచ్ఛిమకాలేసు అపరిసుద్ధతరభావో ఈదిసేనపి కారణేన అహోసీ”తి. కిజ్ఞాపి హి బుద్ధసాసనభూతే పరిసుద్ధధమ్మవినయే “కోచిపి నిచ్ఛో ధువో సస్సతో నామ నత్తి అజ్ఞాత్ర నిబ్బానధాతుయా, పరమత్తతో అత్తాపి నత్తి, సబ్దేపి సజ్ఞారా అనిచ్ఛా అద్ధువా అసస్సతా అనత్తాయేవా”తి అత్థో అతివియ పాకటో హోతి, తథాపి దాని అథేరవాదికానం గన్ఢేసు చ పుబ్బే వేతుల్లవాదాదీసు చ “బుద్ధో నిచ్ఛో ధువో సస్సతో అత్తా”తి చ, “సబ్దేపి సత్తా నిచ్ఛా ధువా సస్సతా అత్తా”తి చ అత్థో దిస్సతి.

అథ అసోకో ధమ్మరాజా సాసనం వినోధేతుకామో మోగ్గలిపుత్తతిస్సత్తేరస్స సన్తికే పరమమేవ సమయం ఉగ్గణ్ఠిత్వా ఏకలద్ధికే ఏకలద్ధికే భిక్షూ ఏకతో కారేత్వా ఏకమేకం భిక్షుసమూహం పక్కిసాపేత్వా పుచ్ఛి “కిం వాదీ భన్తే సమ్మాసమ్మద్ధో”తి. తతో యే యే “సమ్మాసమ్మద్ధో సస్సతవాదీ”తి వా, “ఏకచ్ఛసస్సతవాదీ”తి వా ఏవమాదినా అత్తనో అత్తనో వాదానురూపం మిచ్ఛావాదం ఆహంసు, తే తే “నయిమే భిక్షూ, అజ్ఞాతిత్థియా ఇమే”తి తథతో ఇత్వా తేసం సేతకాని వత్థాని దత్వా ఉప్పబ్బాజేసి. తే సబ్దేపి సత్తిసహస్సమత్తా అహంసుం.

అధర్వో భిక్షూ పుచ్చిత్యా తేహి “విభజ్జవాదీ మహారాజ సమ్మాసమ్బుద్ధో”తి వుత్తే “సుద్ధం దాని భన్తే సాసనం, కరోతు భిక్షుసంఘో ఉపోసథ”న్తి వత్వా ఆరక్ష్తాచ్చ దత్వా నగరం పావిసి. సమగ్గో సంఘో సన్నిపతిత్వా ఉపోసథం అకాసి. తస్మిం సమాగమే మోగ్గలిపుత్తతిస్సత్థేరో యాని చ తదా ఉప్పన్నాని వత్థాని యాని చ ఆయతిం ఉప్పజ్జిస్సన్తి, సబ్బేసమ్మి తేసం పటిబాహనత్థం సత్థారా దిన్న నయవసేనేవ తథాగతేన రపితమాతికం విభజన్తో పరప్పవాదమద్దనం కథావత్థుం నామ అభిధమ్మపిటకే పఞ్చమం పకరణం అభాసి. తతో మోగ్గలిపుత్తతిస్సత్థేరప్పముఖా తిపిటకపరియత్తిధరా పభిన్నపటిసమ్మిదాపత్తా సహస్సం భిక్షూ థేరవాదినో సజ్జీతిద్వయారూళ్లం పరిసుద్ధం పోరాణధమ్మవినయం పున సఙ్ఖాయిత్యా సురక్ఖితం రక్ఖింసు [పారా. అట్ట. ౧.తతియసజ్జీతికథా].

అథ మోగ్గలిపుత్తతిస్సత్థేరో నవసు పచ్చన్తట్టానేసు సాసనపతిట్టాపనత్థం నవ నాయకత్థేరే ఉచ్చినిత్వా పేసేసి. తేసు అట్టహి థేరేహి అత్తనో అత్తనో పత్తట్టానం గన్త్వా బుద్ధసాసనే పతిట్టాపితే మహామహిన్దత్థేరో ఛత్తింసాధికద్విసతే (౨౩౬) బుద్ధవస్సే జమ్మబ్బదీపతో సీహళదీపం గన్త్వా దేవానంపీయతిస్సరాజప్పముఖం దీపకజనసమ్మాహం పసాదేత్వా బుద్ధసాసనం సమ్మతిట్టాపేసి, తేన చ రఙ్గా దిన్నం మహామేఘవనుయ్యానం పటిగ్గహేత్వా తత్థ మహావిహారం నామ సఙ్ఖారామం పతిట్టాపేసి [పారా. అట్ట. ౧.తతియసజ్జీతికథా]. తతో పభుతి సీహళదీపే బుద్ధసాసనం యావ వట్టగామణిరాజకాలా నికాయన్తరవాదాకులరహితం నిమ్మలం సుపరిసుద్ధం హుత్వా సముజ్జలిత్త. వట్టగామణిరాజకాలతో పన పట్టాయ నికాయన్తరవాదాపి సీహళదీపముపాగమింసు. తదా విసుద్ధత్థేరవాదినో యథా పురాణధమ్మవినయో తేహి నికాయన్తరవాదేహి అసమ్మిస్సో అమలీనో పకతిపరిసుద్ధో హుత్వా తిట్టేయ్య, తథా తం మహుస్సాహేన సురక్ఖితం రక్ఖింసు. కథం?

అభయగిరినికాయుప్పత్తి

వట్టగామణిరాజు హి (౪౨౫-బుద్ధవస్స) రజ్జం పత్వా పశ్చాత్తాపమాసమత్తకాలే బ్రాహ్మణతిస్సదామరికేన సత్తహి చ దమిళయోధేహి ఉపద్దుతో సజ్ఞామే చ పరాజితో పలాయిత్యా సాధికాని చుద్దసవస్సాని నిలీయిత్వా అజ్ఞాతరవేసేన వసతి [మహావంసే ౩౩-పరిచ్ఛేదే ౩౭-గాథాతో పట్టాయ]. తదా లబ్బాదీపే మనుస్సా చోరభయేన దుబ్భిక్ఖభయేన చ ఉపద్దుతా భిక్ఖూనం చతుహి పచ్చయేహి ఉపట్టాతుం న సక్కోంతి, తేన భిక్ఖూ యేభుయ్యేన తతో జమ్ముదీపం గత్వా ధమ్మవినయం ధారేన్తా విహరన్తి. లబ్బాదీపేయేవ ఓహీనాపి థేరా యథాలద్ధేహి కన్దములపణ్ణేహి యాపేన్తా కాయే వహన్తే నిసీదిత్వా పరియత్తిధమ్మం సజ్ఞాయం కరోన్తి, అవహన్తే వాలుకం ఉస్సాపేత్వా తం పరివారేత్వా సీసాని ఏకట్టానే కత్వా పరియత్తిం సమ్మసన్తి. ఏవం ద్వాదస సంవచ్చరాని సాట్టకథం తేపిటకం అహోపేత్వా ధారయింసు. యదా పన వట్టగామణిరాజు దమిళరాజానం హన్త్వా (౪౨౫-౪౬౬ బుద్ధవస్సబ్బన్తరే) పునపి రజ్జం కారేసి [మహావంసే ౩౩, ౭౮-గాథా]. తదా తే థేరా జమ్ముదీపతో పచ్చాగతత్థేరేహి సద్ధిం తేపిటకం సోధేన్తా ఏకక్షరమ్మి అసమేన్తం నామ న పస్సింసు [అ. ని. అట్ట. ౧.౧.౧౩౦; విభ. అట్ట. ౮౧౦]. యోపి చ మహానిద్దేసో తస్మిం కాలే ఏకస్సేవ దుస్సీలభిక్ఖునో పగుణో అహోసి, సోపి మహాతిపిటకత్థేరేన మహారక్ఖితత్థేరం తస్స సన్తికా ఉగ్గణ్ణాపేత్వా రక్ఖితో అహోసి [పారా. అట్ట. ౨.౨౮౫]. ఏవం దుబ్భిక్ఖరత్తక్ఖ్ఖభుపద్దవేహి పీళితత్తా దుద్ధరసమయేపి ధమ్మవినయం సక్కుచ్చం ధారయింసు.

రాజా అభయగిరిం నామ విహారం కారేత్వా అత్తనో కత్తూపకారపుబ్బస్స మహాతిస్సత్థేరస్స అదాసి. సో పన థేరో కులసంసగ్గబహులత్తా మహావిహారవాసీహి భిక్ఖూహి పబ్బాజనీయకమ్మం కత్వా నీహటో. తదాస్స సిస్సో బహులమస్సుతిస్సనామకో థేరో తం కమ్మం పటిటాహి, తేనస్స సజ్ఞో ఉక్ఖేపనీయకమ్మం అకాసి. సో మహావిహారవాసీనం కుజ్జిత్వా అభయగిరివిహారమేవ గత్వా తేన మహాతిస్సత్థేరేన ఏకతో హుత్వా విసుం గణం వహన్తో వసి. తే చ ద్వే థేరా న మహావిహారం పునాగమింసు [మహావంసే ౩౩, ౭౯-గాథాదీసు. నికాయసజ్ఞహి]. తతో పట్టాయ సీహళదీపే మహావిహారవాసీ, అభయగిరివాసీతి ద్వే నికాయాజాతా. ఇదం తావ సీహళదీపే సాసనపరిహానియా పరమం కారణం.

ధమ్మరుచినికాయుప్పత్తి

తదా చ రాజా అభయగిరివాసీసుయేవ భిక్షూసు విసేసతో పసన్నో హుత్వా తేయేవ చతూహి పచ్చయేహి పవారేత్వా
పగ్గణ్ణాతి, రాజమహామత్తాదయోపి అభిజ్ఞాతా అభిజ్ఞాతా బహూ జనా తస్మిన్ ఆరామే అజ్ఞాతా చ బహూ ఆవాసే కత్వా
తేసం దేన్తి. ఏవం అభయగిరివాసినో భిక్షూ బహూనం అభిజ్ఞాతజనానం సక్కతా చేవ హోన్తి పూజితా చ మానితా చ. పున
చ అభయగిరివాసినో బహులమస్సుతిస్సత్థేరాదయోఇన్దియరట్ఠతో ఆగతం వజ్జిపుత్తకగణపరియాపన్నస్స
ధమ్మరుచినికాయస్స ధమ్మవినయభూతం సక్కతభాసారోపితం అభినవమ్మి పిటకం సమ్మటిచ్చన్తి [మహావంసే 33, ౯౯
గాథాసు. నికాయసంఘహే], తేన తేపి ధమ్మరుచినికాయీకా నామ అహీసుం. ఇదం సీహళదీపే సాసనపరిహానియా
దుతియం కారణం.

పిటకత్తయస్స పోత్తకారోపనం

మహావిహారవాసినో పన పోరాణికం పాళిభాసాయ సణ్ఠితం పరిసుద్ధపిటకమేవ పటిగ్గణ్ఠి, త ఇచ్చ ముఖపారేనేవ ధారేన్తి. తదా పన థేరా పచ్చిమజనానం సతిపజ్ఞాహానిం దిస్సా బుద్ధకాలతో పట్టాయ యావ తంకాలా ముఖపారేనాభతం సాట్ఠకథం పిటకత్తయం పోత్తకే ఆరోపేతుం సమారభింసు. సమారభమానా చ తే అనురాధరాజధానిపురతో అట్ఠసట్ఠిమిలప్పమాణే మలయజనపదే మాతుల [మాతలే ఇతి ఏతరహి వోహరో] నగరే ఆలోకలేణే వసంతా ఏకస్స తన్దేసికస్స జనపదాధిపతినో ఆరక్షం గహేత్వా తం పోత్తకారోపనకమ్మమకంసు [మహావంసే 33, ౧౦౦-౧౦౧-గాథాసు]. తేనిదం ఇాయతి “తదా మహావిహారవాసినో థేరా రాజరాజమహామత్తేహి అలద్ధూపకారా హుత్వా అత్తనో బలేనేవ పిటకత్తయస్స పోత్తకారోపనకమ్మమకంసు”తి చ, “త ఇచ్చ యథేవ పచ్చిమజనానం సతిపజ్ఞాహానిం దిస్సా కతం, తథేవ దుబ్బిక్ఖరట్ఠక్ఖోభాదిభయుపద్దుతకాలేసు దుద్ధరభావమ్మి దిస్సా”తి చ, తథా “అభయగిరివాసీనం సమ్మటిచ్చితసమయన్తరవాదేహి అనాకులనత్తమ్మి కత”న్తి చ. ఏవం మహావిహారవాసినో థేరా పరిసుద్ధత్తేరవాదపిటకం సమయన్తరేహి అసమ్మిస్సనత్తాయ యథా పురే, తథా పాళిభాసాయ ఏవ పోత్తకే ఆరోపేత్వాపి సురక్ఖితం రక్ఖింసు. యది హి తదా తేపిటకం పోత్తకేసు అనారోపితమస్స, పచ్చాకాలేసు సమయన్తరతో ఆగతసుత్తాని “నేతాని అమ్మాక”న్తి పటిక్ఖిపేతుం న సుకరాని భవేయ్యుం. యతో చ ఖో తదా సాట్ఠకథం తేపిటకం పోత్తకేసు ఆరోపితం, తతోయేవ అనాగతకాలేసు సమయన్తరాగతసుత్తాని తేహి పోత్తకేహి సంసన్దేత్వా పటిక్ఖిపేతుం సుకరాని హోన్తి.

తథా హి భాతియరాజకాలే (౫౨౪-౫౫౨-బు-వ) మహావిహారవాసీనం అభయగిరివాసీహి వినయే వివాదో ఉప్పజ్జి. తదా రాజా దీఘకారాయనం నామ బ్రాహ్మణజాతికం అమచ్చం థేరానం సన్తికం పేసేసి. సో ఉభిన్నం సుత్తం సుత్తా వినిచ్చయం అదాసి [పారా. అట్ఠ. ౨.3౮౪]. తథా వోహరకతిస్సరాజకాలే చ (౭౫౮-౭౮౦ బు-వ) గోఠాభయరాజకాలే చ (౭౯౭-౮౧౦ బు-వ) థేరవాదికా పోత్తకారూళ్లేన ధమ్మవినయేన సంసన్దేత్వా అధమ్మవాదం పటిక్ఖిపింసు [నికాయసంఘహి ౧౨-పిట్ట].

అధమ్మవాదుప్పత్తి

అయం పన ఆదితో పట్టాయ సాసనమలభూతానం అధమ్మవాదానం ఉప్పత్తి. అసోకరజ్ఞో హి కాలే ఉప్పబ్బాజేత్వా నిక్కడ్డితా అజ్ఞాతిత్థియా బుద్ధసాసనే అలద్ధపతిట్టా కోధాభిభూతా పాటలిపుత్తతో నిక్ఖమిత్వా రాజగహసమీపే నాలన్దాయం సన్నిపతిత్వా ఏవం సమ్మన్తయింసు “మహాజనస్స బుద్ధసాసనే అనవగాహత్థాయ సక్యానం ధమ్మవినయో నాసేతబ్బో, త ఇహ ఖో తేసం సమయం అజానంతేహి న సక్కా కాతుం, తస్మా యేన కేనచి ఉపాయేన పునపి తత్థ పబ్బజితబ్బమేవా”తి. తే ఏవం సమ్మన్తయిత్వా పున ఆగన్త్వా విసుద్ధత్థేరవాదీనమన్తరం పవిసితుం అసక్కోన్తా తదజ్ఞోసం సత్తరసన్నం మహాసఙ్ఘికాదినికాయానం సన్తికం ఉపసంక్రమిత్వా అత్తనో అజ్ఞాతిత్థియభావం అజానాపేత్వా పబ్బజిత్వా పిటకత్తయముగ్గణ్ణీత్వా త ఇహ విపరీవత్తేత్వా తతో కోసమ్మిం గన్త్వా ధమ్మవినయనాసనాయ ఉపాయం మన్తయిత్వా ౨౦౩-బుద్ధవస్సే ఛసు రానేసు వసన్తా (౧) హేమవతికో (౨) రాజగిరికో (౩) సిద్ధత్తికో (౪) పుబ్బసేలియో (౫) అపరసేలియో (౬) వాజిరియో (౭) వేతుల్లో (౮) అన్ధకో (౯) అజ్ఞామహాసఙ్ఘికోతి నవ అభినవే నికాయే ఉప్పాదేసుం [నికాయసఙ్గహ ౯-పిట్ట]. తేసం నామాని చ లద్దియో చ కథావత్తుఅట్టకథాయం ఆగతాయేవ.

తేసు హేమవతికా సద్ధమ్మపతిరూపకం బుద్ధభాసితభావేన దస్సేత్వా

(౧) వణ్ణపిటకం నామ గన్థం అకంసు.

రాజగిరికా (౨) అజ్ఞలిమాలపిటకం,

సిద్ధత్తికా (౩) గూళ్ళవేస్సన్తరం,

పుబ్బసేలియా (౪) రట్టపాలగజ్జితం,

అపరసేలియా (౫) ఆళవకగజ్జితం,

వజిరపబ్బతవాసి నో వాజిరియా (౬) గూళ్ళవినయం నామ గన్థం అకంసు.

తేయేవ సబ్బే మాయాజాలతన్త-సమాజతన్తాదికే అనేకే తన్తగన్ఠే చ, మరీచికప్ప-హేరమ్భకప్పాదికే అనేకే కప్పగన్ఠే చ అకంసు.

వేతుల్లవాదినో పన (౭) వేతుల్లపిటకమకంసు.

అన్ధకా చ (౮) రతనకూటాదికే గన్ఠే,

అజ్ఞామహాసఙ్ఘికా చ (౯) అక్ఖరసారియాదిసుత్తన్తే అకంసు [నికాయసఙ్గహ ౯-పిట్ట].

తేసు పన సద్ధమ్మపతిరూపకేసు వేతుల్లవాదో, వాజిరియవాదో, రతనకూటసత్తన్తి ఇమానియేవ తీణి లబ్బాదీపముపాగతాని, అజ్ఞాని పన వణ్ణపిటకాదీని జమ్బుదీపేయేవ నివత్తన్తితి నికాయసఙ్గహ వుత్తం. వణ్ణపిటకాదీనమ్మి

పన లజ్ఞాదీపముపాగతచ్ఛాయా దిస్సతేవ. తథా హి సమన్తపాసాదికాయ వినయట్టకథాయం (౩, ౯-పిట్టే)

“వణ్ణపిటక అఙ్గలిమాలపిటకరట్టపాలగజ్జితఆళవకగజ్జితగూళ్ళమగ్గగూళ్ళవేస్సంతర గూళ్ళవినయ వేదల్లపిటకాని
[ఏత్త “వేపుల్ల, వేదల్లం, వేతుల్లన్తి అత్తకో ఏకం, బోధిసత్తపిటకస్సేవ నామ”న్తి వేదితబ్బం. తథా హి వుత్తం అసఙ్గేన
నామ ఆచరియేన అభిధమ్మసముచ్చయే నామ మహాయానికగన్తే (౭౯-పిట్టే) “వేపుల్లం కతమం?
బోధిసత్తపిటకసమ్మయుత్తం భాసితం. యదుచ్చతే వేపుల్లం, తం వేదల్లమప్పుచ్చతే, వేతుల్లమప్పుచ్చతే. కిమత్థం
వేపుల్లముచ్చతే? సబ్బసత్తానం హితసుఖాధిట్టానతో, ఉదారగమ్మీరధమ్మదేసనాతో చ. కిమత్థముచ్చతే వేదల్లం?
సబ్బావరణవిదలనతో. కిమత్థముచ్చతే వేతుల్లం? ఉపమానధమ్మానం తులనాభావతో”తి] పన
అబుద్ధవచనానియేవాతి వుత్త”న్తి చ.

సారత్థప్పకాసినియా సంయుత్తట్టకథాయమ్మి (౨, ౧౮౬-పిట్టే)

“గూళ్ళవినయం గూళ్ళవేస్సంతరం గూళ్ళమహోసథం వణ్ణపిటకం అఙ్గలిమాలపిటకం రట్టపాలగజ్జితం
ఆళవకగజ్జితం వేదల్లపిటకన్తి అబుద్ధవచనం సద్ధమ్మపతిరూపకం నామా”తి చ-

తేసం పటిక్ఖేపో దిస్సతి. న హి తాని అసుత్వా, తేసన్తా అత్తం అజానిత్వా సీహళట్టకథాచరియేహి తాని పటిక్ఖిపితుం
సక్కా, నాపి తం పటిక్ఖేపవచనం జమ్బుదీపికట్టకథాచరియానం వచనం భవితుం, మహామహిన్దత్తేరస్స సీహళదీపం
గమనసమయే తేసంయేవ అభావతో. తస్మా తాని చ తదఙ్గాని చ మహాయానికపిటకాని తంకాలికాని యేభుయ్యేన
సీహళదీపముపాగతానీతి గహేతబ్బాని. తేసు చ వజ్జిపుత్తకగణపరియాపన్నస్స ధమ్మరుచినికాయస్స పిటకానం
తదుపాగమనం పుట్టేవ వుత్తం. తదఙ్గాసం పన తదుపాగమనం ఏవం వేదితబ్బం.

వేతుల్లవాదస్స పఠమనిగ్గహో

వోహరకతిస్సరఙ్గో కాలే (201-200-బు-వ) అభయగిరివాసి నో ధమ్మరుచినికాయికా పుట్టే వుత్తప్పకారేన సాసనవినాసనత్తాయ భిక్కువేసధారీహి వేతుల్లవాదిబ్రాహ్మణేహి రచితం వేతుల్లపిటకం సమ్మటిగ్గహేత్వా “ఇదం బుద్ధభాసిత”న్తి దస్సేన్తి. తం మహావిహారవాసి నో థేరవాదికా ధమ్మవినయేన సంసద్ధేత్వా అధమ్మవాదోతి పటిక్కిపింసు. తం సుత్వా రాజా సబ్బసత్తపారగుం కపిలం నామ అమచ్చం పేసేత్వా వినిచ్చయం కారాపేత్వా అబుద్ధభాసితభావం ఇత్వా సబ్బం వేతుల్లపోత్థకం ఝూపేత్వా తల్లద్ధికే చ పాపభిక్ఖూ నిగ్గహేత్వా బుద్ధసాసనం జోతేసి [\[నికాయసంజ్ఞహి ౧౨-పిట్టి\]](#). వుత్తఙ్గోతం మహావంసే -

3౬-౪౯వేతుల్లవాదం మద్దిత్వా, కారేత్వా పాపనిగ్గహం;

కపిలేన అమచ్చేన, సాసనం జోతయీ చ సో”తి.

సాగలియనికాయప్పత్తి

పునపి తే అభయగిరివాసినో గోరాభయరఙ్ఘో కాలే (౭౯౭-౮౧౦-బు-వ) వేతుల్లవాదం తథేవ దస్సేన్తి. తదా పన తేసు ఉస్సిలియాతిస్సో నామ మహాథేరో వోహరకతిస్సరాజకాలే వేతుల్లవాదీనం భిక్షూనం కతనిగ్గహం సుత్వా “విచారణసమ్పన్నస్స రఙ్ఘో సమయే తథేవ భవేయ్య, న భద్దకమేత”న్తి చిన్తేత్వా “న మయం తేహి ఏకతో హోమా”తి తిసతమత్తే భిక్షూ గహేత్వా దక్షిణగిరివిహారం గత్వా ధమ్మరుచినికాయతో విసుం హుత్వా వసి. తేసు సాగలో నామ మహాథేరో తథేవ దక్షిణగిరిష్ఠి వసన్తో ఆగమబ్యాఖ్యానమకాసి. తతో పట్టాయ తం ధేరమారబ్బ తస్సన్తేవాసినో సాగలియా నామ అహేసుం. తేసమ్మి వాదో పచ్ఛా మహాసేనరాజకాలే జేతవనవిహారే పత్థరి [\[నికాయ ౧౩-పిట్టి\]](#).

వేతుల్లవాదస్స దుతియనిగ్గహో

గోరాభయో పన రాజా పఞ్చసు [మహావిహార, చేతియ, ధూపారామ, ఇస్సరసమణక, వేస్సగిరివిహారసజ్ఞాతేసు] విహారేసు మహాభిక్కుసజ్ఞం ఏకతో సన్నిపాతేత్వా తం పవత్తిం పుచ్చిత్వా వేతుల్లవాదస్స అబుద్ధభాసితభావం ఇత్వా తంవాదినో సట్టి పాపభిక్కు లక్ష్మణాహతే కత్వా రట్టతో పబ్బాజేసి, వేతుల్లపోత్థకాని చ ఝూపేత్వా బుద్ధసాసనం జోతేసి [మహావంసే ౩౬, ౧౧౧-౧౧౨-గాథాసు, నికాయ ౧౩-పిట్టే].

తదా రట్టతో పబ్బాజితేసు తేసు భిక్కుసు కేచి కావీరపట్టనం గత్వా తత్థ వసన్తి. తస్మిన్చ సమయే ఏకో అజ్ఞాతిత్థియమాణవకో దేసన్తరతో కావీరమాగత్వా పట్టనగామికేహి తేసం భిక్కునం కతూపహారం దిస్సా లాభసక్కారం నిస్సాయ తేసం సన్తికే పబ్బజిత్వా సజ్ఞమితోతి నామేన పాకటో అహోసి. సో మహావిహారవాసీనం ధమ్మవినిచ్ఛయం నిస్సాయ గోరాభయరజ్ఞో వేతుల్లవాదహేతు తేసం భిక్కునం రట్టా పబ్బాజితభావం ఇత్వా మహావిహారవాసీనం కుద్ధో హుత్వా “వేతుల్లవాదం వా నే గాహేపేస్సామి, విహారే వా నేసం ఉమ్ములేత్వా వినాసేస్సామీ”తి సీహళదీపం గత్వా రాజానం పసాదేత్వా తస్స ద్వే పుత్తే సిప్పం సిక్ఖాపేస్సామీతి ఆరభి. తథాపి అత్తనో వాదస్స జాననసమత్థం జేట్టతిస్సం ఓహాయ అనాగతే అత్తనో వచనం కారాపేతుం సక్కుణేయ్యం కనిట్టం మహాసేనకుమారమేవ సజ్జణ్ణిత్వా సిప్పం సిక్ఖాపేసి. వితునో అచ్చయేన జేట్టతిస్సకుమారే రజ్జం పత్తే (౮౧౦-౮౧౯-బు-వ) సో తస్స రజ్ఞో భీతో కావీరపట్టనమేవ గతో [మహావంసే ౩౬, ౧౧౩-గాథాదీసు, నికాయ ౧౪-పిట్టే].

మహాసేనరజ్ఞో పన కాలే (౮౧౯-౮౪౮-బు-వ) సో పున సీహళదీపమాగత్వా అభయగిరివిహారే వసన్తో మహావిహారవాసీహి వేతుల్లవాదం గాహేపేతుం నానాపకారేహి వాయామమకాసి. తథాపి తేహి తం గాహేపేతుం అసక్కోన్తో రాజానం ఉపసంక్కుమిత్వా నానాకారణేహి సజ్ఞాపేత్వా “యో కోచి ఏకస్సపి భిక్కుస్స మహావిహారవాసినో ఆహారం దదేయ్య, తస్స సతం దణ్ణో”తి రజ్ఞో ఆణాయ నగరే భేరిం చరాపేసి. తదా మహావిహారవాసినో నగరే పిణ్ణాయ చరన్తా తయో దివసే భిక్ఖమలద్ధా మహాపాసాదే సన్నిపతిత్వా “సచే మయం ఖుదాహేతు అధమ్మం ధమ్మోతి గణ్ఢేయ్యామ, బహూ జనా తం గహేత్వా అపాయగామినో భవిస్సన్తి, మయఞ్చ సట్టే సావజ్ఞా భవిస్సామ, తస్మా న మయం జీవితహేతుపి వేతుల్లవాదం పటిగ్గణ్ణిస్సామా”తి సమ్మన్తయిత్వా మహావిహారాదికే సబ్బవిహారే ఛడ్డేత్వా రోహణజనపదఞ్చ మలయపదేసఞ్చ అగమింసు [మహావంసే ౩౭, ౨-౬-గాథాసు. నికాయసజ్ఞహే ౧౪-పిట్టే].

వేతుల్లవాడో

కీడినో వేతుల్లవాడో నామ, యతో మహావిహారవాసినో అతివియ జిగుచ్చింసూతి? ఇదాని వేతుల్లవాదస్స సరూపం సబ్బాకారేన పకాసేతుం న సక్కా, వేతుల్లనామేన పోత్థకానం వా నికాయస్స వా ఏతరహి అపాకటభావతో. అభిధమ్మపిటకే పన కథావత్తుఅట్టకథాయం [కథా. అట్ట. ౭౯౩-౭౯౪ ఆదయో] కతిపయా వేతుల్లవాదా ఆగతా. కథం? –

“పరమత్థతో మగ్గఫలానేవ సఙ్ఖో, మగ్గఫలేహి అఙ్ఘో సఙ్ఖో నామ నత్తి, మగ్గఫలాని చ న కిఞ్చి పటిగ్గణ్ణాన్తి, తస్మా న వత్తబ్బం సఙ్ఖో దక్ఖిణం పటిగ్గణ్ణాతీ”తి చ (౧).

“మగ్గఫలానేవ సఙ్ఖో నామ, న చ తాని దక్ఖిణం వినోధేతుం సక్కోన్తి, తస్మా న వత్తబ్బం సఙ్ఖో దక్ఖిణం వినోధేతీ”తి చ (౨).

“మగ్గఫలానేవ సఙ్ఖో నామ, న చ తాని కిఞ్చి భుజ్జాన్తి, తస్మా న వత్తబ్బం సఙ్ఖో భుజ్జాతి పివతి ఖాదతి సాయతీ”తి చ (౩).

మగ్గఫలానేవ సఙ్ఖో నామ, న చ సక్కా తేసం కిఞ్చి దాతుం, న చ తేహి పటిగ్గణ్ణేతుం, నాపి తేసం దానేన కోచి ఉపకారో ఇఙ్ఘతి, తస్మా న వత్తబ్బం సఙ్ఖస్స దిన్నం మహప్పల”న్తి చ (౪).

“బుద్ధో భగవా న కిఞ్చి పరిభుజ్జాతి, లోకానువత్తనత్థం పన పరిభుజ్జమానం వియ అత్తానం దస్సేతి, తస్మా నిరుపకారత్తా న వత్తబ్బం తస్మిం దిన్నం మహప్పల”న్తి చ (౫).

“భగవా తుసితభవనే నిబ్బత్తో తత్తేవ వసతి, న మనుస్సలోకం ఆగచ్ఛతి, నిమ్మితరూపమత్తకం పనేత్థ దస్సేతీ”తి చ (౬).

“తుసితపురే రితో భగవా ధమ్మదేసనత్థాయ అభినిమ్మితం పేసేసి, తేన చేవ, తస్స చ దేసనం సమ్మటిచ్చిత్వా ఆయస్మతా ఆనన్దేన ధమ్మా దేసితో, న బుద్ధేన భగవతా”తి చ (౭).

“ఏకాధిప్పాయేన మేఘునో ధమ్మా పటిసేవితబ్బో. అయం పనేత్థ అత్తో – కారుఙ్ఘోన వా ఏకేన అధిప్పాయేన ఏకాధిప్పాయో, సంసారే వా ఏకతో భవిస్సామాతి ఇత్తియా సద్ధిం బుద్ధపూజాదీని కత్వా పణిధివసేన ఏకో అధిప్పాయో అస్సాతి ఏకాధిప్పాయో, ఏవరూపో ద్విన్నమ్మి జనానం ఏకాధిప్పాయో మేఘునో ధమ్మా పటిసేవితబ్బో”తి చ (౮) ఏవం వేతుల్లవాదీనం లద్దియో ఆగతా, ఏత్తకాయేవ నేసం వాదా థేరవాదగన్ధవసేన దాని పఞ్ఞాయన్తి.

ఏత్త చ ఆదితో చతుహి వాదేహి సుత్తన్తాగతసఙ్ఖో చ మిచ్ఛా గహితో, వినయాగతసఙ్ఖో చ సబ్బథా పటిక్ఖితో. తదనన్తరం తయో వాదా ఇస్సరనిమ్మానవాదానువత్తకా. అన్తిమస్స పన అసద్ధమ్మవాదభావో అతివియ పాకటోతి.

అభిధమ్మసముచ్చయే పన వేతుల్లపిటకస్స బోధిసత్తపిటకభావో పకాసితో, తస్మా సద్ధమ్మపుణ్ణరికసుత్తాదికే బోధిసత్తపిటకే ఆగతవాదోపి “వేతుల్లవాడో”తి వేదితబ్బో [అభిధమ్మసముచ్చయే ౭౯-పిట్ట].

మహావిహారనాసనం

మహావిహారవాసీసు పన వుత్తప్పకారేన సబ్బవిహారే ధడ్డేత్వా గతేసు సబ్బమితో పాపభిక్షు రాజానం సజ్జాపేత్వా లోహపాసాదాదికే చతుసట్ట్యాధికే తిసతమత్తే పరివేణపాసాదే నాసేత్వా సమూలం ఉద్ధరాపేత్వా అభయగిరివిహారం ఆనయాపేసి. విహారభూమియిచ్చ కసాపేత్వా అపరణ్ణే వపాపేసి. ఏవం తదా మహావిహారో నవ వస్సాని భిక్షూహి సుజ్ఞో అహోసి ఆవాసవిరహితో చ. అథ రాజా మేఘవణ్ణాభయస్స నామ కల్యాణమిత్రభూతస్స అమచ్చస్స సంతజ్జనపుబ్బజ్జమేన వచనేన మహావిహారం పున పాకతికం కత్వా తే చాపి అపక్కంతే భిక్షూ ఆనేత్వా చతుహి పచ్చయేహి ఉపట్టహి [మహావంసీ 32-30-గాథాసు. నికాయసంజ్ఞహి ౧౪-౧౫-పిట్ఠేసు].

జేతవనవాసినికాయుప్పత్తి

పునపి రాజా దక్కిణారామవాసిమ్మి జిమ్మమానసే కుహకతిస్సత్థేరే పసన్నో హుత్వా తస్సత్థాయ మహావిహారసీమబ్బంతరే జోతివనుయ్యానే జేతవనవిహారం కారేతుమారభి. మహావిహారవాసి నో భిక్షూ తం నివారేతుం అసక్కోంతా పునపి తతో అపక్కమింసు. తదాపి మహావిహారో నవ మాసాని భిక్షూహి సుఞ్ఘో అహోసి. రాజా పన అత్తనో అజ్ఞాసయవసేనేవ తత్త జేతవనవిహారం కారేత్వా తస్స కుహకతిస్సత్థేరస్స అదాసియేవ. తత్త దక్కిణగిరివిహారతో సాగలియా భిక్షూ ఆగన్త్వా వసింసు. పచ్ఛా చ తే అమ్మసామణేరసిలాకాలరఞ్ఘో కాలే (౧౦౬౭-౧౦౮౦-బు-వ) వేతుల్లవాదినో అహేసుం [మహావంసీ ౩౭, ౩౮-గాథాదీసు, నికాయసంజ్ఞహీ ౧౫-పిట్టే].

ఏవం ఆచరియబుద్ధఘోసత్థేరస్స సీహళదీపమాగమనకాలతో (౯౬౫-బు-వ) పుట్టేయేవ విసుద్ధత్థేరవాదీహి మహావిహారవాసిహి విరుద్ధసమయా అభయగిరివాసి నో (౪౫౫-బు-వ) సాగలియా (౭౯౭-౮౧౦-బు-వ) జేతవనవాసి నో (౮౨౯-౮౪౫-బు-వ) చాతి తయో నికాయా ఉప్పన్నా అహేసుం. తేసు పన అభయగిరివాసి నోయేవ విసేసతో పాకటా చేవ హోంతి బలవంతో చ. తథా హి తే విసుద్ధత్థేరవాదపిటకఞ్ఘా వజ్జిపుత్తకపరియాపన్నధమ్మరుచినికాయపిటకఞ్ఘా మహిసాసకాదినికాయపిటకఞ్ఘా మహాయానపిటకఞ్ఘా సమ్మటిచ్చంతి. తేసు ధమ్మరుచినికాయపిటకస్స సమ్మటిచ్చితభావో పాకటోయేవ. మహిసాసకాదినికాయపిటకస్స సమ్మటిచ్చితభావో పన ఫాహియన్నామస్స చినభిక్షునో అద్ధానక్కమసల్లక్ఖణకథాయ చేవ అట్టకథాసు పటిక్ఖిత్తవణ్ణపిటకాదినామవసేన చ వేదితబ్బో, తథా మహాయానపిటకస్స సమ్మటిచ్చితభావోపి.

ఫాహియమద్దానక్కమకథా

ఫాహియన్నామేన హి చినభిక్షునా ౯౦౬-బుద్ధవస్సే సీహళదీపతో సక్కతభాసారోపితం మహిసాసకవినయపిటకాచ్చ దీఘాగమో చ సంయుత్తాగమో చ సన్నిపాతపిటకాచ్చ అత్తనా సహ చినరట్టమానీతన్తి తస్స అద్ధానక్కమకథాయం దస్సితం. తాచ్చ సబ్బం అభయగిరివిహారతోయేవ లద్ధమస్స, మహావిహారవాసీనం సక్కతారోపితపిటకాభావతో. అట్టకథాయం పట్టిత్తవణ్ణపిటకాదీని చ తత్తేవ భవేయ్యం, మహావిహారవాసీహి తేసం అప్పటిగ్గహితభావతో. తథా “ఫాహియమ్మిక్ఖుస్స సీహళదీపే పటివసనకాలే (౯౦౪-౯౦౬-బు-వ) మహావిహారే తిసహస్సమత్తా భిక్షూ వసన్తి, తే థేరవాదపిటకమేవ ఉగ్గణ్ణన్తి, న మహాయానపిటకం. అభయగిరివిహారే పఞ్చసహస్సమత్తా భిక్షూ వసన్తి, తే పన ద్వేపి పిటకాని ఉగ్గణ్ణన్తి మహాయానపిటకాచ్చేవ థేరవాదపిటకాచ్చా”తి చ తేనేవ చినభిక్షునా దస్సితం.

యస్మా పన అభయగిరివాసినో మహాయానపిటకమ్మి ఉగ్గణ్ణన్తి, తస్మా తస్మిం విహారే మహాయానికానం పధానాచరియభూతేహి అస్సఘోసనాగజ్జనేహి కతగథాపి సంవిజ్ఞమానాయేవ భవేయ్యం, తతోయేవ తేసం నయఞ్చ నామఞ్చ ఆచరియబుద్ధఘోసత్థేరోపి అఞ్ఞోపి తంకాలికా మహావిహారవాసినో సుతసమ్మన్నా థేరా జానేయ్యంయేవ. అపిచ దక్షిణాగ్నియరట్టే సముద్ధసమీపే గున్తాజనపదే నాగారజనకోణ్ణం నామ రానమత్తి, యత్త నాగజ్జనో మహాయానికానం పధానాచరియభూతో వసన్తో బుద్ధసాసనం పతిట్టాపేసి. ఆచరియబుద్ధఘోసస్స చ తన్తేసికభావనిమిత్తం దిస్సతి, తం పచ్చతో (౩౩-పిట్టే) ఆవిభవిస్సతి. తస్మాపి ఆచరియబుద్ధఘోసత్థేరో నాగజ్జనస్స చ అస్సఘోసస్స చ నయఞ్చ నామఞ్చ జానేయ్యయేవాతి సక్కా అనుమినితుం.

జానతోయేవ పన తేసం నయస్స వా నామస్స వా అత్తనో అట్టకథాయమప్పకాసనం తేసం నికాయస్తరభావతోయేవస్స. తథా హి తేసం అస్సఘోసనాగజ్జనానం అస్సఘోసో [(౧౭౦-౬౭౦-బుద్ధవస్సబ్బన్తరే)] థేరవాదతో భిన్నేసు ఏకాదససు గణేసు సబ్బత్తివాదగణే పరియాపన్నో, నాగజ్జనో చ మహాసజ్జిక-చేతియవాదిగణాదీహి జాతే మహాయాననికాయే పరియాపన్నో, మహావిహారవాసినో చ ఆదితోయేవ పట్టాయ నికాయస్తరసమయేహి అసమ్మిస్సనత్థం అత్తనో పిటకం అతీవ ఆదరం కత్వా రక్ఖన్తి, అయఞ్చ ఆచరియబుద్ధఘోసో తేసమఞ్జాతరో. వుత్తఞ్ఞో తస్స గన్ధనిగమనేసు “మహావిహారవాసీనం వంసాలజ్కారభూతేనా”తి. తస్మా “ఆచరియబుద్ధఘోసో తేసం నయం జానన్తోయేవ అత్తనో గన్ఢేసు నికాయస్తరసమయేహి అసమ్మిస్సనత్థం నప్పకాసేసీ”తి వేదితబ్బం.

ఏత్తావతా చ యాని “బోధిమణ్ణసమీపమ్మి, జాతో బ్రాహ్మణమాణవో”తిఆదినా వుత్తస్స మహావంసవచనస్స విచారణముఖేన ఆచరియబుద్ధఘోసస్స వమ్భనవచనాని ధమ్మానన్దకోసమ్మినా వుత్తాని, తాని అమూలకభావేన అనువిచారితాని. తథాపి “ఆచరియబుద్ధఘోసో బోధిమణ్ణసమీపే జాతో”తి ఏతం పన అత్థం సాధేతుం దళ్ళకారణం న దిస్సతేవ రపేత్వా తం మహావంసవచనం, యమ్మి బుద్ధఘోసుప్పత్తియం వుత్తం, తమ్మి మహావంసమేవ నిస్సాయ వుత్తవచనత్తా న దళ్ళకారణం హోతీతి.

మరమ్మరట్టికభావకథా

ఏకచ్ఛే పన మరమ్మరట్టికా “ఆచరియబుద్ధఘోసో మరమ్మరట్టే సథుం నామ నగరతో సీహళదీపం గన్త్యా
సంభవాట్టకథాయో అకాసీ”తి వదన్తి. తం ధమ్మానన్దేన అనుజానిత్వా “తమ్మి ధోకం యుత్తిసమ్మన్నం, అహం ఏవం
సద్దహామి ‘బుద్ధఘోసో దక్ఖిణిఇన్దియరట్టే తేలఙ్గజాతికో’తి, తేలఙ్గజాతికా చ బహూ జనా మరమ్మరట్టే చ ఇన్దోచిన రట్టే చ
గన్త్యా వసన్తి, తల్లిజ? ఇతి వోహరో చ తతోయేవ తేలఙ్గపదతో ఉప్పన్నో. తథా ‘బుద్ధఘోసో అట్టకథాయో కత్వా సీహళదీపతో
మరమ్మరట్టం గన్త్యా పచ్చిమభాగే తత్థేవ వసీ’తిపి గహేతుం సక్కా, తస్స హి గన్థా మరమ్మరట్టే సీహళరట్టతోపి సురక్ఖితతరా
హోన్తీ”తి చ వత్వా పతిట్టాపితం.

దక్షిణాన్నియరట్టికభావయుత్తి

బహూ పన ఆధునికా విచక్షణా ధమ్మానన్దాదయో “ఆచరియబుద్ధఘోసత్థేరో దక్షిణాన్నియరట్టికో”తి వదన్తి. అయం పనేత్థ యుత్తి, యేభుయ్యేన హి అట్టకథాటికాకారా థేరా దక్షిణాన్నియరట్టికాయేవ. తథా హి బుద్ధవంసట్టకథాయ చ అభిధమ్మావతారట్టకథాయ చ వినయవినిచ్చయట్టకథాయ చ కారకో ఆచరియబుద్ధదత్తత్థేరో చోళరట్టే తమ్మపణ్ణినదియం ఉరగనగరే జాతో ఆచరియబుద్ధఘోసేన ఏకకాలికో చ. పరమత్థవినిచ్చయ-నామరూపపరిచ్ఛేద-అభిధమ్మత్థసంఘహానం కారకో ఆచరియఅనురుద్ధత్థేరో [ఏకచ్ఛే పన వదన్తి-పరమత్థవినిచ్చయకారకో ఏకో, నామరూపపరిచ్ఛేదఅభిధమ్మత్థసంఘహానం కారకో ఏకోతి ద్వే అనురుద్ధత్థేరాతి] కఞ్చీవరరట్టే కావేరినగరజాతికో. ఖుద్ధకనికాయపరియాపన్న ఉదానాదిపాళియా సంవణ్ణనాభూతాయ పరమత్థదీపనియా కారకో ఆచరియధమ్మపాలత్థేరోపి దక్షిణాన్నియరట్టే కఞ్చీపురజాతికో. తథేవాయమ్పీతి వేదితబ్బో. వుత్తఞ్ఞో మనోరథపూరణియా నామ అట్టరట్టకథాయ నిగమనే -

“ఆయాచితో సుమతినా, థేరేన భదన్తజోతిపాలేన;
కఞ్చీపురాదీసు మయా, పుట్టే సద్ధిం వసన్తేనా”తి.

ఏత్థ చ కఞ్చీపురం నామ మదరసనగరస్స ఈసకం పచ్చిమనిస్సితే దక్షిణదిసాభాగే పఞ్చాచత్తాలీసమిలప్పమాణే పదేసే ఇదాని కఞ్చీవర ఇతి వోహరితనగరమేవ.

తథా పపఞ్చసూదనియా నామ మజ్జిమట్టకథాయ నిగమనేపి -

“ఆయాచితో సుమతినా, థేరేన బుద్ధమిత్రేన;

పుట్టే మయూరదూత [మయూరరూప (సీ.), మయూరసుత్త (స్యా.)] పట్టనమ్మి సద్ధిం వసన్తేనా”తి - వుత్తం.

ఏత్థ చ మయూరదూతపట్టనం నామ ఇదాని మదరసనగరసమీపే మిలపోర ఇతి వోహరితట్టానన్తి పోరాణప్పవత్తిగవేసీహి వుత్తం.

ఇమాహి పన నిగమనగాథాహి దక్షిణాన్నియరట్టేయేవ నివుత్తపుబ్బతం పకాసేతి, బోధిమణ్ణసమీపే వా, మరమ్మరట్టే వా నివుత్తపుబ్బతాయ పకాసనఞ్చ న దిస్సతి. తేన ఆచరియబుద్ధఘోసో దక్షిణాన్నియరట్టికో న హోతితి న సక్కా పటిక్కిపిత్తుం.

సమన్తపాసాదికాయమ్మి వినయట్టకథాయం (౩, ౧౩) ఆచరియేన ఏవం వుత్తం -

“యం పన అన్ధకట్టకథాయం ‘అపరిక్ఖితే పముఖే అనాపత్తితి భూమియం వినా జగతియా పముఖం సన్ధాయ కథితన్తి వుత్తం, తం అన్ధకరట్టే పాటేక్కసన్నివేసా ఏకచ్ఛదనా గబ్బపాళియో సన్ధాయ వుత్త”న్తి.

ఇమినా పన వచనేన “అన్ధకట్టకథా అన్ధకరట్టికేహి ధేరేహి కతా”తి పాకటా హోతి, ఆచరియబుద్ధఘోసోపి చ అన్ధకట్టకథాయ సన్ధాయభాసితమ్మి తన్దేసికగబ్బపాళిసన్నివేసాకారమ్మి సుట్టు జానాతి, తస్మా తన్దేసికో న హోతీతి న సక్కా వత్తున్తి.

తథా ఇమస్సపి విసుద్ధిమగ్గస్స నిగమనే - “మోరణ్ణఖేటకవత్తబ్బేనా”తి వుత్తం. ఏత్థ చ ఖేటోతి పదస్స గామోతి వా, జానపదానం కస్సకానం నివాసోతి వా, ఖుద్ధకనగరన్తి వా తయో అత్థా సక్కతాభిధానే పకాసితా, దక్షిణఇన్దియరట్టిసు చ యావజ్జతనాపి గామో ఖేడాతి వోహరియతి. తస్మా మోరణ్ణవ్ఠయే ఖేటే జాతో మోరణ్ణఖేటకో, మోరణ్ణఖేటకో ఇతి వత్తబ్బో మోరణ్ణఖేటకవత్తబ్బో, తేన మోరణ్ణఖేటకవత్తబ్బేనాతి వచనత్థం కత్వా “మోరణ్ణగామే జాతోతి వత్తబ్బేన ధేరేనా”తి అత్థో గహేతబ్బో. ఇదాని పన దక్షిణఇన్దియరట్టి గున్తాజనపదే నాగారజునకోణ్ణతో ఏకపణ్ణాసమిలమత్తే (౨౧) అమరవతితో చ అట్టపణ్ణాసమిలమత్తే (౨౨) పదేసే కోతనేమలిపురీతి చ గున్దలపల్లీతి చ వోహరితం తానద్వయమత్తి, తత్థ చ బహూని బుద్ధసాసనికపోరాణసన్తకాని దిట్టాని, నేమలీతి తేలగువోహరో చ మోరస్స, గున్దలు ఇతి చ అణ్ణస్స, తస్మా తం తానద్వయమేవ పుట్టే మోరణ్ణఖేటోతి వోహరితో ఆచరియబుద్ధఘోసస్స జాతిగామో భవేయ్యాతి పోరాణట్టానగవేసీహి గహితో. యస్మా పనేతం “మోరణ్ణఖేటకవత్తబ్బేనా”తి పదం “మోరణ్ణగామజాతేనా”తి పదం వియ పాళినయానుచ్ఛవికం న హోతి, అఙ్ఞోహి చ బహూహి విసేసనపదేహి ఏకతో అట్టత్వా విసేస్యపదస్స పచ్చతో విసుం రితం, ఆగమట్టకథాదీసు చ న దిస్సతి, తస్మా ఏతం కేనచి తంకాలికేన ఆచరియస్స జాతిట్టానం సఙ్ఞానన్తేన పక్ఖితం వియ దిస్సతీతి.

ఇమేసు పన తీసు “ఆచరియబుద్ధఘోసో బోధిమణ్ణసమీపే జాతోతి చ మరమ్మరట్టికోతి చ దక్షిణఇన్దియరట్టికో”తి చ వుత్తవచనేసు పచ్చిమమేవ బలవతరం హోతి ఆచరియస్సేవ వచననిస్సితత్తా, తస్మా తదేవ నిస్సాయ ఆచరియబుద్ధఘోసత్థేరస్స ఉప్పత్తి ఏవం వేదితబ్బా.

ఆచరియబుద్ధఘోసత్థేరస్స అట్టుప్పత్తి

ఆచరియబుద్ధఘోసో దసమే బుద్ధవస్ససతకే (౯౦౧-౧౦౦౦-బు-వ) దక్షిణాన్నియరట్టే మోరణ్ణగామే బ్రాహ్మణకులే జాతో, సో తీసు వేదేసు చేవ సబ్బవిజ్ఞాసిప్పగణ్ఠేసు చ పారజ్ఞతో హుత్వా బుద్ధసాసనధమ్మం సుత్వా తమ్మి ఉగ్గణ్ఠేతుకామో తస్మింయేవ దక్షిణాన్నియరట్టే ఏకస్మిం ధేరవాదికవిహారే మహావిహారవాసీనం రేవతత్తేరప్పముఖానం భిక్షూనం సన్నికే పబ్బజ్జఞ్చోవ ఉపసమ్మదఞ్చ గణ్ఠేత్వా పిటకత్తయపాళిముగ్గణ్ఠి. సో ఏవం పిటకత్తయపాళిముగ్గణ్ఠోయేవ అజ్ఞాసి “అయమేకాయనమగ్గో దస్సనవిసుద్ధియా నిబ్బానసచ్చికిరియాయా”తి. ఆచరియుపజ్ఞాయా చ తస్స విసిట్టణ్ణాణప్పభావసమ్మన్నభావం ఇత్వా “ఇమస్స బుద్ధసాసనే కిత్తిఘోసో బుద్ధస్స వియ పవత్తిస్సతీ”తి సమ్మస్సమానా “బుద్ధఘోసో”తి నామమకంసు. తేన వుత్తం “బుద్ధఘోసోతి గరూహి గహితనామధేయ్యేనా”తి.

సో ఏవం పిటకత్తయపాళిముగ్గణ్ఠేత్వా మదరస నగరసమీపట్టానభూతే మయూరదూతపట్టనమ్మి చ కఞ్చీపురాదీసు చ వసంతో అన్ధకట్టకథాయ పరిచయం కత్వా తాయ అసన్తుట్టచిత్తో సీహళట్టకథాసుపి పరిచయం కాతుకామో తా చ పాళిభాసమారోపేత్వా అభినవీకాతుమాసీనంతో సీహళదీపమగమాసి. తస్మిం ఇచ్చ కాలే సీహళదీపే మహానామో నామ రాజా రజ్జం కారేతి, సో చ రాజా అభయగిరివాసీసు పసన్నో తేయేవ విసేసతో పగ్గణ్ఠాతి.

ఏకచ్ఛే పన ఆధునికా విచక్షణా ఏవం వదన్తి “ఆచరియబుద్ధఘోసస్స సీహళదీపాగమనేన సిరిమేఘవణ్ణరాజకాలతో (౮౪౬-బు-వ) పురేతరంయేవ భవితబ్బ”న్తి. ఇదఞ్చ నేసం కారణం, తస్స రజ్ఞో నవవస్సకాలే (౮౫౫-బు-వ) బుద్ధస్స దారాధాతుకలింగరట్టతో సీహళదీపమానీతా, తతో పట్టాయ సీహళరాజానో అనుసంవచ్చరం మహాన్తం ధాతుపూజాఉస్సవం కరోన్తి. యది చ ఆచరియబుద్ధఘోసో తతో పచ్చా సీహళదీపమాగచ్ఛేయ్య, తమ్మి పాసాదికం మహుస్సవం దిస్వా అత్తనో గణ్ఠేసు పకాసేయ్య యథా ఫాహియం నామ చినభిక్షు మహానామరాజకాలే (౯౫౩-౯౭౫-బు-వ) తం దిస్వా అత్తనో అద్ధానక్కమకథాయం పకాసేసి, న పన ఆచరియస్స గణ్ఠేసు తంపకాసనా దిస్సతి, తేనేతం ఇాయతి “ఆచరియబుద్ధఘోసో దారాధాతుసమ్మత్తకాలతో (౮౫౫-బు-వ) పురేతరంయేవ సీహళదీపమాగత్వా అట్టకథాయో అకాసీ”తి. తం పన న దళ్ళకారణం హోతి, తిపిటకపాళియా హి అత్తసంవణ్ణనాయ యం వా తం వా అత్తనో పచ్చక్షుద్దిట్టం పకాసేతబ్బం న హోతి, న చ అత్తసంవణ్ణనా అద్ధానక్కమకథాసదిసా. కిం ఇచ్చ భియ్యో, సమన్తపాసాదికాయ వినయట్టకథాయం దీపవంసతోపి కిం ఇచ్చ ఆనేత్వా పకాసితం, దీపవంసే చ యావ మహాసేనరాజకాలా (౮౧౯-౮౪౫-బు-వ) పవత్తి పకాసితాతి సిరిమేఘవణ్ణరాజకాలతో (౮౪౫-౮౭౩-బు-వ) పుట్టే దీపవంసోయేవ లిఖితో న భవేయ్య. యది చ అట్టకథాయో తతో పుట్టేయేవ కతా భవేయ్యం, కథం తత్త దీపవంసో సక్కా పకాసేతున్తి.

ఆచరియబుద్ధఘోసో పన సీహళదీపం పత్తకాలే (౯౬౫-బు-వ) మహావిహారమేవ గత్వా తత్త సీహళమహాధేరానం సన్నికే సీహళట్టకథాయో సుణి. వుత్తజ్ఞో సమన్తపాసాదికాయం -

“మహాఅట్టకథఞ్చోవ, మహాపచ్చరిమేవ చ;
కురున్దిఞ్చాతి తిస్సోపి, సీహళట్టకథా ఇమా.

బుద్ధమిత్తోతి నామేన, విస్సుతస్స యసస్సినో;

వినయశ్లాస్స ధీరస్స, సుత్వా ధీరస్స సన్నికే”తి [పరి. అట్ట. నిగమనకథా].

ఇమినా పన అట్టకథావచనేన మహాఅట్టకథాదీనం తిస్సన్నయేవ అట్టకథానం సుతభావో దస్సితో.
సమస్తపాసాదికాయం పన సజ్జేపఅన్ధకట్టకథానమ్మి వినిచ్చయో దస్సితోయేవ, కస్మా పన తా ఆచరియేన సీహళత్థేరానం
సన్నికే న సుతాతి? తాసు హి అన్ధకట్టకథా తావ అన్ధకరట్టికభావతో, కతపరిచయభావతో చ న సుతాతి
పాకటోయేవాయమత్తో. సజ్జేపట్టకథా పన మహాపచ్చరిట్టకథాయ సంఖిత్తమత్తభావతో న సుతాతి వేదితబ్బా. తథా హి
వజిరబుద్ధిటికాయం గన్ధారమ్మసంవణ్ణనాయం [విజిర. టీ. గన్ధారమ్మకథావణ్ణనా] చూళపచ్చరిట్టకథాఅన్ధకట్టకథానమ్మి
ఆది-సద్దేన సజ్ఘహితభావో వుత్తో, సారత్థదీపనీ-విమతివినోదనీటికాసు [సారత్థ. టీ. ౧.౯౨ పాచిత్తియకణ్ణ; వి. వి. టీ.
౧.గన్ధారమ్మకథావణ్ణనా] పన అన్ధకసజ్జేపట్టకథానం సజ్ఘహితభావో వుత్తో, సమస్తపాసాదికాయశ్చ చూళపచ్చరీతి నామం
కుహిణ్చపి న దిస్సతి, మహాట్టకథా మహాపచ్చరీ కురున్దీ అన్ధకసజ్జేపట్టకథాతి ఇమానియేవ నామాని దిస్సన్తి, బహూసు చ
తానేసు “సజ్జేపట్టకథాయం పన మహాపచ్చరియశ్చ వుత్త”నిఆదినా [పాఠా. అట్ట. ౧.౯౪] ద్విన్నమ్మి సమానవినిచ్చయో
దస్సితో. తస్మా వజిరబుద్ధియం చూళపచ్చరీతి వుత్తట్టకథా మహాపచ్చరితో ఉద్ధరిత్వా సజ్జేపేన కతట్టకథా భవేయ్య, సా చ
సజ్జేపేన కతత్తా సజ్జేపట్టకథా నామ జాతా భవేయ్య. ఏవశ్చ సతి మహాపచ్చరియా సుతాయ సాపి సుతాయేవ హోతీతి న
సా ఆచరియేన సుతాతి వేదితబ్బా.

ఏవం సీహళట్టకథాయో సుణంతస్సేవ ఆచరియబుద్ధఘోసస్స తిక్ఖగమ్మీరజవనశాణప్పభావవిసేససమ్పన్నభావశ్చ
పరమవిసుద్ధసద్ధాబుద్ధివీరియపటిమణ్ణితేనీలాచారజ్ఞవమద్దవాదిగుణసముదయ- సముదితభావశ్చ
సకసమయసమయన్తరగహనజ్ఞోగాహణసమత్థపజ్ఞావేయ్యత్తి- యసమన్నాగతభావశ్చ
అనేకసత్థంతరోచితసంవణ్ణనానయసుకోవిదభావశ్చ ఇత్వా తంసవనకిచ్చపరినిట్టితకాలే సజ్జపాలాదయో ధేరా తం
విసుద్ధిమగ్గాదిగన్ధానం కరణత్థాయ విసుం విసుం ఆయాచింసు. ఏత్థి చ ఆచరియస్స యథావుత్తగుణోహి సమ్పన్నభావో
అత్తనో వచనేనేవ పాకటో. వుత్తశ్శో అత్తనో గన్ధనిగమనేసు -

“పరమవిసుద్ధసద్ధాబుద్ధివీరియపటిమణ్ణితేన సీలాచారజ్ఞవమద్దవాదిగుణసముదయసముదితేన
సకసమయసమయన్తరగహనజ్ఞోగాహణసమత్థేన పజ్ఞావేయ్యత్తియసమన్నాగతేనా”తిఆది.

తత్థ సకసమయసమయన్తరగహనజ్ఞోగాహణసమత్థేనాతి పదేన ఆచరియబుద్ధఘోసత్థేరో మహావిహారవాసీనం
విసుద్ధత్థేరవాదీనం దేసనానయసజ్ఞాతే సకసమయే చ మహాసజ్జికాదిమహాయానికపరియోసానానం నికాయన్తరభూతానం
పరేసం పిటకగన్ధన్తరవాదనయసజ్ఞాతే పరసమయే చ తథా తంకాలికలజ్ఞాతిత్తియసమణబ్రాహ్మణానం వేదత్తయాదిసజ్ఞాతే
పరసమయే చ కోవిదో, తేసం సకసమయపరసమయానం దురోగాహదుబ్బోధత్తసజ్ఞాతే గహనట్టానేపి చ ఓగాహితుం
సమత్తోతి దీపేతి. పజ్ఞావేయ్యత్తియసమన్నాగతోతి పదేన ఆచరియబుద్ధఘోసత్థేరో పోరాణట్టకథాయో సజ్జపితుశ్చ
పటిసజ్ఞరితుశ్చ సమత్తోతి దీపేతి వేదితబ్బో.

ఆయాచనకారణం

కస్మా పన తే తం ఆయాచింసూతి? వుచ్చతే, మహావిహారవాసిన్ హి ఆదితోయేవ పట్టాయ పిటకత్తయం యథా తీసు సజ్జీతీసు పాళిభాసాయ సజ్జీతం, యథా చ వట్టగామణిరాజకాలే (౪౫౫-౪౬౭-బు-౪) పోత్థకేసు ఆరోపితం, తథా పోరాణం పాళిపిటకమేవ ఉగ్గణ్ఠి చేవ వాచేన్తి చ, న సక్కతారోపితపిటకం. అట్టకథాయో చ తివస్ససతమత్తతో పురే కతా. తథా హి అట్టకథాసు వసభరాజకాలతో (౬౦౯-౬౫౩-బు-౦) పచ్చా సీహళికత్థేరానశ్చోవ అజ్ఞోసజ్ఞా వత్థు న దిస్సతి రపేత్వా మహాసీనరాజవత్థం [పారా. అట్ట. ౨.౨౩౬-౨౩౭], యావ ఆచరియబుద్ధఘోసకాలాపి చ తా ఏవ పోరాణట్టకథాయో అత్తి న అభినవీకతా. తేన తేసం పిటకేసు యేభుయ్యేన జనా పరిచయం కాతుం అసజ్ఞాతాభిలాసా హోన్తి అసజ్ఞాతుస్సాహా. దీపన్తరేసు చ అత్తనో పిటకం పత్థరాపేతుం న సక్కోన్తి అట్టకథానం దీపభాసాయ అభిసజ్ఞతత్తా. అభయగిరివాసిన్ హి పన వట్టగామణిరాజకాలతో పట్టాయ సక్కతభాసారోపితం ధమ్మరుచినికాయాదిపిటకమ్మి మహాయానపిటకమ్మి నవం నవం పరియాపుణ్ఠి చేవ వాచేన్తి చ, తేన తేసం పిటకేసు యేభుయ్యేన జనా పరిచయం కాతుం సజ్ఞాతాభిలాసా హోన్తి సజ్ఞాతుస్సాహా, నవం నవమేవ హి సత్తా పియాయన్తి. తతోయేవ తే దీపన్తరేసుపి అత్తనో వాదం పత్థరాపేతుం సక్కోన్తి. తస్మా తే మహావిహారవాసిన్ థేరా అత్తనో సీహళట్టకథాయో పాళిభాసాయ అభిసజ్ఞరితుకామా తథా కాతుం సమత్థం ఆచరియబుద్ధఘోసత్థేరస్స జాణప్పభావవిసేసం యథావుత్తగుణసమ్మన్నభావజ్ఞా ఇత్వా ఆయాచింసూతి వేదితట్టం.

విసుద్ధిమగ్గస్స కరణం

తేసు తావ విసుద్ధిమగ్గం ఆచరియబుద్ధఘోసో సజ్జపాలత్తేరేన అజ్ఞేసితో మహావిహారస్స దక్ఖిణభాగే పధానఘరే మహానిగమస్సామినో పాసాదే [పరి. అట్ట. నిగమనకథా] వసంతో అకాసి. ఏత్తావతా చ “సో పనేస విసుద్ధిమగ్గో కేన కతో, కదా కతో, కత్థ కతో, కస్మా కతో”తి ఇమేసం పజ్ఞానమత్థో విత్థారేన విభావితో హోతి.

ఇదాని కిమత్థం కతోతిఆదీనం పజ్ఞానమత్థం పకాసయిస్సామి. తత్థ కిమత్థం కతోతి ఏతస్స పన పజ్ఞాస్స అత్థో ఆచరియేనేవ పకాసితో. కథం?

“సుదుల్లభం లభిత్వాన, పబ్బజ్జం జినసాసనే;
సీలాదిసజ్జహం ఖేమం, ఉజ్జం మగ్గం విసుద్ధియా.

యథాభూతం అజానంతా, సుద్ధికామాపి యే ఇథ;
విసుద్ధిం నాధిగచ్ఛన్తి, వాయమంతాపి యోగినో.

తేసం పామోజ్జకరణం, సువిసుద్ధవినిచ్చయం;
మహావిహారవాసీనం, దేసనానయనిస్సితం.

విసుద్ధిమగ్గం భాసిస్సం, తం మే సక్కుచ్చ భాసతో;
విసుద్ధికామా సబ్బేపి, నిసామయథ సాధవో”తి [విసుద్ధి. ౧.౨].

తస్మా ఏస విసుద్ధిమగ్గో విసుద్ధిసజ్ఞాతనిబ్బానకామానం సాధుజనానం సీలసమాధిపజ్ఞాసజ్ఞాతస్స విసుద్ధిమగ్గస్స యాథావతో జాననత్థాయ కతోతి పధానప్పయోజనవసేన వేదితబ్బో. అప్పధానప్పయోజనవసేన పన చత్తూసు ఆగమట్టకథాసు గన్ధసల్లహుకభావత్థాయపి కతోతి వేదితబ్బో. తథా హి వుత్తం ఆగమట్టకథాసు -

“మజ్జే విసుద్ధిమగ్గో, ఏస చతున్నమ్మి ఆగమానజ్ఞో;
రత్వా పకాసయిస్సతి, తత్థ యథాభాసితమత్థం;
ఇచ్చేవ మే కతో”తి [దీ. ని. అట్ట. ౧.గన్ధారమ్మకథా].

తన్నిస్సయో

కిం నిస్సాయ కతోతి ఏతస్సపి పజ్జస్స అత్తో ఆచరియేనేవ పకాసితో. వుత్తజ్ఞో ఏత్థ గణ్ఠారమ్మే -

“మహావిహారవాసీనం, దేసనానయనిస్సిత”న్తి [విసుద్ధి. ౧.౨].

తథా నిగమనేపి -

“తేసం సీలాదిభేదానం, అత్థానం యో వినిచ్ఛయో;

పజ్జన్నమ్మి నికాయానం, వుత్తో అట్టకథానయే.

సమాహరిత్వా తం సబ్బం, యేభుయ్యేన సనిచ్ఛయో;

సబ్బసజ్జరదోసేహి, ముత్తో యస్మా పకాసితో”తి [దీ. ని. అట్ట. ౧.గణ్ఠారమ్మకథా].

ఇమినా పన వచనేన అయమత్తో పాకటో హోతి - “విసుద్ధిమగ్గం కురుమానో ఆచరియో మహావిహారవాసీనం దేసనానయసజ్జాతా పజ్జన్నమ్మి నికాయానం పోరాణట్టకథాయో నిస్సాయ తాసు వుత్తం గహేతబ్బం సబ్బం వినిచ్ఛయం సమాహరిత్వా అకాసీ”తి. తస్మా యా యా ఏత్థ పదవణ్ణనా వా వినిచ్ఛయో వా సాధకవత్థు వా దస్సీయతి, తం సబ్బం తస్స తస్స నిద్ధారితపాళిపదస్సనికాయసంవణ్ణనాభూతాయ పోరాణసీహాళట్టకథాతో ఆనేత్వా భాసాపరివత్తనవసేనేవ దస్సితన్తి వేదితబ్బం. అయమ్మి హి విసుద్ధిమగ్గో న కేవలం అత్తనే ఇణిప్పభావేన కతో, విసుం పకరణభావేన చ, అథ ఖో చతున్నమ్మి ఆగమట్టకథానం అవయవభావేనేవ కతో. వుత్తజ్ఞో తాసం నిగమనే -

“ఏకూనసత్తిమత్తో, విసుద్ధిమగ్గోపి భాణవారేహి;

అత్థప్పకాసనత్తాయ, ఆగమానం కతో యస్మా.

తస్మా తేన సహాయం, అట్టకథా భాణవారగణనాయ;

సుపరిమితపరిచ్ఛిన్నం, చత్తాలీససతం హోతి”తిఆది [దీ. ని. అట్ట. ౩.నిగమనకథా].

యా పన విసుద్ధిమగ్గే మగ్గామగ్గజాణదస్సనవిసుద్ధినిద్దేసే “అయం తావ విసుద్ధికథాయం నయో.

అరియవంసకథాయం పనా”తిఆదినా [విసుద్ధి. ౨.౭౧౭] ద్వే కథా వుత్తా, తాపి మహావిహారవాసీనం దేసనానయే అన్తోగథా ఇమస్స విసుద్ధిమగ్గస్స నిస్సయాయేవాతి వేదితబ్బాతి.

తక్కరణప్పకారో

కేన పకారేన కతోతి ఏత్త అనన్తరపఞ్ఞో వుత్తప్పకారేనేవ కతో. తథా హి ఆచరియో సంయుత్తనికాయతో

“సీల్ పతిట్టాయ నరో సపఞ్ఞో, చిత్తం పఞ్ణాఞ్చ భావయం;

ఆతాపీ నిపకో భిక్కు, సో ఇమం విజటయే జట”ని [\[సం. ని. ౧.౨౩\]](#) -

ఇమం గాఢం పఠమం దస్సేత్వా తత్త పధానవసేన వుత్తా సీలసమాధిపఞ్ణాయో విసుం విసుం విత్థారతో విభజిత్వా అకాసి. ఏవం కురుమానో చ పఞ్చహిపి నికాయేహి సీలసమాధిపఞ్ణాపటిసంయుత్తాని సుత్తపదాని ఉద్ధరిత్వా తేసం అత్తఞ్చ సీహళట్టకథాహి భాసాపరివత్తనవసేన దస్సేత్వా తాసు వుత్తాని సీహళికవత్తూని చ వినిచ్చయే చ పకాసేసి. విసేసతో పన తస్మిం కాలే పాకటా సకసమయవిరుద్ధా సమయన్తరా చ బహూసు రానేసు దస్సేత్వా సహేతుకం పటిక్ఖిత్తా. కథం?

తత్త హి చరియావణ్ణనాయం “తత్త పురిమా తావ తిస్సో చరియా పుబ్బాచిణ్ణనిదానా ధాతుదోసనిదానా చాతి ఏకచ్ఛే వదన్తి. పుట్టే కిర ఇట్టప్పయోగసుభకమ్మబహులో రాగచరితో హోతి, సగ్గా వా చవిత్వా ఇధూపపన్నో. పుట్టే ఛేదనవధబన్ధనవేరకమ్మబహులో దోసచరితో హోతి, నిరయనాగయోనీహి వా చవిత్వా ఇధూపపన్నో. పుట్టే మజ్జపానబహులో సుతపరిపుచ్చావిహీనో చ మోహచరితో హోతి, తిరచ్ఛానయోనియా వా చవిత్వా ఇధూపపన్నోతి ఏవం పుబ్బాచిణ్ణనిదానాతి వదన్తి. ద్విన్నం పన ధాతునం ఉస్సన్నత్తా పుగ్గలో మోహచరితో హోతి పథవీధాతుయా చ ఆపోధాతుయా చ. ఇతరాసం ద్విన్నం ఉస్సన్నత్తా దోసచరితో. సబ్బాసం సమత్తా పన రాగచరితోతి. దోసేసు చ సేవ్వాధికో రాగచరితో హోతి. వాతాధికో మోహచరితో. సేవ్వాధికో వా మోహచరితో. వాతాధికో రాగచరితోతి ఏవం ధాతుదోసనిదానాతి వదన్తి”తి ఏకచ్ఛేవాదం దస్సేత్వా సో “తత్త యస్మా పుట్టే ఇట్టప్పయోగసుభకమ్మబహులాపి సగ్గా చవిత్వా ఇధూపపన్నాపి చ న సట్టే రాగచరితానేవ హోన్తి, న ఇతరే వా దోసమోహచరితా. ఏవం ధాతునఞ్చ యథావుత్తేనేవ నయేన ఉస్సదనియమో నామ నత్తి. దోసనియమే చ రాగమోహద్వయమేవ వుత్తం, తమ్పి చ పుబ్బాపరవిరుద్ధమేవ. తస్మా సబ్బమేతం అపరిచ్ఛిన్నవచన”ని [\[విసుద్ధి. ౧.౪౪\]](#) పటిక్ఖిత్తో. తం పరమత్థమజ్ఞాసాయ నామ విసుద్ధిమగ్గమహాటికాయం “ఏకచ్ఛేతి ఉపతిస్సత్థేరం సన్ధాయాహ, తేన హి విముత్తిమగ్గే తథా వుత్త”నిఆదినా వణ్ణితం [\[విసుద్ధి. టీ. ౧.౪౪\]](#).

విముత్తిమగ్గపకరణం

కో సో విముత్తిమగ్గో నామ? విసుద్ధిమగ్గో వియ సీలసమాధిపజ్ఞానం విసుం విసుం విభజిత్వా దీపకో ఏకో పటిపత్తిగన్తో. తత్త హి -

“సీలం సమాధి పజ్ఞా చ, విముత్తి చ అనుత్తరా;

అనుబుద్ధా ఇమే ధమ్మా, గోతమేన యసస్సినా”తి [దీ. ని. ౨.౧౮౬; అ. ని. ౪.౧] -

ఇమం గాథం పఠమం దస్సేత్వా తదత్తవణ్ణనావసేన సీలసమాధిపజ్ఞావిముత్తియో విసుం విసుం విభజిత్వా దీపితా. సో పన గన్తో ఇదాని చినరట్టేయేవ దిట్టో, చినభాసాయ చ పరివత్తితో (౧౦౪౮-బు-౪) సజ్ఞపాలేన నామ భిక్కునా. కేన పన సో కుతో చ తత్త ఆసీతోతి న పాకటమేతం. తస్స పన సజ్ఞపాలస్స ఆచరియో గుణభద్దో నామ మహాయానికో భిక్కు మజ్ఞిమిద్ధియదేసికో, సో ఇన్దియరట్టతో చినరట్టం గచ్ఛన్తో పఠమం సీహళదీపం గన్తా తతో (౯౭౮-బు-౪) చినరట్టం గతో. తదా సో తేన ఆసీతో భవేయ్య [విముత్తిమగ్గ, విసుద్ధిమగ్గ].

తస్మిన్తో విముత్తిమగ్గే పుట్టాచిణ్ణనిదానదస్సనం ధాతునిదానదస్సనన్తా యథేవ విసుద్ధిమగ్గే ఏకచ్ఛేవాదో, తథేవాగతం. దోసనిదానదస్సనే పన “సేవ్హాధికో రాగచరితో, పితాధికో దోసచరితో, వాతాధికో మోహచరితో. సేవ్హాధికో వా మోహచరితో, వాతాధికో రాగచరితో”తి తిణ్ణమ్మి రాగదోసమోహానం దోసనియమో వుత్తో. ఆచరియబుద్ధహోసేన దిట్టవిముత్తిమగ్గపోత్తకే పన “పితాధికో దోసచరితో”తి పారో ఊనో భవేయ్య.

అజ్ఞానిపి బహూని విసుద్ధిమగ్గే పటిక్ఖితాని తత్త విముత్తిమగ్గే గహేతబ్బభావేన దిస్సన్తి. కథం?

సీలనిద్దేసీ (౧, ౮-పిట్టే) “అజ్ఞో పన సిరట్టో సీలట్టో, సీతలట్టో సీలట్టోతి ఏవమాదినాపి నయేనేత్త అత్థం వణ్ణయన్తి”తి పటిక్ఖితో అత్తోపి తత్త గహేతబ్బభావేన దిస్సన్తి.

తథా ధుతజ్ఞనిద్దేసీ (౧, ౭౮-పిట్టే) “యేసమ్మి కుసలత్తికవినిముత్తం ధుతజ్ఞం, తేసం అత్తతో ధుతజ్ఞమేవ నత్తి, అసన్తం కస్స ధుననతో ధుతజ్ఞం నామ భవిస్సతి, ధుతగుణే సమాదాయ వత్తతీతి వచనవిరోధోపి చ నేసం ఆపజ్జతి, తస్మా తం న గహేతబ్బ”న్తి పటిక్ఖితం పజ్ఞాత్తిధుతజ్ఞమ్మి తత్త దిస్సన్తి. మహాటీకాయం (౧-౧౦౪) పన “యేసన్తి అభయగిరివాసికే సన్ధాయాహ, తే హి ధుతజ్ఞం నామ పజ్ఞాత్తీతి వదన్తి”తి వణ్ణితం.

తథా పథవీకసిణనిద్దేసీ (౧, ౧౪౪) “పటిపదావిసుద్ధి నామ ససమ్మారికో ఉపచారో, ఉపేక్షానుబ్రూహనా నామ అప్పనా, సమ్మహంసనా నామ పచ్చవేక్షణాతి ఏవమేకే వణ్ణయన్తి”తిఆదినా పటిక్ఖితవికేవాదోపి తత్త దిస్సన్తి. మహాటీకాయం (౧, ౧౭౨) పన “ఏకేతి అభయగిరివాసికో”తి వణ్ణితం.

తథా ఖన్ధనిద్దేసీ (౨, ౮౦-పిట్టే) “బలరూపం సమ్భవరూపం జాతిరూపం రోగరూపం ఏకచ్ఛానం మతేన మిద్ధరూప”న్తి ఏవం అజ్ఞానిపి రూపాని ఆహరిత్వా పోరాణట్టకథాయం తేసం పటిక్ఖితభావో పకాసితో. మహాటీకాయం “ఏకచ్ఛానన్తి అభయగిరివాసిన”న్తి వణ్ణితం. తేసు జాతిరూపం మిద్ధరూపన్తా విముత్తిమగ్గే దస్సితం. న కేవలం దస్సనమత్తమేవ, అథ భో

మిద్ధరూపస్య అర్థిభావోపి “మిద్ధం నామ తివిధం ఆహారజం ఉతుజం చిత్తజగ్జ్వాతి. తేసు చిత్తజమేవ నీవరణం హోతి, సేసా పన ద్వే అరహతోపి భవేయ్యు”న్తిఆదినా సాధితో.

ఏత్తావతా చ విముత్తిమగ్గే విసుద్ధిమగ్గేన అసమానత్థానం వుత్తభావో చ అభయగిరివాసీహి తస్స గన్ధస్స పటిగ్గహితభావో చ సక్కా ఇత్యుం. అజ్ఞానిపి పన ఈదిసాని అసమానవచనాని బహూని తత్త సంవిజ్ఞన్తియేవ, తాని పన సబ్బాని న సక్కా ఇథ దస్సేతుం.

యేభుయ్యేన పనస్స కరణప్పకారో విసుద్ధిమగ్గస్స వియ హోతి. యా యా హి పాళి అభిధమ్మవిభజ్జతో వా పటిసమ్మిదామగ్గతో వా అజ్ఞాసుత్తన్తేహి వా ఆనేత్వా సాధకభావేన విసుద్ధిమగ్గే దస్సియతి, తత్తపి సా సా పాళి యేభుయ్యేన దిస్సతేవ. తాసు కశ్చేమత్తం ఉద్ధరిత్వా అనుమిననత్థాయ దస్సయిస్సామ.

యా విసుద్ధిమగ్గే (౧, ౪౭-పిట్టే) “పజ్ఞా సీలాని పాణాతిపాతస్స పహానం సీల”న్తిఆదికా పటిసమ్మిదామగ్గపాళి దస్సితా, సా విముత్తిమగ్గేపి దిస్సతేవ.

యజ్ఞా విసుద్ధిమగ్గే (౧, ౧౩౭-పిట్టే) “సమాధి కామచ్ఛన్దస్స పటిపక్ఖో...పే... విచారో విచికిచ్ఛాయా”తి వచనం పేటకే వుత్తన్తి దస్సితం, తజ్ఞా తత్తపి తథేవ దస్సేత్వా “తిపేటకే వుత్త”న్తి నిద్దిట్టం. తిపేటకేతి నామజ్ఞా పేటకోపదేసమేవ సన్ధాయ వుత్తం భవేయ్య. తత్త హి వివిచ్ఛేవ కామేహీతి పారసంవణ్ణనాయం “అలోభస్స పారిపూరియా కామేహి వివేకో సమ్మజ్జతి, అదోసస్స. అమోహస్స పారిపూరియా అకుసలేహి ధమ్మేహి వివేకో సమ్మజ్జతి”తి పారస్స తిపేటకే వుత్తభావో దస్సితో. సో చ పారో పేటకోపదేసే (౨౬౨-పిట్టే) “తత్త అలోభస్స పారిపూరియా వివిత్తో హోతి కామేహి”తిఆదినా దిస్సతి.

యథా చ విసుద్ధిమగ్గే (౧, ౨౦౮-పిట్టే) “అయమ్మి ఖో భిక్ఖవే ఆనాపానస్సతిసమాధి భావితో”తిఆదికా పాళి మహావగ్గసంయుత్తకతో ఆనేత్వా దస్సితా, తథేవ తత్తపి.

యథా చ విసుద్ధిమగ్గే (౧, ౨౭౨-పిట్టే) “అస్సాసాదిమజ్జపరియోసానం సతియా అనుగచ్ఛతో”తిఆది పాళి చ (౧, ౨౭౩-పిట్టే) కకచూపమపాళి చ పటిసమ్మిదామగ్గతో ఆనేత్వా దస్సితా, తథేవ తత్తపి.

యథా చ విసుద్ధిమగ్గే (౨, ౬౯-పిట్టే) “కతమా చిన్తామయా పజ్ఞా”తిఆదికా చ పాళి “తత్త కతమం ఆయకోసల్ల”న్తిఆదికా చ పాళి (౨, ౭౧-పిట్టే) “దుక్ఖే ఇథం అత్తపటిసమ్మిదా”తిఆదికా చ పాళి అభిధమ్మవిభజ్జతో ఆనేత్వా దస్సితా, తథేవ తత్తపి. సబ్బాపి చ తత్త వుత్తా ఏకవిధదువిధాదిపజ్ఞాపభేదకథా విసుద్ధిమగ్గే వుత్తకథాయ యేభుయ్యేన సమానాయేవ.

“యేన చక్ఖుపసాదేన, రూపాని మనుపస్సతి;

పరిత్తం సుఖుమం ఏతం, ఊకాసిరసమూపమ”న్తి [విసుద్ధి. ౨.౪౩౬; ధ. స. అట్ట. ౨౯౬] –

అయమ్మి గాథా విముత్తిమగ్గేపి ఆయస్మతా సారిపుత్తత్థేరేన భాసితభావేనేవ దస్సితా. ఊకాసిరసమూపమన్తి పదం పన ఊకాసమూపమన్తి తత్త దిస్సతి, తజ్ఞా పరమ్మరలేఖకానం పమాదలేఖమత్తమేవ సియా.

చతుసు సచ్చేసు విసుద్ధిమగ్గే వియ వచనత్తతో లక్ష్మణతో అనూనాధికతో కమతో అన్తోగధానం పభేదతో ఉపమాతో చ వినిచ్చయో దస్సితో, సో చ యేభుయ్యేన విసుద్ధిమగ్గేన [\[విసుద్ధి. ౨.౨౩౦\]](#) సమానోయేవ.

యథా చ విసుద్ధిమగ్గే (౨, ౨౪౨-౨౪౫) సమ్మసనశాణకథాయం పశ్చన్నం ఖన్ధానం అతీతాదివికాదసవిధేన చ అనిచ్ఛాదిలక్ష్మణత్తయేన చ విసుం విసుం సమ్మసననయో దస్సితో, తథేవ తత్థపి. చక్ఖాదిజరామరణపరియోసానేసు పన ధమ్మేసు ధమ్మవిచారపరియోసానానం సట్టియా ఏవ ధమ్మానం అనిచ్ఛాదిలక్ష్మణత్తయేన సమ్మసననయో తత్థ దస్సితో.

విసుద్ధిమగ్గే పన దిట్టివిసుద్ధినిద్దేసే (౨, ౨౩౦-౨౩౨-పిట్టేసు) వుత్తా “యమకం నామరూపశ్చ...పే.... ఉభో భిజ్జన్తి పచ్చయా”తి గాథా చ, “న చక్షుతో జాయరే”తిఆదికా ఛ గాథాయో చ, “న సకేన బలేన జాయరే”తిఆదికా ఛ గాథాయో చ విముత్తిమగ్గే భజ్ఞానుపస్సనాశాణకథాయం దస్సితా. తాసు అప్పమత్తకోయేవ పారభేదో దిస్సతి.

విసుద్ధిమగ్గే (౨, ౨౬౧-౨-పిట్టేసు) అరూపసత్తకేసు అరియవంసకథానయేన వుత్తో కలాపతో చ యమకతో చ సమ్మసననయో విముత్తిమగ్గే ఏత్థేవ భజ్ఞానుపస్సనాశాణకథాయం దస్సితో.

విముత్తిమగ్గే బుద్ధానుస్సతికథాయం లోకవిదూతి పదస్స అర్థవణ్ణనాయం సత్తలోకసజ్ఞారలోకవసేన ద్వేయేవ లోకా దస్సితా, న పన ఓకాసలోకో యథా విసుద్ధిమగ్గే (౧, ౧౯౯-౨౦౦-పిట్టేసు).

ఏత్తావతా చ విముత్తిమగ్గో నామ గన్తో కీదిసోతి సక్కా అనుమినితుం. సో పన యథా న మహావిహారవాసీనం గన్తో హోతి, ఏవం మహాయానికానమ్మి న హోతియేవ థేరవాదపిటకమేవ నిస్సాయ కతభావతో. యస్మా పన తత్థ న కిశ్చిపి సీహళదీపికం నామం వా థేరవాదో వా దిస్సతి, తస్మా సో సీహళదీపి కతగన్తోపి న హోతి. ఇన్దియరట్టికం పన నామశ్చా వోహరో చ తత్థ బహూసు రానేసు దిస్సతి, తస్మా ఇన్దియరట్టి కతగన్తోవ భవేయ్య. యస్మా చస్స పేటకోపదేసం నిస్సితభావో బహూసు రానేసు దిస్సతి, విసేసతో పన మిద్ధరూపస్స అర్థిభావో చ, అరహతోపి తస్స అర్థిభావో చ తమేవ నిస్సాయ దస్సీయతి, పటిసమ్మిదామగ్గగణిపదే చ పేటకేతి పదస్స [\[పటి. మ. అట్ట. ౧.౧.౩౬\]](#) అర్థవణ్ణనాయం “సుత్తంతపిటకత్థాయ అట్టకథా పేటకం మహిసాసకానం గన్తో”తి వణ్ణితో. తస్మా ఏసో విముత్తిమగ్గో మహిసాసకనికాయితేన కతో భవేయ్యాతి అవ్హాకం మతి.

నిస్సయట్టకథావిభావనా

విసుద్ధిమగ్గో పన న కేవలం పుట్టే వుత్తప్పకారేనేవ కతో, అథ ఖో వుచ్చమానప్పకారేనాపి. తథా హి ఆచరియబుద్ధఘోసత్థేరో పోరాణట్టకథాహి సమాహరిత్వా భాసాపరివత్తనవసేన దస్సేన్తోపి యా యా అత్థవణ్ణనా వా వినిచ్చయో వా సంసయితబ్బో హోతి, తత్త తత్త వినయట్టకథాయం వుత్తన్తి వా (౧, ౨౬౩), వినయట్టకథాసు వుత్తం, మజ్జిమట్టకథాసు పనాతి వా (౧, ౭౦), అజ్ఞత్తరభాణకాతి వా (౧, ౭౨), అట్టకథాచరియానం మతానుసారేన వినిచ్చయోతి వా (౧, ౯౯), వుత్తమ్మి చేతం అట్టకథాసూతి వా (౧, ౧౧౮), తం అట్టకథాసు పటిక్ఖిత్తన్తి వా (౧, ౧౩౪), దీఘభాణకసంయుత్తభాణకానం మతన్తి వా, మజ్జిమభాణకా ఇచ్చన్తితి వా (౧, ౨౬౭), అట్టకథాసు వినిచ్చయోతి వా, ఏవం తావ దీఘభాణకా, మజ్జిమభాణకా పనాహూతి వా (౧, ౨౭౭), అజ్ఞత్తరట్టకథాయం పన...పి... అయం కమో వుత్తో, సో పాళియా న సమేతీతి వా (౧, ౩౦౯), ఏవం తావ మజ్జిమభాణకా, సంయుత్తభాణకా పనాతి వా (౨, ౬౨), సంయుత్తట్టకథాయం వుత్తన్తి వా (౨, ౬౩), అట్టకథాయం పనాతి వా (౨, ౮౦) ఏవం తంతంఅత్థవణ్ణనావినిచ్చయానం నిస్సయమ్మి విభావేత్వా పచ్చిమజ్జనానం ఉప్పజ్జమానసంసయం వినోదేన్తోయేవ తే దస్సేసి.

తేనిమస్స విసుద్ధిమగ్గస్స కరణకాలే సబ్బాపి సీహళట్టకథాయో ఆచరియస్స సన్తికే సన్తితి చ, పుట్టేయేవ తా ఆచరియేన సీహళత్థేరానం సన్తికే సుతాతి చ, తాహి గహేతబ్బం సబ్బం గహేత్వా అయం విసుద్ధిమగ్గో ఆచరియేన లిఖితోతి చ అయమత్తో అతివియ పాకటో హోతి. తస్మా యం మహావంసే -

“సఙ్ఘో గాథాద్వయం తస్సా’దాసి సామత్థియం తవా”తిఆదినా “గాథాద్వయమేవ ఓలోకేత్వా కేఞ్చిపి అఙ్ఘం పోత్థకం అనోలోకేత్వా ఆచరియబుద్ధఘోసో విసుద్ధిమగ్గం అకాసీ”తి అధిప్పాయేన అభిత్థుతివచనం వుత్తం, తం అభిత్థుతిమత్తమేవాతి వేదితబ్బం.

పోరాణవచనదస్సనం

న కేవలం ఆచరియో అట్టకథాయోయేవ నిస్సయభావేన దస్సేసి, అథ ఖో “పోరాణా పనాహూ”తిఆదినా పోరాణానం వచనమ్మి దస్సేసియేవ. తదేత్థ ద్వావీసతియా రానేసు దిట్టం [విసుద్ధి. ౧.౧౫, ౧౩౭, ౧౪౨, ౨౧౭, ౨౫౨, ౩౦౩; ౨.౫౮౧, ౬౭౫-౬౭౬, ౬౮౯, ౭౦౬, ౭౩౬, ౭౪౫, ౭౪౬, ౭౪౯, ౭౫౫, ౭౭౮, ౮౩౯]. కే పనేతే పోరాణా నామ? యావ చతుత్థసంజ్ఞీతికాలా సంజ్ఞీతికారేసు పరియాపన్నా వా తాదిసా వా మహాథేరాతి వేదితబ్బా. తథా హి పటిసమ్మిదామగ్గే (౨౯౨-౩-పిట్టేసు).

“ఓభాసే చేవ ఇాణే చ, పీతియా చ వికమ్పతి...పే....

ధమ్ముద్ధచ్చకుసలో హోతి, న చ విక్లేపం గచ్ఛతీ”తి -

ఏవమాగతా గాథాయో ఇథ (౨౭౩-౪-పిట్టేసు) పోరాణానం వచనభావేన దస్సితా. యది చిమా గాథాయో సంజ్ఞీతికారేహి పక్ఖిత్తా భవేయ్యం యథా పరివారపాళియం (౩-పిట్టే) ఆగతా ఆచరియపరమ్పరాదీపికా గాథాయో, తా హి సమంతపాసాదికాయం (౧, ౪౬-పిట్టే) పోరాణవచనభావేన దస్సితా, ఏవం సతి తేయేవ సంజ్ఞీతికారా పోరాణాతి వేదితబ్బా. అథ పటిసమ్మిదామగ్గదేసకేనేవ భాసితా భవేయ్యం, తే వియ గరుకరణీయా పచ్చయికా సద్ధాయితబ్బకా మహాథేరా పోరాణాతి వేదితబ్బా. సమంతపాసాదికాసుమజ్జలవిలాసినిఆదీసు “పోరాణా పన ఏవం వణ్ణయన్తీ”తిఆదినా వుత్తత్థానేసుపి తాదిసావ ఆచరియా పోరాణాతి వుత్తా.

వినయటకధాకరణం

అచరియో పన ఇమం విసుద్ధిమగ్గపకరణం యథావృత్తప్పకారేన కత్వా అజ్ఞాపి తిపిటకటకథాయో అనుక్యమేన అకాసి. కథం? సమంతపాసాదికం నామ వినయటకథం బుద్ధసిరిత్థేరేన అజ్ఞేసితో మహావిహారస్స దక్షిణభాగే పధానఘరపరివేణే మహానిగమస్సామినో పాసాదే వసంతో అకాసి. సా పనేసా సిరిపాలోతి నామంతరస్స మహానామరజ్జో వీసతిమవస్సే (౯౭౩-బు-వ) ఆరద్ధా ఏకవీసతిమవస్సే (౯౭౪-బు-వ) నిట్టానప్పత్తా అహోసి. త ఇచ్చ పన కరోంతో మహామహింత్రేరేనాభతం సీహళభాసాయ సజ్జతం మహాఅటకథం తస్సా సరీరం కత్వా మహాపచ్చరీకురుందీసజ్జేపఅన్ధకటకథాహి చ గహేతబ్బం గహేత్వా సీహళదీపే యావ వసభరాజకాలా పాకటానం పోరాణ వినయధరమహాధేరానం వినిచ్చయభూతం ధేరవాదమ్మి పక్ఖిపిత్వా అకాసి. వృత్తజ్ఞోతం సమంతపాసాదికాయం -

“సంవణ్ణనం త ఇచ్చ సమారభంతో, తస్సా మహాఅటకథం సరీరం;
కత్వా మహాపచ్చరియం తథేవ, కురుందినామాదిసు విస్సుతాసు.

వినిచ్చయో అటకథాసు వుత్తో, యో యుత్తమత్థం అపరిచ్చజన్తో;
తతోపి అన్తోగధధేరవాదం, సంవణ్ణనం సమ్మ సమారభిస్స”న్తి చ.

“మహామేఘవనుయ్యానే, భూమిభాగే పతిత్తితో;
మహావిహారో యో సత్థు, మహాబోధివిభూసితో.

యం తస్స దక్షిణే భాగే, పధానఘరముత్తమం;
సుచిచారిత్తసీలేన, భిక్షుసజ్జేన సేవితం.

ఉళారకులసమ్మాతో, సజ్జపట్టాయకో సదా;
అనాకులాయ సద్ధాయ, పసన్నో రతనత్తయే.

మహానిగమసామీతి, విస్సుతో తత్థ కారయి;
చారుపాకారసజ్జితం, యం పాసాదం మనోరమం.

సన్దచ్చాయతరూపేతం, సమ్మన్నసలిలాసయం;
వసతా తత్ర పాసాదే, మహానిగమసామినో.

సుచిసీలసమాచారం, ధేరం బుద్ధసిరివ్ఠాయం;
యా ఉద్దిసిత్వా ఆరద్ధా, ఇద్ధా వినయవణ్ణనా.

పాలయంతస్స సకలం, లబ్బాదీపం నిరబ్బుదం;

రజ్జో సిరినివాసస్య [సిరియా నివాసట్టోనభూతస్య సిరిపాలనామకస్య రజ్జో (విమతి, అన్తిమవిట్టో)],
సిరిపాలయసస్సినో.

సమవీసతిమే వస్సే, జయసంవచ్చరే అయం;
ఆరద్ధా ఏకవీసమ్మి, సమ్మత్తే పరినిట్టితా.

ఉపద్దవాకులే లోకే, నిరుపద్దవతో అయం;

ఏకసంవచ్చరేనేవ, యథా నిట్టం ఉపాగతా"తి [పరి. అట్ట. నిగమనకథా] చ.

అయఞ్చ సమన్తపాసాదికా వినయట్టకథా అధునా ముద్దితఛట్టసగ్గీతిపోత్థకవసేన సహస్సతో ఉపరి
అట్టపణ్ణాసాధికతిసతమత్తపిట్టపరిమాణా (౧౩౩౮) హోతి, తస్మా చ ఏకసంవచ్చరేన నిట్టాపితత్తం ఉపనిధాయ
చతువీసాధికసత్తసతమత్తపిట్టపరిమాణో (౭౨౪) విసుద్ధిమగ్గోపి అన్తమసో ఛప్పఞ్చమాసేహి నిట్టాపితో భవేయ్యాతి సక్కా
ఞాతుం. తస్మా యం బుద్ధహోసుప్పత్తియం మహావంసవచనం నిస్సాయ "విసుద్ధిమగ్గో ఆచరియబుద్ధహోసేన ఏకరత్తేనేవ
తిక్ఖత్తుం లిఖిత్వా నిట్టాపితో"తి అభిత్తుతివచనం వుత్తం, తం తక్కారకస్య అభిత్తుతిమత్తమేవాతి వేదితబ్బం.

నను చ ఇమిస్సం అట్టకథాయం "సుమఙ్గలవిలాసినియ"న్తిఆదినా విసేసనామవసేన ఆగమట్టకథానం అతిదేసో
దిస్సతి [పారా. అట్ట. ౧.౧౦], కథమిమిస్సా తాహి పరమతరం కతభావో వేదితబ్బోతి? ఆచరియస్య అట్టకథాసు
అఞ్జమఞ్జాతిదేసతో, వినయపిటకస్య గరుకాతబ్బతరభావతో, మహావిహారవాసీహి విసేసేన గరుకతభావతో,
సగ్గీతిక్కమానురూపభావతో, ఇధేవ పరిపుణ్ణనిదానకథాపకాసనతో, నిగమనే చ పరమం సీహళట్టకథాయో సుత్వా
కరణప్పకాసనతో రపేత్వా విసుద్ధిమగ్గం అయమేవ పరమం కతాతి వేదితబ్బా. విసుద్ధిమగ్గే పన వినయట్టకథాయన్తి వా
వినయట్టకథాసూతి వా మఙ్గిమట్టకథాసూతి వా ఏవం సామఞ్జనామవసేనేవ అతిదేసో దిస్సతి, న
సమన్తపాసాదికాదివిసేసనామవసేన. తస్మాస్య సబ్బపరమం కతభావో పాకటోయేవ. ఆగమట్టకథానం ఇధాతిదేసో [పారా.
అట్ట. ౧.౧౦] ఇమిస్సాపి తత్థాతి [దీ. ని. అట్ట. ౧.౮] ఏవం అఞ్జమఞ్జాతిదేసో పన ఆచరియస్య మనసా సువవత్థితవసేన
వా సక్కా భవితుం, అపుబ్బాచరిమపరినిట్టాపనేన వా. కథం? ఆచరియేన హి విసుద్ధిమగ్గం సబ్బసో నిట్టాపేత్వా
సమన్తపాసాదికాదిం ఏకేకమట్టకథం కరోన్తేనేవ యత్త యత్త అత్తవణ్ణనా విత్థారతో అఞ్జట్టకథాసు పకాసేతబ్బా హోతి, తత్త
తత్త "ఇమస్మిం నామ రానే కథేస్సామ్"తి మనసా సువవత్థితం వవత్తపేత్వా తఞ్చ అతిదిసిత్వా
యథావవత్థితరానప్పత్తకాలే తం విత్థారతో కథేన్తేన తా కతా వా భవేయ్యం. ఏకేకిస్సాయ వా నిట్టానాసన్నప్పత్తకాలే తం
రపేత్వా అఞ్జఞ్చ అఞ్జఞ్చ తథా కత్వా సబ్బాపి అపుబ్బాచరిమం పరినిట్టాపితా భవేయ్యన్తి ఏవం ద్విస్సం
పకారానమఞ్జాతరవసేన ఆచరియస్సాట్టకథాసు అఞ్జమఞ్జాతిదేసో హోతీతి వేదితబ్బన్తి.

ఆగమటృకథాకరణం

సుమగ్గలవిలాసిని నామ దీఘనికాయటృకథం పన ఆచరియో సుమగ్గలపరివేణవాసినా దాతానాగత్థేరేన ఆయాచితో అకాసి. వుత్తం హేతమేతిస్సా నిగమనే -

“ఆయాచితో సుమగ్గల-పరివేణనివాసినా ధిరగుణేన;
దాతానాగ సజ్జ, త్థేరేన ధేరవంసన్వయేన.

దీఘాగమస్స దసబల-గుణగణపరిదీపనస్స అటృకథం;
యం ఆరభిం సుమగ్గల-విలాసిని నామ నామేన.

సా హి మహాఅటృకథాయ, సారమాదాయ నిట్టితా ఏసా”తి [దీ. ని. అటృ. ౩. నిగమనకథా].

పపిన్సూదనిం నామ మజ్జిమనికాయటృకథం భదంతబుద్ధమిత్తేరేన పుట్టే మయూరదూతపట్టనే అత్తనా సద్ధిం వసంతేన ఆయాచితో అకాసి. వుత్తం హేతమేతిస్సా నిగమనే -

“ఆయాచితో సుమతినా, ధేరేన భదంతబుద్ధమిత్తేన;
పుట్టే మయూరదూతపట్టనమ్మి సద్ధిం వసంతేన.

పరవాదవిధంసనస్స, మజ్జిమనికాయసేటస్స;
యమహం పపిన్సూదని-మటృకథం కాతుమారభిం.

సా హి మహాఅటృకథాయ, సారమాదాయ నిట్టితా ఏసా”తి [మ. ని. అటృ. ౩. నిగమనకథా].

సారత్థప్పకాసినిం నామ సంయుత్తనికాయటృకథం భదంతజోతిపాలత్థేరేన ఆయాచితో అకాసి. వుత్తం హేతమేతిస్సా నిగమనే -

“ఏతిస్సా కరణత్థం, ధేరేన భదంతజోతిపాలేన;
సుచిసీలేన సుభాసితస్స పకాసయంతజాణేన.

సాసనవిభూతికామేన, యాచమానేన మం సుభగుణేన;

యం సమధిగతం పుజ్జాం, తేనాపి జనో సుఖీ భవతూ”తి [సం. ని. అటృ. ౩.౫.నిగమనకథా].

మనోరథపూరణిం నామ అజ్ఞత్తరనికాయటృకథం భదంతజోతిపాలత్థేరేన దక్షిణాన్నియరట్టే కశ్చిపురాదీసు చ సీహళదీపే మహావిహారమ్మి చ అత్తనా సద్ధిం వసంతేన ఆయాచితో, తథా జీవకేనాపి ఉపాసకేన పిటకత్తయపారగుభూతేన వాతాహతేపి అనిజ్ఞమానసభావే దుమే వియ అనిజ్ఞమానసద్ధమ్మే రితేన సుమతినా పరిసుద్ధాజీవేనాభియాచితో అకాసి. వుత్తం హేతమేతిస్సా నిగమనే -

“ఆయాచితో సుమతినా, ధేరేన భదంతజోతిపాలేన;
కశ్చిపురాదీసు మయా, పుట్టే సద్ధిం వసంతేన.

వరతమ్బపణ్ణిదీపే, మహావిహారమ్మి వసనకాలేపి;
వాతాహతే వియ దుమే, అనిజ్ఞమానమ్మి సద్ధమ్మే.

పారం పిటకత్తయసా, గరస్స గత్వా రితేన సుమతినా;
పరిసుద్ధాజీవేనా, భియాచితో జీవకేనాపి.

ధమ్మకథానయనిపుణేహి, ధమ్మకథికేహి అపరిమాణేహి;
పరికీళితస్స పటిప, జ్ఞితస్స సకసమయచిత్రస్స.

అట్టకథం అట్టత్తర, మహానికాయస్స కాతుమారద్ధో;
యమహం చిరకాలట్టితి-మిచ్చంతో సాసనవరస్స.

సా హి మహాఅట్టకథాయ, సారమాదాయ నిట్టితా ఏసా;
చతున్నపుతిపరిమాణాయ, పాళియా భాణవారేహి.

సట్టాగమసంవణ్ణన, మనోరథో పూరితో చ మే యస్మా;

ఏతాయ మనోరథ పూరణీతి నామం తతో అస్సా”తి [అ. ని. అట్ట. ౩.౧౧.నిగమనకథా].

ఇమా చ పన చతస్సో ఆగమట్టకథాయో కురుమానో ఆచరియబుద్ధఘోసో మహామహిస్తత్తేరేనాభతం
మూలట్టకథాసంఖ్యాతం మహాఅట్టకథంయేవ భాసాపరివత్తనవసేన చేవ పునప్పునాగతవిత్థారకథామగ్గస్స సంఖిపనవసేన చ
అకాసి. వుత్తజ్ఞోతం గన్ధారమ్మే -

“సీహళదీపం పన ఆభ, తాథ వసినా మహామహిస్తేన;
రపితా సీహళభాసాయ, దీపవాసీనమత్థాయ.

అపనేత్వాన తతోహం, సీహళభాసం మనోరమం భాసం;
తన్తినయానుచ్ఛవికం, ఆరోపేంతో విగతదోసం...పే...
హిత్వా పునప్పునాగత-మత్థం అత్థం పకాసయిస్సామీ”తి.

తథా నిగమనేపి -

“సా హి మహాఅట్టకథాయ, సారమాదాయ నిట్టితా ఏసా”తి [దీ. ని. అట్ట. ౩.నిగమనకథా] చ;

“మూలట్టకథాసారం, ఆదాయ మయా ఇమం కరోంతేనా”తి [దీ. ని. అట్ట. ౩.నిగమనకథా] చ.

ఇమాసం సరీరభూతపారేసు చ సమస్తపాసాదికాయం వియ “మహాపచ్చరియం, కురున్దియ”న్తిఆదినా
వినిచ్చయసంవణ్ణనాభేదప్పకాసనం న దిస్సతి, తథా అభిధమ్మట్టకథాసుపి. తేనేతం ఇాయతి “సుత్తన్తాభిధమ్మేసు
మహాఅట్టకథాతో అజ్ఞా మహాపచ్చరిఆదినామికా పోరాణికా సీహళట్టకథాయో చేవ అన్ధకట్టకథా చ నట్టి”తి. యావ
వసభరాజకాలా (౬౦౯-౬౫౩) పన పాకటానం సీహళికత్థేరానం వినిచ్చయో చ వాదా చ వత్థూని చ ఏతాసుపి
దిస్సన్తియేవాతి.

అభిధమ్మట్టకథాకరణం

అట్టసాలినిం పన సమ్మోహవిసోదనిజ్ఞా ధాతుకథాదిపఞ్చపకరణస్స అట్టకథజ్ఞాతి తిస్సో అభిధమ్మట్టకథాయో
అత్తనా సదిసనామేన సోతత్థకీగన్థకారకేన బుద్ధఘోసభిక్ఖునా ఆయాచితో అకాసి. పుత్తఞ్ఞోతం తాసు -

“విసుద్ధాచారసీలేన, నిపుణామలబుద్ధినా;

భిక్ఖునా బుద్ధఘోసేన, సక్కుచ్చం అభియాచితో”తి [ధ. స. అట్ట. గన్ధారమ్మకథా] చ.

“బుద్ధఘోసోతి గరూహి గహితనామధేయ్యేన థేరేన కతా

అయం అట్టసాలినీ నామ ధమ్మసంఘహట్టకథా”తి [ధ. స. అట్ట. నిగమనకథా] చ.

“అత్తప్పకాసనత్థం, తస్సాహం యాచితో రితగుణేన;

యతినా అదన్తగతినా, సుబుద్ధినా బుద్ధఘోసేన.

యం ఆరభిం రచయితుం, అట్టకథం సునిపుణేసు అత్తేసు;

సమ్మోహవిసోదనతో, సమ్మోహవిసోదనిం నామా”తి [విభ. అట్ట. నిగమనకథా] చ.

“బుద్ధఘోసోతి గరూహి గహితనామధేయ్యేన థేరేన కతా

అయం సమ్మోహవిసోదనీ నామ విభజ్జట్టకథా”తి [విభ. అట్ట. నిగమనకథా] చ.

ఇమాసు పన తీసు పఞ్చపకరణట్టకథాయ నామవిసేసో నత్తి ఆయాచకో చ న పకాసితో, కేవలం అత్తనో సద్ధాయ ఏవ
సజ్ఞోదితేన ఆచరియబుద్ధఘోసేన సా కతా వియ దిస్సతి. పుత్తఞ్ఞోతం తస్సా నిగమనే -

“కుసలాదిధమ్మభేదం, నిస్సాయ నయేహి వివిధగణనేహి;

విత్థారేన్తో సత్తమ-మభిధమ్మప్పకరణం సత్థా.

సువిహితసన్నిట్టానో, పట్టానం నామ యం పకాసేసి;

సద్ధాయ సమారద్ధా, యా అట్టకథా మయా తస్సాతి చ.

“ఏత్తావతా

సత్తప్పకరణం నాథో, అభిధమ్మమదేసయి;

దేవాతిదేవో దేవానం, దేవలోకమ్మి యం పురే;

తస్స అట్టకథా ఏసా, సకలస్సాపి నిట్టితా”తి [పట్టా. అట్ట. ౧౯-౨౪.౧] చ.

“బుద్ధఘోసోతి గరూహి గహితనామధేయ్యేన థేరేన కతా

అయం సకలస్సపి అభిధమ్మపిటకస్స అట్టకథా”తి [పట్టా. అట్ట. ౧౯-౨౪.౧] చ.

ఏకచ్ఛే పన ఆధునికా థేరా “అభిధమ్మట్టకథాయో ఆచరియబుద్ధఘోసేన యాచితో సజ్జపాలబుద్ధమిత్తజోతిపాలాదీనం అఙ్ఘతరో థేరో అకాసీ”తి వదన్తి. అయఙ్ఘ నేసం విచారణా, అట్టసాలినీసమ్మోహవిసోదనీసు “తా బుద్ధఘోసేన యాచితో అకాసీ”తి గన్ధకారేన వుత్తం. తేన జాయతి “తక్కారకో అఙ్ఘో, ఆచరియబుద్ధఘోసో పన తాసు యాచకపుగ్గలోయేవా”తి. ఆగమట్టకథాసు చ ఆచరియబుద్ధఘోసేన -

“సీలకథా ధుతధమ్మా, కమ్మట్టానాని చేవ సబ్బాని...పే....

ఇతి పన సబ్బం యస్మా, విసుద్ధిమగ్గే మయా సుపరిసుద్ధం;

వుత్తం తస్మా భియ్యో, న తం ఇధ విచారయిస్సామీ”తి [దీ. ని. అట్ట. ౧.గన్ధారమ్మకథా] -

ఏవం సీలకథాదీనం అత్తనా ఏవ విసుద్ధిమగ్గే వుత్తభావో మయాతిపదేన పకాసితో. అట్టసాలినీయం పన -

“కమ్మట్టానాని సబ్బాని, చరియాభిజ్ఞా విపస్సనా;

విసుద్ధిమగ్గే పనిదం, యస్మా సబ్బం పకాసిత”న్తి [ధ. స. అట్ట. గన్ధారమ్మకథా] -

ఏవం మయాతి కత్తుపదేన వినా వుత్తం. తేనాపి జాయతి “విసుద్ధిమగ్గకారకో అఙ్ఘో, అభిధమ్మట్టకథాకారకో అఙ్ఘో”తి. కిఞ్చాపి అభిధమ్మట్టకథాసు అభియాచకో బుద్ధఘోసో భిక్ఖునాతి చ యతినాతి చ ఇమేహేవ సామఙ్గాగుణపదేహి వుత్తో న థేరేనాతి సగారవగుణపదేన, తథాపి సో “విసుద్ధాచారసీలేన నిపుణామలబుద్ధినా”తి చ, “అదన్తగతినా సుబుద్ధినా”తి చ ఇమేహి అధికగుణపదేహి థోమితత్తా “విసుద్ధిమగ్గాదికారకో ఆచరియబుద్ధఘోసోయేవా”తి సక్కా గహేతుం. సో హి ఉపసమ్మన్నకాలతోయేవ పట్టాయ గన్ధకోవిదో పరియత్తివిసారదగుణసమ్మన్నో, తస్మిఞ్చ కాలే ఉనదసవన్నో భవేయ్య, తస్మా థేరేనాతి న వుత్తోతి సక్కా గహేతున్తి.

తం పన తేసం అతివిచారణమత్తమేవ. న హి ఆచరియబుద్ధఘోసత్థేరో “తస్మిం కాలే ఉనదసవన్నో”తి సక్కా గహేతుం, విసుద్ధిమగ్గనిగమనేపి “బుద్ధఘోసోతి గరూహి గహితనామధేయ్యేన థేరేనా”తి వచనతో, న చ “విసుద్ధాచారసీలేన, నిపుణామలబుద్ధినా”తి వా, “అదన్తగతినా సుబుద్ధినా”తి వా ఏత్తకేహేవ ద్వీహి ద్వీహి గుణపదేహి థోమనేన సుథోమితో హోతి, అఙ్ఘదత్థు “నిప్పభీకతఖజ్జోతో సముదేతి దివాకరో”తి థోమనం వియ హోతి. నను ఆచరియేన అత్తనో గన్ధనిగమనేసు

-

“పరమవిసుద్ధసద్ధాబద్ధివీరియపటిమణ్ణితేన సీలాచారజ్ఞవమద్దవాదిగుణసముదయసముదితేన

సకసమయసమయన్తరగహనజ్ఞోగాహణసమత్తేన పఞ్ణావేయ్యత్తియసమన్నాగతేన తిపిటకపరియత్తిభేదే సాట్టకథే

సత్తుసాసనే అప్పటిహతజాణప్పభావేన మహావేయ్యకరణేనా”తిఆదినా -

అత్తనో అనుచ్ఛవికాని గుణపదాని పకాసితాని, సోయేవ చ పోరాణసీహళట్టకథాయో సజ్ఞిపిత్వా

అభినవసజ్ఞహట్టకథానం ఆదికత్తా పుబ్బుజ్ఞమో, అఙ్ఘో పన అభినవట్టకథాకారా తస్సేవ అనువత్తిత్వా అవసేసమేకం వా ద్వే వా అట్టకథాయో అకంసు. అభిధమ్మట్టకథాసు చ యో యో అత్తో విసుద్ధిమగ్గే వుత్తో, సో సో యథానుప్పత్తట్టానే తతో

గోహత్యా తథేవ వుత్తే. విసేసతో పన పటిచ్చసముప్పాదవిభక్తిఖన్డాంతనధాతుసచ్చవిభక్తివణ్ణనాసు ఝానకథావణ్ణనాసు చ అయమత్తో అతివియ పాకటో, యోపి చ తత్త అప్పకో కతిపయమత్తో విసుద్ధిమగ్గేన విసదిసో సంవణ్ణనాభేదో దిస్సతి, సోపి ఆభిధమ్మికానం మతానుసారేన యథా పోరాణట్టకథాయం వుత్తే, తథేవ వుత్తోతి వేదితట్టో. యథా చ అట్టసాలినియం సమంతపాసాదికాయ వినయట్టకథాయ అతిదేసో దిస్సతి [ధ. స. అట్ట. ౧ అకుసలకమ్మపథకథా], తథేవ సమంతపాసాదికాయమ్మి అట్టసాలినియా అతిదేసో దిస్సతేవ [పారా. అట్ట. ౧.౧౧;]. యది చ అట్టసాలినీ అజ్ఞోన కతా భవేయ్య, కథం తాసు అజ్ఞామజ్ఞాతిదేసో సక్కా కాతుం. తస్మా అభిధమ్మట్టకథాసు అభియాచకో బుద్ధఘోసో ఆచరియేన సమాననామో చూళబుద్ధఘోసోతి యావజ్జతనా ఆచరియపరమ్మరాయ గహితో సోతత్తకీగంతకారకో అజ్ఞోయేవ, న ఆచరియమహాబుద్ధఘోసత్థేరో. తేనేవ తత్త వుత్తం “భిక్షునా”తి చ “యతినా”తి చ.

యది పన ఏత్తకేన నిట్టం న గచ్ఛేయ్య, ఏవమ్మి విచారేతట్టం - కిన్ను ఖో సజ్జపాలాదయో థేరా విసుద్ధిమగ్గాదీనం కరణత్థాయ ఆచరియబుద్ధఘోసత్థేరం ఆయాచమానా అత్తనా సమత్తతరోతి సద్దహంతా ఆయాచంతి ఉదాహు అసద్దహంతాతి? సద్దహంతాయేవ ఆయాచంతీతి పాకటోయేవాయమత్తో. తథా చ సతి ఆచరియబుద్ధఘోసత్థేరో సయం అజ్ఞోహి సమత్తతరోవ సమానో కస్మా అజ్ఞం ఆయాచేయ్య. న హి సద్ధాసమ్మన్నస్స ధామసమ్మన్నస్స యోబ్బనసమ్మన్నస్స ఆచరియస్స సుందరతరం అభిధమ్మట్టకథం కాతుం భారియం భవిస్సతి. అభిధమ్మట్టకథాసు చ వుత్తవచనాని విసుద్ధిమగ్గఆగమట్టకథాసు వుత్తసంవణ్ణనావచనేహి ఏకాకారానేవ హోన్తి. యది చ అభిధమ్మట్టకథం అజ్ఞో కరేయ్య, కథమపి తాహి వచనాకారస్స విసదిసతా భవేయ్య ఏవ. ఏతాసం నిగమనే చ దస్సితేన “బుద్ధఘోసోతి గయాహి గహితనామధేయ్యేన థేరేన కతా”తి వచనేన “ఆచరియబుద్ధఘోసేన కతా”త్వేవ పాకటా హోన్తి, న అజ్ఞోనాతి. యేపి “అజ్ఞోన కతా”తి వదన్తి, తేపి “ఇమినా నామ థేరేనా”తి ఏకంసతో దస్సేతుం న సక్కోన్తి, తథా దస్సేతుజ్ఞా లేసమత్తమ్మి సాధకవచనం న దిస్సతి. తస్మా అభిధమ్మట్టకథాయోపి ఇదాని ఆచరియేహి చూళబుద్ధఘోసోతి వోహరితేన బుద్ధఘోసేన నామ భిక్షునాయాచితో విసుద్ధిమగ్గవినయాగమట్టకథానం కారకో ఆచరియమహాబుద్ధఘోసత్థేరోయేవ అకాసీతి నిట్టమేత్త గంతబ్బన్తి.

యం పన మహావంసే “ఆచరియబుద్ధఘోసో సీహళదీపాగమనతో పుట్టే జమ్బుదీపే వసనకాలేయేవ అట్టసాలినిం అకాసీ”తి అధిప్పాయేన -

౨౨౫. “ధమ్మసంఘణియాకాసి, కచ్చం సో అట్టసాలిని”న్తి -

వుత్తం, తం ఇదాని దిస్సమానాయ అట్టసాలినియా న సమేతి. తత్త హి గన్ధారమ్భేయేవ విసుద్ధిమగ్గం అతిదిసిత్వా పచ్చాపి సో చ, సమంతపాసాదికా చ బహూసు రానేసు అతిదిసీయన్తి. తస్మా తస్సా ఆచరియేన సీహళదీపం పత్వా విసుద్ధిమగ్గజ్ఞేవ సమంతపాసాదికజ్ఞా కత్వా పచ్చాయేవ కతభావో అతివియ పాకటోతి.

కష్టవితరణీఅట్టకథాకరణం

కష్టవితరణీ నామ పాతిమోక్షట్టకథం ఆచరియబుద్ధఘోసత్థేరో సోణత్థేరేన యాచితో మహావిహారవాసీనం వాచనామగ్గనిస్సితం సీహళపాతిమోక్షట్టకథానయం నిస్సాయ ఏకమ్మి పదం పాళియా వా మహావిహారవాసీనం పోరాణట్టకథాహి వా అవిరోధేత్వా అకాసి. తేన వుత్తం తిస్సం అట్టకథాయం -

“సూరతేన నివాతేన, సుచిసల్లేఖవుత్తినా;

వినయాచారయుత్తేన, సోణత్థేరేన యాచితో.

తత్త సజ్జాతకష్టానం, భిక్షూనం తస్స వణ్ణనం;

కష్టవితరణత్థాయ, పరిపుణ్ణవినిచ్చయం.

మహావిహారవాసీనం, వాచనామగ్గనిస్సితం;

వత్తయిస్సామి నామేన, కష్టవితరణీం సుభ”న్తి [కష్టా అట్టం గన్ధారమ్మకథా] చ.

“ఆరభిం యమహం సబ్బం, సీహళట్టకథానయం;

మహావిహారవాసీనం, వాచనామగ్గనిస్సితం.

నిస్సాయ సా అయం నిట్టం, గతా ఆదాయ సబ్బసో;

సబ్బం అట్టకథాసారం, పాళియత్థణ్ణ కేవలం.

న హేత్థ తం పదం అత్తి, యం విరుజ్జేయ్య పాళియా;

మహావిహారవాసీనం, పోరాణట్టకథాహి వా”తి [కష్టా అట్టం నిగమనకథా] చ.

ధమ్మపదట్టకథాకరణం

అపరాపి తిస్సో అట్టకథాయో సన్తి ఖుద్దకపారట్టకథా ధమ్మపదట్టకథా సుత్తనిపాతట్టకథా చాతి, యా తాసు దిస్సమాననిగమనవసేన ఆచరియబుద్ధఘోసేనేవ కతాతి పజ్ఞాయన్తి. తత్త పన వుత్తవచనాని కానిచి కానిచి ఆగమట్టకథాసు వుత్తాకారేన న హోన్తి. తస్మా ఏకే వదన్తి “నేతా ఆచరియబుద్ధఘోసస్సా”తి. ఏకచ్ఛే పన “ఆచరియస్స ఉపధమ్మకత్థేరేహి పరమం కతా, పచ్ఛా ఆచరియేన ఓసానసోధనవసేన పరియోసాపితా వా భవేయ్యుం, అభిధమ్మట్టకథం ఆయాచన్తేన చూళబుద్ధఘోసేన వా కతా భవేయ్యు”న్తి వదన్తి.

తం తథా వా హోతు అజ్ఞాథా వా, ఇదాని ఏకంతో వినిచ్ఛినితుం న సుకరమేవ. తస్మా తాసుం నిగమనవచనవసేనేవ ఏత్త పకాసయిస్సామ. తాసు హి ధమ్మపదట్టకథం కుమారకస్సపత్తేరేన ఆయాచితో సిరికూటస్స (సిరికుడ్డస్స) రజ్ఞో పాసాదే విహరన్తో పరమ్మరాభతం సీహళభాసాయ సణ్ఠితం పోరాణట్టకథం పాళిభాసాయ ఆరోపేత్వా విత్థారగతఞ్చ వచనక్కమం సమాసేత్వా గాథాసు అసంవణ్ణితపదబ్యజ్ఞానాని సంవణ్ణేత్వా అకాసి. వుత్తజ్ఞో తత్త గన్ధారమ్భే -

“పరమ్మరాభతా తస్స, నిపుణా అత్తవణ్ణనా;

యా తమ్మపణ్ణిదీపమ్మి, దీపభాసాయ సణ్ఠితా...పే....

కుమారకస్సపీనాహం, థేరేన ధిరచేతసా;

సద్ధమ్మట్టితికామేన, సక్కచ్చం అభియాచితో...పే....

తం భాసం అతివిత్థార, గతఞ్చ వచనక్కమం;

పహాయారోపయిత్వాన, తన్తిభాసం మనోరమం.

గాథానం బ్యజ్ఞానపదం, యం తత్త న విభావితం;

కేవలం తం విభావేత్వా, సేసం తమేవ అత్తతో.

భాసంతరేన భాసిస్స”న్తి [ధ. ప. అట్ట. ౧.గన్ధారమ్మకథా] -

నిగమనే చ వుత్తం -

“విహరే అధిరాజేన, కారితమ్మి కతజ్ఞానా;

పాసాదే సిరికూటస్స, రజ్ఞో విహరతా మయా”తి [ధ. ప. అట్ట. ౨.నిగమనకథా].

ఏత్త చ సిరికూటో నామ సమన్తపాసాదికానిగమనే సిరిపాలోతి వుత్తో మహానామోయేవ రాజాతి వదన్తి. ఏవం సతి మహేసియా ఆనయనం సమాదాపనమారబ్భ తేన రజ్ఞా దిన్నే ధూమరక్ష్మపబ్బతవిహరే వసన్తేన సా కతాతి వేదితబ్బా. వుత్తజ్ఞోతం మహావంసే -

౩౭-౨౧త్రోహద్వార-రలగ్గామ-కోటిపస్సావనవ్తయే;
తయో విహారే కారేత్వా, భిక్షూనం అభయుత్తరే.

౨౧౩.విహారం కారయిత్వాన, ధూమరక్ష్మి పబ్బతే;
మహేసియా'నయేనా'దా, భిక్షూనం ధేరవాదిన"న్తి.

తస్య పన రజ్ఞో కాలే సా నిట్టాపితాతి న సక్కా గహేతుం. తస్య హి రజ్ఞో ఏకవీసతిమవస్సే సమస్తపాసాదికం
నిట్టాపేసి. నో చ రాజా ద్వావీసతిమవస్సే దివళ్ళతో. ఏత్థంతరే సాధికఏకవస్సేన “చతస్సో చ ఆగమట్టకథాయో తిస్సో చ
అభిధమ్మట్టకథాయో అయళ్ళా ధమ్మపదట్టకథా”తి సబ్బా ఏతా న సక్కా నిట్టాపేతున్తి.

పరమత్థజోతికాటకథాకరణం

పరమత్థజోతికం నామ ఖుద్ధకపాఠస్స చేవ సుత్తనిపాఠస్స చ అట్టకథం కేనచిపి అనాయాచితో అత్తనో ఇచ్ఛావసేనేవ అకాసి. వుత్తజ్ఞోతం ఖుద్ధకపాఠట్టకథాయ గణ్ఠారమ్భే -

“ఉత్తమం వన్ధనేయ్యానం, వన్ధిత్వా రతనత్తయం;
ఖుద్ధకానం కరిస్సామి, కేసఞ్చి అత్థవణ్ణనం.

ఖుద్ధకానం గమ్భీరత్తా, కిఞ్చాపి అతిదుక్కరా;
వణ్ణనా మాదిసేనేసా, అబోధంతేన సాసనం.

అజ్ఞాపి తు అబ్బోచ్చిన్నో, పుబ్బాచరియనిచ్చయో;
తథేవ చ రితం యస్మా, నవజ్ఞం సత్థుసాసనం.

తస్మాహం కాతుమిచ్ఛామి, అత్థసంవణ్ణనం ఇమం;
సాసనఞ్చేవ నిస్సాయ, పోరాణఞ్చ వినిచ్చయం.

సద్ధమ్మబహుమానేన, నాత్తుక్కంసనకమ్యతా;
నాఞ్ఞోసం వమ్భనత్థాయ, తం సుణాథ సమాహితా”తి.

బహూ పన విచక్ఖణా ఇమా ఆరమ్భగాథాయో విచినిత్వా “నేతం ఆచరియబుద్ధఘోసత్థేరస్స వియ వచనం హోతీ”తి వదన్తి. అయఞ్చ నేసం విచిననాకారో, ఆచరియబుద్ధఘోసో హి యం కఞ్చి గన్థం సీలాదిగుణసమ్పన్నేన అజ్ఞోన ఆయాచితోవ కరోతి, ఇథ పన కోచిపి ఆయాచకో నత్తి. పునపి ఆచరియో “పోరాణసీహళట్టకథం భాసాపరివత్తనవసేన కరిస్సామీ”తి చ “మహావిహారవాసీనం వాచనామగ్గం నిస్సాయ కరిస్సామీ”తి చ ఏవం పటిజ్ఞం కత్వావ కరోతి, ఇథ పన తాదిసీపి పటిజ్ఞా నత్తి. పునపి ఆచరియో అతిగమ్భీరత్థానం చతున్నఞ్చాగమానం అభిధమ్మస్స చ సంవణ్ణనారమ్భేపి దుక్కరభావం న కథేతి, ఇథ పన “సాసనం అబోధంతేన మాదిసేనా”తి అత్తనా సాసనస్స అబుద్ధభావం పకాసేత్వా “అతిదుక్కరా”తి చ కథేతి. తస్మా “నేతం ఆచరియబుద్ధఘోసస్స వియ వచన”న్తి వదన్తి. తం యుత్తం వియ దిస్సతి, ఆచరియో హి అత్తనో గన్థనిగమనేసు “తిపిటకపరియత్తిప్పభేదే సాట్టకథే సత్థుసాసనే అప్పటిహతజాణప్పభావేనా”తి అత్తనో జాణప్పభావం పకాసేసి, సో “సాసనం అబోధంతేన మాదిసేన అతిదుక్కరా”తి ఈదిసం వచనం న కథేయ్యయేవాతి.

జాతకట్టకథాకరణం

జాతకట్టకథాపి చ ఆచరియబుద్ధఘోసత్థేరేనేవ కతాతి వదన్తి, కారణం పనేత్త న దిస్సతి. సా పన అత్తదస్సిత్థేరేన చ బుద్ధమిత్తత్థేరేన చ మహిసాసకనికాయికేన చ బుద్ధదేవత్థేరేనాతి తీహి థేరేహి అభియాచితో మహావిహారవాసీనం వాచనామగ్గం నిస్సాయ కతా. ఇమిస్సాపి నామవిసేసో నత్తి. పుత్తం హిమిస్సా ఆరమ్భే -

“బుద్ధవంసస్స ఏతస్స, ఇచ్చన్తేన చిరట్టితిం;
యాచితో అభిగన్తాన, థేరేన అత్తదస్సినా.

అసంసట్టవిహారేన, సదా సుద్ధవిహారిణా;
తథేవ బుద్ధమితేన, సన్తచితేన విజ్ఞానా.

మహిసాసకవంసమ్మి, సమ్మాతేన నయజ్ఞానా;
బుద్ధదేవేన చ తథా, భిక్షునా సుద్ధబుద్ధినా.

మహాపురిసచరియానం, ఆనుభావం అచిన్తియం;
తస్స విజ్ఞోతయన్తస్స, జాతకస్సత్థవణ్ణనం.

మహావిహారవాసీనం, వాచనామగ్గనిస్సితం;
భాసిస్సం భాసతో తం మే, సాధు గణ్ఠన్తు సాధవో”తి.

ఏత్తావతా చ ఆచరియబుద్ధఘోసత్థేరస్స గన్ధభావేన పాకటాహి సబ్బట్టకథాహి సహ విసుద్ధిమగ్గస్స కరణప్పకారో విత్థారేన విభావితో హోతి.

సకలలోకపత్తారకారణం

కిస్సేస విసుద్ధిమగ్గో సకలలోకే పత్థతోతి? పరిసుద్ధపిటకపాళినిస్సయభావతో, సిక్ఖత్తయసంభవాభావతో,
పోరాణట్టకథానం భాసాపరివత్తనభావతో, పరసమయవివజ్జనతో, సకసమయవిసుద్ధితో,
సీలధుతజ్ఞసమధాభిజ్ఞాపజ్ఞాపభేదాదీనం పరిపుణ్ణవిభాగతో, యావ అరహత్తా పటిపత్తినయపరిదీపనతో,
ఉత్తానానాకులపదబ్యజ్జనసంఖ్యతభావతో, సువిజ్ఞోయ్యుత్థభావతో, పసాదనీయానం దిట్టానుగతాపాదనసమత్థానం వత్థూనజ్ఞా
దీపనతోతి ఏవమాదీహి అనేకసతేహి గుణేహి ఏస సకలలోకే పత్థతో జాతో.

అయజ్ఞో విసుద్ధిమగ్గో సజ్జీతిత్తయారూళ్ళపరిసుద్ధపాళిపిటకమేవ నిస్సాయ పవత్తో, న మహాసంఖ్ఖికాదీనం సత్తరసన్నం
నికాయానం పిటకం, నపి మహాయానికానం పిటకం. సపరివారం సిక్ఖత్తయజ్ఞా ఏత్థ పరిపుణ్ణమేవ సజ్ఞహేత్వా దస్సితం.
వుత్తజ్ఞోతం ఆచరియేన ఆగమట్టకథాసు గణ్ధారమ్మే -

“సీలకతా ధుతథమ్మా, కమ్మట్టానాని చేవ సబ్బాని;
చరియావిధానసహితో, ఝానసమాపత్తివిత్థారో.

సబ్బా చ అభిజ్ఞాయో, పజ్ఞాసంజ్ఞలననిచ్చయో చేవ;
ఖడ్ధాధాతాయతని,న్త్రియాని అరియాని చేవ చత్తారి.

సచ్చాని పచ్చయాకార,దేసనా సుపరిసుద్ధనిపుణనయా;
అవిముత్తతన్తిమగ్గా, విపస్సనాభావనా చేవ.

ఇతి పన సబ్బం యస్మా, విసుద్ధిమగ్గే మయా సుపరిసుద్ధం;
వుత్తం తస్మా భియ్యో, న తం ఇథ విచారయిస్సామీ”తి.

యస్మా పన విసుద్ధిమగ్గో చతున్నం ఆగమట్టకథానం అవయవభావేన కతో, తస్మా తా వియ పోరాణసీహాళట్టకథానం
భాసాపరివత్తనవసేన చేవ పునపునాగతమత్థానం సంఖిపనవసేన చ పరసమయవివజ్జనవసేన చ మహావిహారవాసీనం
పరిసుద్ధవినిచ్చయసంఖ్యతస్స సకసమయస్స దీపనవసేన చ కతో. వుత్తజ్ఞోతం ఆచరియేన -

“అపనేత్వాన తతోహం, సీహాళభాసం మనోరమం భాసం;
తన్తినయానుచ్చవికం, ఆరోపేన్తో విగతదోసం.

సమయం అవిలోమేన్తో, థేరానం థేరవంసపదీపానం;
సునిపుణవినిచ్చయానం, మహావిహారే నివాసీనం;

హిత్వా పునపునాగత-మత్తం అత్తం పకాసయిస్సామీ”తి [దీ. ని. అట్ట. ౧.గణ్ధారమ్మకథా] చ.

“మజ్ఞో విసుద్ధిమగ్గో, ఏస చతున్నమ్మి ఆగమానజ్ఞో;

రత్నా పకాసయిస్సతి, తత్త యథాభాసితమత్తం.

ఇచ్చేవ కతో తస్మా, తమ్మి గహేత్వాన సద్ధిమేతాయ;

అట్టకథాయ విజానథ, దీఘాగమనిస్సితం అత్త"న్తి [దీ. ని. అట్ట. ౧.గన్ధారమ్మకథా] చ.

“సా హి మహాఅట్టకథాయ, సారమాదాయ నిట్టితా ఏసా;

ఏకాసీతిపమాణాయ, పాళియా భాణవారేహి.

ఏకూనసట్టిమత్తో, విసుద్ధిమగ్గోపి భాణవారేహి;

అత్తప్పకాసనత్తాయ, ఆగమానం కతో యస్మా.

తస్మా తేన సహాయం, అట్టకథా భాణవారగణనాయ;

సుపరిమితపరిచ్ఛిన్నం, చత్తాలీసం సతం హోతి"తి [దీ. ని. అట్ట. ౩.నిగమనకథా] చ.

యది చాయం విసుద్ధిమగ్గో ఆచరియేన ఆగమట్టకథాయో వియ అకత్వా పోరాణసీహళట్టకథాయో చ అనోలోకేత్వా కేవలం అత్తనో ఇణప్పభావేనేవ కతో అస్స, నాయం ఆగమట్టకథానం అవయవోతి గహేతబ్బో అస్స, అజ్ఞాదత్తు “ఆగమట్టకథాయో మహాట్టకథాయ సారభూతా, విసుద్ధిమగ్గో పన న తస్సా సారభూతో, కేవలం ఆచరియస్స మతియావ కతో"తి ఏవమేవ వత్తబ్బో అస్స. యస్మా పన తథా అకత్వా పుట్టే వుత్తప్పకారేనేవ కతో, తస్మా అయమ్మి విసుద్ధిమగ్గో తాసం ఆగమట్టకథానం కరణాకారేనేవ కతోతి చ, తతోయేవ మహాట్టకథాయ సారభూతోతి చ దట్టబ్బో.

ఏకచ్చే పన విచక్ఖణా ఆచరియబుద్ధఘోసస్స గన్ఠేసు ఉత్తరపక్ఖసాసనికానం అస్సఘోసనాగజ్ఞనవసుబన్ఠుఆదీనం భిక్షూనం వియ పోరాణగన్ఠే అనిస్సాయ అత్తనో ఇణానేవ తక్కేత్వా దస్సితం ధమ్మకథావిసేసం అదిస్వా అసన్తుట్టచిత్తా ఏవం వదన్తి “బుద్ధఘోసస్స అజ్ఞాం అనిస్సాయ అత్తనో ఇణప్పభావేనేవ అభినవగన్ఠుప్పాదనం న పస్సామా"తి. తం తేసం గరహావచనమ్మి సమానం ధేరవాదీనం పసంసావచనమేవ సమ్మజ్జతి. ధేరవాదినో హి ఏవం జానన్తి “బుద్ధేనేవ భగవతా సమ్మాసమ్మద్ధేన దేసేతబ్బో చేవ ధమ్మో పజ్జాపేతబ్బో చ వినయో అనవసేసేన దేసేతో చేవ పజ్జాతో చ, సోయేవ ధమ్మవినయో సద్ధాసమ్మన్నేహి భిక్షూహి చేవ గహట్టేహి చ యథారహం పటిపజ్జితబ్బో, న తతో అజ్ఞో ధమ్మవినయో తక్కేత్వా గవేసేతబ్బో. యది పన అజ్ఞో ధమ్మవినయో కేనచి తక్కేత్వా కథితో అస్స, తం తస్సేవ తక్కినో సాసనం హోతి న సత్తు సాసనం. యం యం పన భగవతో ధమ్మవినయే పదబ్యజ్జానం అత్తతో అపాకటం హోతి, తత్త తత్త పోరాణకేహి పటిసమ్మిదాచళభిజ్ఞాదిగుణసమ్మన్నేహి భగవతో అధిప్పాయం జానన్తేహి అట్టకథాచరియేహి సంవణ్ణితయేన అత్తో గహేతబ్బో, న అత్తనోమతివసేనా"తి. ఆచరియబుద్ధఘోసో చ తేసం ధేరవాదీనం అజ్ఞాతరో, సోపి తథేవ జానాతి. వుత్తజ్ఞోతం ఆచరియేన -

“బుద్ధేన ధమ్మో వినయో చ వుత్తో,

యో తస్స పుత్తేహి తథేవ ఇతో;

సో యేహి తేసం మతిమచ్చజన్తా,

యస్మా పురే అట్టకథా అకంసు.

తస్మా హి యం అట్టకథాసు వుత్తం,
తం వజ్రయిత్వాన పమాదలేఖం;
సబ్బమ్మి సిక్ఖాసు సగారవానం,
యస్మా పమాణం ఇథ పణ్ణితానం.

తతో చ భాసన్తరమేవ హిత్వా,
విత్తారమగ్గశ్చ సమాసయిత్వా...పే....
యస్మా అయం హేస్సతి వణ్ణనాపి,
సక్కచ్చ తస్మా అనుసిక్ఖేతబ్బా"తి [పారా. అట్ట. ౧.గన్ధారమ్మకథా].

తేనేవ ఆచరియో భగవతో ధమ్మవినయం వా పోరాణట్టకథం వా అనిస్సాయ అత్తనో ఇాణేన తక్కేత్వా వా అత్తనా పరిచితలోకియగన్ఠేహి గహేత్వా వా న కశ్చి గన్ఠం అకాసి. యది పన తాదిసం కరేయ్య, తం థేరవాదినో మహాపదేససుత్తే [దీ. ని. ౨.౧౮౮; అ. ని. ౪.౧౮౦] వుత్తనయేన “అద్ధా ఇదం న చేవ తస్స భగవతో వచనం, బుద్ధఘోసస్స చ థేరస్స దుగ్గహిత”న్తి ఛడ్డేయ్యుంయేవ. యతో చ ఖో అయం విసుద్ధిమగ్గో పోరాణట్టకథానం భాసాపరివత్తనాదివసేనేవ ఆచరియేన కతో, తతోయేవ థేరవాదినో తం మహాపదేససుత్తే వుత్తనయేన “అద్ధా ఇదం తస్స భగవతో వచనం, ఆచరియబుద్ధఘోసస్స చ థేరస్స సుగ్గహిత”న్తి సమ్మటిచ్చన్తి. తేనాపాయం సకలలోకే పత్థటో హోతి.

సీలధుతజ్ఞాదీనం విభాగో చ పటిపత్తినయపరిదీపనశ్చ పాకటమేవ. తథాయం విసుద్ధిమగ్గో సువిజ్ఞోయ్యపదవాక్యేహి చేవ అనాకులపదవాక్యేహి చ తన్తినయానురూపాయ పాళిగతియా సుట్టు సజ్ఞతో, తతోయేవ చస్స అట్టోపి సువిజ్ఞోయ్యో హోతి. తస్మా తం ఓలోకేన్తా విజ్ఞానో విసుద్ధజ్ఞాసయా ఖణే ఖణే అత్థపటిసంవేదినో చేవ ధమ్మపటిసంవేదినో చ హుత్వా అనప్పకం పీతిసోమనస్సం పటిసంవేదేన్తి.

అనేకాని చేత్థ పసాదావహాని మహాతిస్సత్థేరవత్థుఆదీని [విసుద్ధి. ౧.౧౦] సీహాళవత్థూని చ ధమ్మసీనాపతిసారిపుత్తత్థేరవత్థుఆదీని [విసుద్ధి. ౧.౧౯] జమ్బుదీపవత్థూని చ దీపితాని. తాని పస్సిత్వా అనుస్సరన్తానం సప్పురిసానం బలవపసాదో చ ఉప్పజ్జతి, “కదా ను ఖో మయమ్మి ఈదిసా భవిస్సామా”తి దిట్ఠానుగతిం ఆపజ్జితుకామతా చ ఉప్పజ్జతి.

ఏవం పరిసుద్ధపిటకపాళినిస్సయతాదీహి అనేకసతేహి గుణేహి అయం విసుద్ధిమగ్గో సకలలోకే పత్థటో జాతోతి వేదితబ్బో. యథా చాయం విసుద్ధిమగ్గో, ఏవం అజ్ఞాపి ఆచరియేన కతా తిపిటకసంఖ్యహట్టకథాయో పోరాణట్టకథానం భాసాపరివత్తనభావాదీహి గుణేహి సకలలోకే పత్థటాయేవ హోన్తి.

ఏత్తావతా చ పన కిమత్థం కతోతిఆదీనమ్మి పజ్ఞానమత్తో విత్తారేన విభావితోవ హోతీతి.

తత్థేతం వుచ్చతి -

౧. సమ్భావనీయస్స సుధీవరాన-

మాదత్తధీరిట్టపదస్స యస్స;
పఞ్ఞాదిజాతా లలితా గుణాభా,
భాతేవ లోకమ్మి సతం ముదాయ.

౨. స బుద్ధఘోసావ్హధిరగ్గధీమా,
విదూన'మచ్చంతసమాదరా'దా;
సభావజం బ్యత్తిససత్తిలద్దం,
సిరిం దధాతేవ సుబుద్ధఘోసో.

౩. "సమ్మద్ధసేట్టే పరినిబ్బుతస్మిం,
సంవచ్చరానం దసమే సతమ్మి;
జాతో"తి ఇతో విబుధేహి బుద్ధ-
ఘోసజ్ఞరో పత్తసమత్తమానీ.

౪. విఞ్ఞా విదూ'మస్స పుమగ్గజాతే,
సఞ్ఞాతతం దక్ఖిణదేసభాగే;
రమ్మే'ద్దియస్మిం సుజనాకరస్మిం,
తత్తత్తమేసీన'మయం పతీతి.

౫. మోరణ్ణగామమ్మి స తత్థ జాతో,
పుఞ్ఞానితో విప్పకులమ్మి సమ్మా;
సూరస్స లోకత్థసమావహత్థం,
ఉప్పజ్జనాయా'ద్యరుణోవ రంసి.

౬. సంవద్ధబుద్ధీ స పవృద్ధిపత్తో,
ఆరాధయం ఇతోగణం సదేవ;
వేదేసు విజ్ఞాసు తదఞ్ఞాసిప్ప-
గఢ్ధేస్సనాయాసపవీణతా'గా.

౭. సుద్ధాధిముత్తీన వివేచనేన,
సారాను'సారోతి వివిఞ్చమానో;
వేదేస్స'సారత్త'మబుజ్జి యస్మా,
తుట్టిం స నాపజ్జి సుతేన సేన.

౮. అన్వేసతో తస్స పసత్థసారం,

సద్దమ్మసారో సవనేన లద్దో;
నిన్నోవ బుద్ధస్స స సాసనమ్మి,
ఉస్సాహజాతోపగమాయ తత్త.

౯. ధమ్మాభిలాసీ స విరోచి తత్త,
సంలద్ధపబ్బజ్జుపసమ్మదోవ;
ధేరోపసక్కమ్మ విసుద్ధధేర-
వాదీనికాయమ్మి పతీతపజ్ఞో.

౧౦. తదా హి'సుం దక్షిణశిన్ధియమ్మి,
నివాసి నో ధేరియవంసజాతా;
తదశ్శవాదీ చ మునీ మునిన్ద-
మతం యథాలద్ధి పకాసయన్తా.

౧౧. సద్దమ్మసారాధిగమాయ భియ్యో,
పాళిం సముగ్గణ్ఠి జినేరితం, సా;
జిహ్వగలీలా మనసా'సితా'స్స,
లక్ష్మీవ పుజ్ఞో నివసం బభాస.

౧౨. ఏవం తముగ్గణ్ఠా'మబోధి సమ్మా,
“ఏకాయనోయం సువిసుద్ధియాతి;
మగ్గో వివట్టాధిగమాయ” తత్తో-
య్యోగం సమాపజ్ఞి పరం పరత్తీ.

౧౩. సభావపజ్ఞా మహతీ చ సత్త-
న్తరోపలద్ధా విపులావ విజ్ఞా;
తేనస్స బుద్ధోత్తిసముద్ధతిణ్ణో,
అకిచ్చసాధిత్తపభావ'మజ్ఞా.

౧౪. బుద్ధస్స కిత్తివ సుకిత్తిఘోసో,
వత్తిస్సతే'చ్చస్స గరూ వియత్తా;
అత్థాన్వితం నామమకంసు బుద్ధ-
ఘోసోతి సమ్మద్ధమతజ్ఞతస్స.

౧౫. మయూరదూతవ్హయపట్టనస్మిం,

నివస్స కఙ్ఘేష్ఠపురాదికే చ;
స అన్ధకాఖ్యాతసదేసియట్ట-
కథం సముగ్గణ్ఠి సమాహితత్తో.

౧౬. తావత్తకేనస్స సుమేధసస్సా-
సన్తట్టచిత్తస్స తతుత్తరిమ్మి;
సమ్ముద్ధవాణీసు సమత్తమత్థం,
అఙ్ఘాతుమిచ్ఛా మహతీ అజాయి.

౧౭. మహామహిన్దాదివసీవరేభి,
సమాభతా యాట్టకథా ససారా;
సథేరవాదా సువినిచ్ఛయా చ,
తదా విభాతా వత లఙ్కయా'సుం.

౧౮. పవత్తిమేతం విదియ'స్స మేత-
దహోసి "యం నూన'భిరామలఙ్కం;
అలఙ్కరోన్తిం రతనాకరంవ,
ఉపేచ్ఛ సిక్ఖే'ట్టకథా మహన్తీ.

౧౯. తా భాసయా సీహళికాయ రచ్ఛా,
తన్తిం సమారోప్య నవం కరేయ్యం;
ఏవఙ్ఘో దేసన్తరియాన బుద్ధ-
మానీనమత్థం ఖలు సాధయే"తి.

౨౦. పురే చ లఙ్కాగతసాసనం యం,
సునిమ్మలిన్దూవ హిమాదిముత్తో;
పభాసి, కిస్మి'శ్చ తదాఙ్ఘవాద-
మనాకులం తా'కులతం జగామ.

౨౧. జినమ్మి నిబ్బానగతే హి వస్స-
సతన్తరే సాసనికా సమగ్గా;
సమానవాదా జినసాసనమ్మి,
న కోచి భేదోపి తదా అహోసి.

౨౨. పచ్ఛా చ సద్ధమ్మదుమాహతేభ్య-

ధమ్మహి వాతేహి పటిచ్చ పాపే;
జాతేహి సంవిగ్గమనా సమాయ,
ధేరే'స'ముయ్యోగమకంసు దళ్ళం.

౨౩. సజ్జీతియో కచ్చ సుపేసలేహి,
నిగ్గయ్యమానాపి ధిరేహి దళ్ళం;
ఛిన్నాపి రుక్ఖా'స్సు పునోరుహావా-
కాసుంవ ధమ్మం వినయా'జ్ఞాథా తే.

౨౪. నానాగణా తే చ అనేకవాదా,
సంసగ్గకారా జినసాసనే'సుం;
వాదేభి అజ్ఞోహి జినేరితేభ్య-
సుద్ధాయమానా వినయజ్ఞా ధమ్మం.

౨౫. వాదా చ వాదీ పిటకాని తేసం,
లబ్బం మలబ్బంవ కరం'పయాతా;
పటిగ్గహేసుం ప్యభయాదివాసీ,
నాజ్ఞో మహాఖ్యాతవిహారవాసీ.

౨౬. యథా చ బుద్ధాభిహితావ పాళి,
తదత్థసారా చ వసీభి ఇతా;
న "తేథ వోక్కమ్మ విసుద్ధధేర-
వాదీ వివాదీ"తి పవత్తి కాచి.

౨౭. జీవంవ రక్ఖింసు సధేరవాదం,
తన్నిం తదత్థజ్ఞా సనిణ్ణయం తే;
తస్మా న సక్కావ తదజ్ఞావాది-
వాదేభి హస్తం చు'పగస్తుమద్ధా.

౨౮. తంవాదసంభేదభయజ్ఞా మజ్ఞాయా,
"దుద్ధారవేలాపి భయేహి తన్నినం;
సమ్మోహతాదీహి భవే"తి పోత్థకం,
ఆరోప్య సమ్మా పరిపాలయింసు తే.

౨౯. తదా హి తేసం పటిబాహనే రణ-

విదంవ సిక్తం జినసాసనద్ధరో;
స బుద్ధఘోసో ముని బుద్ధిపాటవో,
గతోసి దీపం వరతమ్బుపణ్ణికం.

30. లబ్ధం ఉపేచ్ఛ స మహాటకథాణ్ణవస్స,
పారం పరం వితరణే ధిరనిణ్ణయోవ;
సంసుద్ధవంసజనివాసమహావిహార-
మాగా'మ్బరంవ ఉదయిన్దు'పసోభయన్తో.

31. తస్మిన్చ దక్ఖిణదిసాయ వసీ స తత్త,
సోభం పథానఘరసఙ్ఖాతపారివేణం;
పాసాద'ముత్తమ'మకా సుజనేభి సేబ్బం,
సన్తో మహానిగమసామి సుచిణ్ణధమ్మో.

32. సమ్మా చ యోగమకరీ బుద్ధబుద్ధమిత్త-
థేరాది'మన్త'ముపయాత'మనూనతన్తే;
సంసేవితో వివిధజ్ఞాయపబుద్ధియా సో,
సుత్తాభిధమ్మవినయట్టకథాస్వ'నూనం.

33. వేయ్యత్తియం'స సమయే సమయన్తరే చ,
పఙ్ణాయ దిస్వ వివటంవ నిహితమత్థం;
థేరా సమగ్గజినమగ్గమతా'మతాసీ,
మఙ్ఖంసు నగ్గరతనంవ సుదుల్లభన్తి.

34. విజ్ఞాయ ధమ్మవినయత్తయథిచ్ఛదానే,
చిన్తామణీతి సునిరూపితబుద్ధిరూపం;
యస్సే'త్థ నిచ్చితమనో కవిసజ్జపాల-
త్థేరుత్తమో జనహితాయ నియోజయీ తం.

35. "కిన్హాపి సన్తి వివిధా పటిపత్తిగన్ధా,
కేసఞ్చి కిఞ్చి తు న బుద్ధమతానుసారం;
సంసుద్ధధేరసమయేహి చ తే విరుద్ధా,
తస్మా కరోతు విమలం పటిపత్తిగన్ధం".

36. మేత్తాదయమ్బుదవనం జనభూమియం'స,

సంవస్సతే చ'రియమగ్గగమగ్గ'మగ్గం;
సంసోధనత్త'మితి "పత్తితథేరఆసం,
పూరేస్స'మేత"మితి కాసి విసుద్ధిమగ్గం.

౩౭. వీరానుకమ్పసతియోజితబుద్ధిమా సం,
ఓగ్గయ్య, గయ్య చ' ఖిలట్టకథా సతన్తి;
సారం సఖేద'మనపేక్కియ సాధుకం స,
యం'కాసి, కం ను'ధ న రోచయతే బుధం సో.

౩౮. వుత్తే'త్థ భావపరమావ సభావధమ్మా,
వత్థూ చ పీతిసుఖవేదనియా'నితావ;
పుణ్ణో'వ సబ్బపటిపత్తినయేహి చేసో,
పుప్పాభిపుల్లపవనంవ విరాజతే'యం.

౩౯. యం పస్సియాన పరికప్పియ రత్నసార-
గబ్బం విసుద్ధి'మభియాతు'మపేక్ఖమానా;
తం సార'మాదియితు'మాసు పయుత్తయుత్తా,
దిస్సా హి నగ్గరతనం నను వజ్జయే న.

౪౦. కన్తా పదావలి'హ తన్నినయానుసారా,
సారాతిసారనయపన్తి పసిద్ధసిద్ధా;
అత్థా చ సన్తినుగమాయ తులాయమానో'-
య్యోగేన మేత్థ హి వినా పటిపత్తి కా'ణ్ణా.

౪౧. ఆభాతి సత్తు చతురాగమమజ్ఞగో'యం-
అత్థే పకాసయిహ భాణువ నేకదబ్బే;
మేధావిపీతిజననం'స విధాన'మేతం-
తీతజ్ఞో యావ కవిగోచర'మస్స ఇాణం.

౪౨. దిట్టావ తిక్ఖమతి'మస్స విసుద్ధిమగ్గ-
సమ్మాదనేన సముపాత్తసుధీపదేభి;
తేనస్స బుద్ధవచనత్థవిభావనాయ,
పబ్బత్తసత్తి విదితా విదితాగమేహి.

౪౩. ఖ్యాతం కవీభి'ధిగతం యస'మావహేన,

ధేరస్స సుద్ధమతిబుద్ధసిరీప్థయస్స;
లోకత్థ'మావికతపత్తన'మాదియాన,
సామిచ్చా నిన్నహదయేన జనాన'మత్తే.

౪౪. సమ్మబ్బభావవిదితేని'మినా సమన్త-
పాసాదికాప్థవినయట్టకథా పణీతా;
సూరో'దితే వియ తయా వినయత్తమూహ్లా-
మూళ్ళీ భవన్తి జిననీతిపథా'ధిగన్త్యా.

౪౫. లజ్జా అలజ్జతికతావ మహామహిన్ద-
త్తేరేన యా చ వినయట్టకథా'భతా, తం;
కన్తాయ సీహళగిరాయ గిరాయమానా,
అచ్చన్తకన్తబహులా మునయో పురా'సుం.

౪౬. అజ్ఞా చ పచ్చరి-కురున్దిసమజ్ఞా'తాదీ,
దీపం పదీపకరణీ వినయమ్హి యా'సుం;
సజ్గయ్య తాస'మఖిలత్తనయే చ ధేర-
వాదే చ ముత్తరతనానివ మేకసుత్తే.

౪౭. తాహేవ సీహళనిరుత్తియుతజ్ఞా తన్తిం,
ఆరోపియాన రుచిరం అథ విత్థతజ్ఞా;
మగ్గం సమాసనవసేన యథా సమత్త-
లోకేన యా గరుకతా కతమాననా'కా.

౪౮. సుద్ధన్వయాగథవిరా చ విసుద్ధధేర-
వాదీ విసుద్ధవినయాగమపుజ్జధమ్మా;
సుద్ధం కరింసు న యథే'న్తి తదజ్ఞావాదా,
ఇచ్ఛాది'మావికరియా'సి నిదానమేత్తే.

౪౯. యస్మిం మనుజ్ఞాపదపన్తి సుభా సుబోధా,
అత్థా చ పీతిసమ'విష్టుయతాదిభావీ;
చిత్రా విచిత్రమతిజా కవిచిత్రహంసా,
తస్మా రసాయతి తదత్థనుసారిసం యం.

౫౦. అచ్చన్తసాగరనిభా వివిధా నయత్థా,

సన్తేత్ర యాసు వినయట్టకథా పురాణా;
తాసం యథాభిమతపన్తి సుతన్తికత్తం,
కిష్కీస్స కిష్కీ బలవీర'పటిచ్చ కాతుం.

౨౧. ఉయ్యోగమస్స కరుణాపహితం పటిచ్చ,
పజ్ఞాసహాయసహితం బలవజ్ఞా దళ్లం;
లద్ధావ యా నిఖిలలోకమనుజ్ఞాభూతా,
మేధావినం'నుసభగావ విరాజతే సా.

౨౨. విజ్ఞాభి యా “వినయసాగరపారతిణ్ణే”,
సమ్భావితా “సుతరణాయతి సీఘవాహా”;
ఇచ్ఛాభిమానితగుణా'జ్ఞ రరాజ యావ,
కిం యం ధిరం లహు వినస్సతి దుప్పసయ్యం.

౨౩. “యా బ్యాపినీ'ఖిలనయస్స సుబోధినీ చ,
సోతూభి సేవితసదాతనధమ్మరజ్ఞం;
కత్వాన లోకపహితే సగుణే దధన్తి,
రాతూ"తి నట్ట'ముపగా'ట్టకథా పురాణా.

౨౪. జనాభిసత్తాయ దయాయ చోదితో,
విధేజ్ఞ ఖేదం వినయమ్మి సాధునం;
అథాగమాన'ట్టకథావిధాననే,
ధురం దధాతుం'భిముఖా'సి సో సుధీ.

౨౫. పద్మంవ పుల్లాభినతం సుభాణుభం,
లద్ధాన పుల్లం'తినయా'సి చేతనా;
దారాదినాగేన ధిరగ్గధీమతా,
యా పత్తితా'రబ్భ తదత్థసిజ్ఞనే.

౨౬. దీఘాగమత్థేసు సబుద్ధివిక్కమ-
మాగమ్మ సారాధిగమా సుమజ్జల-
నామానుగంతావ విలాసినీతి యా,
సంవణ్ణనా లోకహితాయ సమ్భవీ.

౨౭. గమ్భీరమేధావినయాగమమ్మిపి,

ఆరబ్బ బుద్ధిం'స సునిమ్మలీకతా;
విజ్ఞాతబుద్ధాభిమతా బహూ జనా,
అజ్ఞాతసాధా మహతజ్ఞో బుద్ధియో.

౨౮. సా'నీతవిద్వాక్తిమనా మనాయితా,
కన్తాగమే ధమ్మసభాయతే సదా;
తేనేవ మజ్ఞో'హ తిరోకతా తయా,
కిం సీఘగ'జ్ఞాత్ర పథజ్ఞాగామికా.

౨౯. పత్వా మహంతా'మృర'మమ్బుదో యథా,
లోకత్తసాధీపి మహాసయం మతి;
తస్మా'స్స సిద్ధా'త్థకథాపరమ్పరా,
బుద్ధిప్పదానాయ' హువుం నవా నవా.

౩౦. బుద్ధాదిమిత్తం ధిరసేత్థ'ముద్దిసం,
సంవణ్ణనా చాసి పపజ్ఞాసూదనీ;
“సబ్బత్థసారే జినమజ్ఞిమాగమే,
లద్ధాన పీతిం సుజనా సమేన్తు”తి.

౩౧. ఉప్పజ్జి “సారత్థపకాసినీ”తి యా,
సా జోతిపాలస్స యథాభిలాసితం;
లోకం యథానామికసారదీపనా,
భాతా'సి సమ్మాపటిపన్నపన్దదా.

౩౨. సమ్మూరి కాతుం'స మనోరథో యయా,
అజ్ఞత్తరన్తాగమమత్తవణ్ణనా;
తన్నామధేయ్యం సుజనజ్ఞా జీవకం,
సో జోతిపాలజ్ఞా పసత్థధీతిమం.

౩౩. ఉద్దిస్స యం'కాసి పవీణతం కరం,
బుద్ధాదిసంసేభ్యసుమగ్గదస్సనే;
సద్దమ్మపుష్పాన' వనాయితా'సి సా,
విద్వాలీసజ్ఞస్స సదావగాహణా.

౩౪. యేన'త్తలద్ధిం పజహన్తు సాధవో,

దుబ్బోధధమ్మే చ సభావదీపనే;
బుజ్జన్తు, ఇచ్ఛాసి'భిధమ్మసాగరో,
తత్థా'వతారం సుకరేన సాధినీ.

౧౮. మేధావిలాసా'స్సహువు'ట్టసాలినీ,
కన్తా చ సమ్మోహావినోదనీతి యా;
తా బుద్ధఘోసోతి సతుల్యనామిక-
మాగమ్మ జాతా సుజనత్తసాధినీ.

౧౯. అజ్ఞా చ పఞ్చట్టకథా'భిధమ్మజే,
భావే నిధాయే'త్త యథా'స్సు సుత్తరా;
గమ్మీరమత్తేసు పవిద్ధబుద్ధితం,
సమ్మాదనీ సత్థు'తులత్తదీపనీ.

౨౦. సోణావ్హధేరస్స పటిచ్చ యాచనం,
తా యాయ కజ్ఞా వితరన్తి భిక్షవో;
యా పాతిమోక్షమ్మి, తదన్వయావ్హయం,
సంవణ్ణనం'కాసి స ధీమతం వరో.

౨౧. సమత్తలోకటవిభావిరజ్జానా,
కతే'మినా ధమ్మపదస్స వణ్ణనా;
ధిరం సముద్ధిస్స కుమారకస్సపం,
సతం మనం పీతిపపుల్లితం యయా.

౨౨. అజ్ఞా'స్స యా సుత్తనిపాత-ఖుద్దక-
పారత్థదాతా పరమత్థజోతికా;
సంవణ్ణనా జాతకతన్తి మణ్ణనా,
తా హోన్తి లోకస్స హితప్పదీపినీ.

౨౩. నిస్సేసలోకమ్మి పచారణిచ్ఛా,
లజ్జాగతాన'ట్టకథాన'మద్ధా;
యా థేరవాదీన'మపూరి బుద్ధ-
ఘోసగ్గధేరస్స పభావలద్ధా.

౨౪. భద్దం'స నామజ్ఞా, గుణా మనుజ్ఞా,

సమగ్గగామీ'నుకరోన్తి తేసం;
ససజ్కుసూరా హి సదాతనా యే,
లోకం పమోదశ్చ కరం చరన్తి.

౭౨. సుబుద్ధఘోసస్స విభావిసత్తి-

పబ్బత్తి'మారబ్బ థిరాసభస్స;
సమగ్గలోకో హి సుథేరవాదే,
మానం పవడ్డేసి అనశ్శజాతం.

౭౩. బుద్ధోతి నామం భువనమ్హి యావ,

సుబుద్ధఘోసస్స సియా న కిశ్శో;
లద్ధా హి సాధూభి మహోపకారా,
మహగ్గవిత్తానివ తంసకాసా.

౭౪. ఖీయేథ వణ్ణో న సముద్ధటోపి,

నన్వ'స్స నేకా హి గుణా అనన్తా;
కో ను'ద్ధరేయ్యా' ఖిలసాగరోదే,
తథాపి మశ్శాన్తు సుధీ సదా తేతి.

చట్టసంజ్ఞీతిభారనిత్థారకసజ్ఞసమితియా పకాసీతాయం

విసుద్ధిమగ్గనిదానకథా నిట్టితా.